

Q. SEPTIMII FLORENTIS
TERTULLIANI
APOLOGETICVS
ET AD
SCAPULAM LIBER.
Accessit
M. MINUCII FELICIS
OCTAVIUS.

*Quid Tertulliano eruditius, quid
acutius ? Apologeticus ejus,
& contra Gentes Libri, cum
Etam seculi obtinent Disciplinam.
S. Hieron. Epist. ad Magnum.*

CANTABRIGIÆ,
Ex Officina Joan. Hayes, Almæ Aca-
demix Typographi. 1686.
Impensis Henr. Dickinson & Rich. Green,
Bibliopol. Cantabr.

62

W. H. L. L. L.



A D LECTOREM.

A NNI jam aliquot elapsi sunt, Erudite Lector, ex quo Apologiarum συλλογὴ (quotquot temporum injuriâ interceptæ non sunt) à viris pietate atque eruditione præstantibus pro causâ Christianorum, tam Græcè quàm Latine, Scriptarum (collectis undique & inter se collatis optimis, antiquissimisque Editionibus) in lucem emittere mecum statueram: Opus, quod sciam, uno Volumine hucusque ineditum; & quod Orbi literato non ingratum fore, sperandum est. Neque enim (ut Desiderii Heraldi verbis utar) ex omnibus Antiquitatis monumentis ulla extant, unde tantam de Veteris Ecclesiæ statu, disciplinâ, moribus, cognitionem percipere possis, quantam ex Apologeticis Libris; in quibus non solum calumnias, quibus Christianum nomen lacerabatur, Fideles diluebant; sed

Ad Lectorem.

& Religionis suæ negotia, quantum apud profanos licebat, luculentissimè explicabant. Interim verò dum huic Operi instamus, quod aliquando absolutum iri desperandum non est, si Deus Opt. Max. vitam nobis & otium concesserit ; Q. Septimii Florentis Tertulliani Apologeticum, aureolum quidem Libellum, (quippe qui magnâ quâdam eruditionis copiâ refertus sit, & cunctam sæculi disciplinam, quod erat B. Hieronymi iudicium, contineat) prelo subijcere visum est : utpote in quo ea tractantur, quæ digna sunt ut, nunc quoque dierum, omnibus inculcentur. Homines enim non ita pridem à Nobis egressi sunt, (ἀλλ' ἐκ ἡμῶν ἐξ ἡμῶν), ut inquit Sanctus ille Apostolus & Evangelista ;) nec indiferti quidem, nec indocti, qui in omnibus circulis dicere minimè dubitarent, illos qui primis temporibus amplexi sunt Veritatem Evangelii, perditelles idèò non fuisse, non quòd Imperii Romani statum evertere noluerunt ; sed quia minnero & animis impares, hanc everfionem efficere minimè potuerunt. Inclemens certò dictum, nec minùs malitiosum, quàm falsum ; cui refellendo, nullum è Veteris Ecclesiæ monumentis magis idoneum esse videbatur, quàm Tertulliani Apologeticus : dignus sanè Liber, quem tam eruditionis cupidi, quàm pacis publicæ studiosi nocturnâ diurnâque manu versent : In quo convitia
hæc,

Ad Lectorem.

hec, ut & multa alia, quæ in Patres nostros
iacta fuerant, eo modo confusa sunt & ob-
trita, ut mirum sit ullos jam restare, præ-
sertim inter Christianos, qui opprobria hæc
Veteribus denuò ingerant; cum ipsos eorum
hostes jam tum puduerit, tam & iniquè age-
re, & impudenter loqui. Fatendam quidem
est, Patres nostros, qui primi ceperunt ag-
noscere & profiteri Nomen Christi, indignis
modis acceptos fuisse à Principibus Roma-
nis; quod scilicet malis persuasionibus indu-
cti, idèò eos antelucanis horis inter se con-
venire crederent, ut occulta consilia contra
Rempublicam inirent, & Principum jura mi-
nuere studerent. Sed quod haud mediocre
nobis solatium affert, allatas hæc criminati-
ones non minùs luculenter diluebant Veteres,
quàm ab insensissimis Religionis Christianæ
hostibus malitiosè fictæ fuerant & commentæ.
Et hæc semper fuit Nostrorum gloria, quòd
nullis injuriis tam irritari potuerint, ut
in Principes, licèt indignissimè ab eis vex-
arentur, hostili animo essent; aut ullis
adversùs eos conjurationibus assentirentur;
etsi eà multitudine septi essent, ut fa-
cile possent conficere, quod in hoc genere se-
cum statuissent. Vera esse hæc, & vel luce
clariora, cuius hunc Apologeticum evolv-
enti patebit. Ubi Ecclesia Christiana Ter-
tulliani ore profitetur, præcari se semper
pro omnibus Imperatoribus, vitam illis
pro-

Ad Lectorem.

prolixam, imperium securum, domum tutam, exercitus fortes, Senatum fidelem, populum probum, Orbem quietum, & quæcunque hominis, & Cæsaris vota sunt. *Hinc est, quòd tantâ confidentiâ gloriatur, Albinianos nunquam, aut Nigrianos, vel Cassianos inventos fuisse Christianos; utpote qui scirent Imperatorem à Deo constitutum, hominem à Deo secundum, post Deum primum, &, quidquid est, à Deo consecutum, & solo Deo minorem. Denique, si hostes exertos agere, & læsi vicem referre voluissent Christiani; ne illis numerorum & copiarum vim defuisse dicerent posteri, hæc literis consignavit. Hesterni (inquit) sumus, & vestra omnia implevimus, urbes, insulas, castella, municipia, conciliabula, castra ipsa, tribus, decurias, palatium, Senatum, forum. Sola vobis relinquimus templa. Cui bello non idonei, non prompti fuissetus, etiam impares copiis, qui tam libenter trucidamur, si non apud istam disciplinam magis occidi liceret, quàm occidere? Hanc fuisse veteris Ecclesiæ doctrinam, hanc Majorum nostrorum, erga Imperatores, Christi nomen nondum professos, observantiam, palàm est. Quæ, si omnibus nunc dierum, ut olim illis, cordi esset; non videremus Principum jura imminuta, & labefacta; faceretur à nobis longè omnis factionum, & conjurationum metus; Regibus*
fidem

Ad Lectorem.

fidem debitam, & obsequium præstaremus, & illi denique Paternâ (quod faciunt) benevolentiâ nos complecterentur. Horum præceptorum Magistrum, (quod nomen olim Nostro imposuit sanctus Martyr Cyprianus) Tertullianum scilicet, in manus Tibi damus, Erudite Lector. In quo accurando quid à nobis præstitum sit, paucis accipe: Contulimus Rigaltii & De-la-Cerdæ Editiones cum illâ Desiderii Heraldii, quæ prodiit Lutetiæ Parisiorum anno 1613. Quâ collatione facta, Heraldianum exemplar (quod cum duobus optimis MS Codicibus collatum fuerat; quorum alterum Puteani fratres, alterum Jacobus Bongarsius utendum ei dederat;) castigatius fuisse comperimus. Hoc igitur, summâ, quâ potuimus, curâ expressum, Tibi exhibemus. Capitum argumenta addidimus, ex Edit. De-la-Cerdæ exscripta; unde etiam ad Scapulam Libellum descripsimus. Accessit præterea M. Felicis Octavius, ut ab eodem Heraldio editus fuerat, cum Oxoniensi, & Jacobi Ouzelii, Editionibus collatus; cui Fr. Balduini Præfationem fœdissimis mendis, quibus scatebat, expurgatam præmisimus. Tu verò, Lector Benevole, Operam hanc nostram æqui boni consule, & Vale.

3

1952



Q. SEPTIMII FLORENTIS
TERTULLIANI
 APOLOGETICVS.

CAP. I.

*Quòd Religio Christiana damnan-
 da non sit, nisi qualis prius in-
 telligatur.*

SI non licet vobis, Romani Im-
 perii Antistites, in aperto, &
 edito ipso ferè vertice civita-
 tis præsidentibus ad judican-
 dam, palàm dispicere, & co-
 ram examinare, quid sit liquido in cau-
 sa Christianorum; Si ad hanc solam
 speciem auctoritas vestra de justitiæ
 diligentia in pùblico aut timet, aut e-
 rubescit inquirere; si denique, quod
 A proxime

proximè accidit, domesticis indiciis nimis operata sectæ hujus infestatio obstruit defensioni: liceat veritari vel occultata via tacitarum literarum ad aures vestras pervenire. Nihil illa de causa sua deprecatur, quia nec de conditione miratur. scit se peregrinam in terris agere; inter extraneos facile inimicos invenire. Cæterum genus, sedem, spem, gratiam, dignitatem in coelis habere. Unum gessit interdum, ne ignorata damnetur. Quid hic deperit legibus in suo regno dominantibus, si audiat? An hoc magis gloriabitur potestas earum, quo etiam auditam damnabunt veritatem? Cæterum inauditam si damnent, præter invidiam iniquitatis, etiam suspicionem merebuntur alicujus conscientia, nolentes audire, quod auditum damnare non possint. Hanc itaque primam causam apud vos collocamus iniquitatis odii erga nomen Christianum. Quam iniquitatem idem titulus & onerat, & revincit, qui videtur excusare, ignorantia scilicet. Quid enim iniquius, quam ut oderint homines quod ignorant, etiam si res meretur odium? Tunc etenim meretur, cum cognoscitur an mereatur. Vacante autem meriti notitia, unde odii justitia defenditur?

ditur? quæ non de eventu, sed de conscientia probanda est. Cum ergo propterea oderint homines, quia ignorant quale sit, quod oderunt, cur non liceat ejusmodi illud esse, quod non debeant odisse? Itæ utrumque ex alterutro redarguimus, & ignorare illos, dum oderunt, & injustè odisse, dum ignorant. Testimonium ignorantia est, quæ, iniquitatem dum excusat, condemnat, cum omnes, qui retro oderant, quia ignorabant quale sit quod oderant, simul desinant ignorare, cessant & odisse. Ex his sunt Christiani utique de comperito, & incipiunt odisse, quod fuerant, & profiteri quod oderant, & sunt tanti, quanti & denotantur. Oblesam vociferantur civitatem; in agris, in castellis, in insulis Christianos; omnem sexum, ætatem, conditionem, & dignitatem transgredi ad hoc nomen quasi detrimento moerent: nec tamen hoc ipso modo ad æstimationem alicujus latentis boni promovent animos. Non licet rectius suspicari, non libet propius exponi, hic tantum curiositas humana torpescit. amant ignorare, cum alii gaudeant cognovisse. Quanto magis hos Anacharis denotasset imprudentes de prudentibus judicantes, quàm immu-

cos de musicis ? malunt nescire, quia jam oderunt. adeo quod nesciunt, præjudicant id esse, quod si sciant, odisse non poterant ; quando si nullum odii debitum deprehendatur, optimum utique sit desinere injuste odisse : si vero de merito constet, non modo nihil odii detrahatur, sed amplius acquiratur ad perseverantiam, etiam justitiæ ipsius auctoritate. Sed non ideo, inquit, bonum, quia multos convertit ; quanti enim ad malum performantur ? quanti transfuge in perversum ? quis negat ? tamen quod verè malum est, ne ipsi quidem, quos rapit, defendere pro bono audent. Omne malum aut timore, aut pudore natura perfudit. Denique malefici gestiunt latere, devitant apparere, trepidant deprehensi, negant accusati, ne torti quidem faciliè, aut semper confitentur. certè condemnati moerent. dinumerant in semetipsos, mentis malæ impetus vel fato, vel astris imputant ; nolunt enim suum esse, quia malum agnoscunt. Christianus verò quid simile ? neminem pudet, neminem poenitet, nisi planè retro non fuisse. Si denotatur, gloriatur ; si accusatur, non defendit. Interrogatus, vel ulero confitetur ; damnatus, gratias agit. Quid hoc mali est, quod

quod naturalia mali non habet? timorem, pudorem, tergiversationem, poenitentiam, deplorationem. Quid hoc mali est, cujus reus gaudet? cujus accusatio votum est, & poena felicitas? non potes dementiam dicere, qui revinceris ignorare.

CAP. II.

Perversitas quæ in damnandis & absolvendis Christianis observatur.

SI certum est denique nos nocentissimos esse, cur à vobis ipsis aliter tractamur, quam pares nostri, id est, cæteri nocentes, cum ejusdem noxæ eadem tractatio deberet intervenire? Quodcunque dicimur, cum alii dicuntur, & proprio ore, & mercenaria ad vocatione utuntur ad innocentia suæ commendationem. respondendi, altercandi facultas patet: quando nec liceat indefensos, & inauditos omnino damnari. Sed Christianis solis nihil permittitur loqui, quod causam purget, quod veritatem defendat, quod judicem non faciat injustum: sed illud solum expectatur, quod odio publico necessarium est, confessio nominis, non examinatio criminis: quando si de aliquo nocente

cognoscitis, non statim confesso eo nomen homicidæ, vel sacrilegi, vel incesti, vel publici hostis (ut de nostris e-logiis loquar) contenti sitis ad promuntiandum, nisi & consequentia exigatis, qualitatem facti, locum, modum, tempus, conscios, socios. De nobis nihil tale, cum æque extorquere oporteret quodcunque falsò jactatur; quot quisque jam infanticidia degustasset; quot incesta contenebrasset; qui coci; qui canes affuissent. O quanta illius præsidis gloria, si eruiisset aliquem, qui centum jam infantes comedisset. Atqui invenimus inquisitionem quoque in nos prohibitam. Plinius enim Secundus, cum provinciam regeret, damnatis quibusdam Christianis, quibusdam gradu pulsus, ipsa tamen multitudine perturbatus, quid de cætero ageret consuluit tunc Trajanum imperatorem, allēgans præter obstinationem non sacrificandi, nihil aliud se de sacramentis eorum comperisse, quam coetus antelucanos ad canendum Christo & Deo, & ad conföderandam disciplinam, homicidium, adulterium, fraudem, perfidiam, & cætera scelera prohibentes. Tunc Trajanus rescripsit, hoc genus inquirendos quidem non esse, oblatos vero puniri

puniri oportere. O sententiam necessitate confusam! negat inquirendos, ut innocentes, & mandat puniri, ut nocentes. Parcit, & sævit; dissimulat, & animadvertit. Quid temetipsum censura circumvenis? Si damnas, cur non & inquiris? Si non inquiris, cur non & absolvis? Latronibus vestigandis per universas provincias militaris statio fortitur. In reos majestatis, & publicos hostes omnis homo miles est: ad socios, ad conscios inquisitio usque extenditur. Solum Christianum inquiri non licet; offerri licet; quasi aliud esset actura inquisitio, quam oblationem. Damnatu ergo oblatum, quem nemo voluit requisitum; qui puto jam non meruit ideo poenam, quia nocens est, sed quia non requirendus, inventus est. Itaque nec in illo ex forma malorum judicandorum agitis erga nos, quod cæteris negantibus adhibetis tormenta ad confitendum, solis Christianis ad negandum; cum si malum esset, nos quidem negaremus, vos verò confiteri tormentis compelleretis. Neque enim ideo non putaretis requirenda quæstionibus scelera, quia certi essetis admitti ea ex nominis confessione, qui hodie de confesso homicida, scientes homicidium quid sit, nihilomi-

nus ordinem extorquetis admissi : Quo
peruersus, cum præsumat de sceleribus
nostris ex nominis confessione, cogitis
tormentis de confessione decedere,
ut negantes nomen, pariter utique ne-
gemus & scelera, de quibus ex confes-
sione nominis præsumpseratis. Sed,
opinor, non vultis nos perire, quos
pessimos creditis. Sic enim soletis; di-
cere homicidæ, nega: laniari iubere sa-
crilegum, si confiteri perseveraverit. Si
non ita agitis circa nos nocentes, ergo
nos innocentissimos iudicatis, cum qua-
si innocentissimos non vultis in ea con-
fessione perseverare, quam necessitate,
non iustitia damnandam à vobis sciatis.
Vociferatur homo, Christianus sum.
quod est, dicit : tu vis audire quod
non est. Veritatis extorquendæ præsi-
des de nobis solis mendacium elabora-
tis audire. Hoc sum, inquit, quod
queris, an sim. Quid me torques in
peruersum? confiteor, & torques: quid
faceres, si negarem? Planè aliis negan-
tibus non facile fidem accommodatis, no-
bis, si negaverimus, statim creditis. Su-
specta sit vobis ista peruersitas, ne qua
vis lateat in occulto, quæ vos adver-
sus formam, adversus naturam judican-
di, contra ipsas quoque leges ministret.
Nisi

Nisi enim fallor, leges malos erui jubent, non abscondi : confessos damnari præscribunt, non absolvi. Hoc Senatus-consulta, hoc principum mandata definiunt ; hoc imperium, cujus ministri estis. Civilis, non tyrannica dominatio est. Apud tyrannos enim tormenta etiam pro poena adhibebantur : apud vos soli quæstioni temperatur. vestram illis servate legem usque ad confessionem necessariam. Et jam si confessione præveniantur, vacabunt. sententia opus est : debito poenæ nocens expungendus est, non eximendus. denique nemo illum gestit absolvere. non licet hoc velle. Ideo nec cogitur quisquam negare. Christianum hominem omnium scelerum reum, deorum, imperatorum, legum, morum, naturæ totius inimicum existimas. & cogis negare, ut absolveras, quem non poteris absolvere, nisi negaverit. Prævaricaris in leges. Vis ergo neges se nocentem, ut eum facias innocentem ; & quidem invitum jam, nec de præterito reum. unde ista perversitas ? ut etiam illud non recogitetis, sponte confessio magis credendum esse, quam per vim neganti ; vel ne compulsus negare, non ex fide negarit ; & absolutus, ibidem post tribunal de vestra rideat.

emulatione iterum Christianus. Cum igitur in omnibus nos aliter disponitis, quam ceteros nocentes, id unum contendendo, ut de eo nomine excludamur (excludimur enim, si facimus, quæ faciunt non Christiani) intelligere potestis, non scelus aliquod in causa esse, sed nomen, quod quædam ratio æmulæ operationis insequitur, hoc primum agens ut homines nolint scire pro certo, quod se nescire pro certo sciunt. Ideo & credunt de nobis quæ non probantur, & nolunt inquiri, ne probentur non esse, quæ malunt credidisse, ut nomen illius æmulæ rationis inimicum, præsumptis non probatis criminibus de sua sola confessione damnetur. Ideo torquemur confitentes, & punimur perseverantes, & absolvimur negantes, quia nominis prælium est. Denique quid de tabella recitatis illum Christianum, cur non & homicidam? Si homicida Christianus, cur non & incestus? vel quodcunque aliud esse nos creditis? In nobis solis pudet, aut piget ipsis nominibus scelerum pronuntiare. Christianus, si nullius criminis reus est, nomen valde infestum, si solius nominis crimen est.

CAP. III.

Titulus Christianitatis odiosus, id late probat.

Quid? quod ita plerique clausis oculis in odium ejus impingunt, ut bonum alicui testimonium ferentes, admisceant nominis exprobrationem. Bonus vir Caius Seius, tantum quod Christianus. Item alius. Ego Lucium sapientem virum repente factum Christianum, nemo retractat, ne ideo bonus Caius, & prudens Lucius, quia Christianus: aut ideo Christianus, quia prudens, & bonus? Laudant, quæ sciunt; vituperant, quæ ignorant: & id, quod sciunt, eo quod ignorant, corrumpunt, cum sit justius occulta de manifestis præjudicare, quam manifesta de occultis prædamnare. Alii, quos retro ante hoc nomen vagos, viles, improbos noverant, ex ipso denotant, quod laudant: cæcitate odii in suffragium impingunt. Quæ mulier, quàm lasciva, quàm festiva. Qui juvenis, quàm Lucius; quàm amasius: facti sunt Christiani. Ita nomen emendationi imputatur. Nonnulli etiam de utilitatibus suis cum odio isto paciscuntur, contenti injuria, dum ne demerant quod odierunt.

runt. Uxorem jam pudicam maritus jam non zelotypus; filium subjectum pater retro patiens abdicavit. servum jam fidelem dominus olim mitis ab oculis relegavit. Ut quisque hoc nomine emendatur, offendit. Tanti non est bonum, quanti est odium Christianorum. nunc igitur, si nominis odium est, quis nominum reatus? quæ accusatio vocabulorum? nisi aut barbarum sonat aliqua vox nominis, aut infaustum, aut maledicum, aut impudicum. Christianus verò, quantum interpretatio est, de unctione deducitur. Sed & cum perperam Chrestianus pronuntiatur à vobis, (nam nec nominis est notitia penes vos,) de suavitate, vel benignitate compositum est. oditur itaque in hominibus innocuis etiam nomen innocuum. At enim secta oditur in nomine utique sui authoris. Quid novi, si aliqua disciplina de magistro cognomentum sectoribus suis inducit? nonne philosophi de auctoribus suis nuncupantur Platonicus, Epicurei, Pythagorici? etiam à locis conventiculorum, & stationum suarum Stoici, Academici? Neque Medici ab Erasistrato, & Grammatici ab Aristarcho, Coci etiam ab Apicio? nec tamen quemquam offendit professio

ho nominis cum institutione transmissa ab institutore. planè si qui probavit malam sectam, & ita malum & auctorem, is probabit & nomen malum dignum odio de reatu sectæ, & auctoris. Ideoque ante odium nominis compete-
bat prius de auctore sectam recognoscere, vel auctorem de secta. At nunc utriusque inquisitione, & agnitione neglecta, nomen detinetur, nomen expugnatur. & ignotam sectam, ignotum & auctorem vox sola prædamnat, quia nominantur, non quia revincuntur.

CAP. IV.

Quod leges Principum, & Senatus--consulta nonnunquam errare possunt, atque adeo repurgari.

ATque adeo quasi præfatus hæc ad sugillandam odii erga nos publici iniquitatem, jam de causa innocentiae consistam, nec tantum refutabo, quæ nobis objiciuntur, sed etiam in ipsos retorquebo, qui objiciunt; ut ex hoc quoque sciant omnes in Christianis non esse, quæ in se nesciunt esse; simul uti erubescant accusantes, non dico pessimi optimos, sed jam, ut volunt, compares suos. Respondebimus ad singula, quæ in occulto admittere dicimur, quæ il-
los

los palam admittentes invenimus, in quibus scelesti, in quibus vani, in quibus damnandi, in quibus irridendi deputamur. Sed quoniam, cum ad omnia occurrit veritas nostra, postremo legum obstruitur auctoritas adversus eam, ut aut nihil dicatur retractandum esse post leges, aut ingratis necessitas obsequii præferatur veritati, de legibus prius concurram vobiscum, ut cum tutoribus legum. Jam primum, cum dure definitis dicendo, Non licet esse vos; & hoc sine ullo retractatu humaniore præscribitis, vim profiteamini, & iniquam ex arce dominationem; si ideo negatis licere, quia vultis; non quia debuit non licere. quod si quia non debet, ideo non vultis licere, sine dubio id non debet licere, quod malè fit, & utique hoc ipso præjudicatur licere quod bene fit. Si bonum invenero esse, quod lex tua prohibuit, nonne ex illo præjudicio prohibere me non potest, quod si malum esset jure prohiberet? si lex tua erravit, puto ab homine concepta est: neque enim de cælo ruit. Miramini hominem aut errare potuisse in lege condenda, aut resipuisse in reprobanda. Non enim & ipsius Lycurgi leges à Laedæmonijs emendatæ tantum auctori

auctori suo doloris incusserunt, ut in secessu inedia de semetipso judicaret? Nónne & vos quotidie experimentis illuminantibus tenebras antiquitatis totam illam veterem, & squalentem sylvam legum novis principalium rescriptorum, & edictorum securibus truncatis, & cæditis? Nónne vanissimas Papias leges, quæ ante liberos suscipi cogunt, quàm Juliae matrimonium contrahi, post tantæ auctoritatis senectutem, heri Severus constantissimus principum exclusit? Sed & judicatos in partes secari à creditoribus leges erant. consensu tamen publico crudelitas postea erasa est; & in pudoris notam capitis poena conversa est, bonorum adhibita proscriptione. Suffundere maluit hominis sanguinem, quàm effundere. Quot adhuc vos repurgandæ leges latent, quas neque annorum numerus, neque conditorum dignitas commendat, sed æquitas sola? & ideo, cum iniquæ recognoscuntur, merito damnantur, licet damnent cum ini- quas dicimus, immo si nomen puniunt, etiam stultas. Si verò facta, cur de solo nomine puniunt facta, quæ in aliis de admissio, non de nomine probata defendunt? incestus sum; cur non requirunt? infanticida: cur non extor-
quent?

quent? In Deos, in Cæsares aliquid committo: cur non audior qui habeo quo purger? nulla lex vetat discuti, quod prohibet admitti: quia neque iudex iustè ulciscitur, nisi cognoscat admissum esse, quod non licet: neque civis fideliter legi obsequitur: ignorans quale sit quod ulciscitur lex. Nulla lex sibi soli conscientiam justitiæ suæ debet, sed eis, à quibus obsequium expectat. Cæterum suspecta lex est, quæ probari se non vult: improba autem, si non probata dominetur.

CAP. V.

Imperatores Romani Christianum nomen qui probaverunt; & qui oderint.

UT de origine aliquid retractemus ejusmodi legum; vetus erat decretum, ne qui Deus ab imperatore consecraretur, nisi à senatu probatus. Scit M. Æmilius de Deo suo Alburno. Facit & hoc ad causam nostram, quod apud vos de humano arbitratu divinitas pensitatur. nisi homini Deus placuerit, Deus non erit, homo jam Deo propitius esse debet. Tiberius ergo, cuius tempore nomen Christianum in seculum introivit, annunciatum sibi ex Syria

Syria. Palæstina, quæ veritatem illius divinitatis revelarat, detulit ad senatum cum prærogativa suffragii sui. Senatus, quia non ipse probaverat, respuit. Cæsar in sententia mansit, comminatus periculum accusatoribus Christianorum. Consulite commentarios vestros. illic reperietis primum Neronem in hanc sectam cum maximè Romæ orientem Cæsariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest non nisi grande aliquod bonum à Nerone damnatum. Tentaverat & Domitianus portio Neronis de crudelitate; sed qua & homo, facile cœptum repressit, restitutis etiam quos relegaverat. tales semper nobis insecutores, injusti, impii, turpes, quos & ipsi damnare consuevistis, à quibus damnatos restituere soliti estis. Cæterum de tot exinde principibus ad hodiernum, divinum, humanumque sapientibus edite aliquem debellatorem Christianorum. At nos contrario edimus protectorem; si literæ Marci Aurelii gravissimi Imperatoris requirantur, quibus illam Germanicam sitim Christianorum forte militum precationibus impetrato imbri discussam contestatur. Qui sicut
non

non palam ab ejusmodi hominibus poenam dimovit, ita alio modo palam disperfit, adjecta etiam accusatoribus damnatione, & quidem tetriore. Quales ergo leges istae, quas adversus nos soli exercent impii, injusti, turpes, truces, vani, dementes? quas Trajanus ex parte frustratus est, vetando inquiri Christianos: quas nullus Hadrianus, quanquam curiositatum omnium explorator, nullus Vespasianus, quanquam Judaeorum debellator; nullus Pius, nullus Verus impressit. Facilius utique pessimi ab optimis quibusque ut ab amulis, quam à suis sociis eradicandi judicarentur.

CAP. VI.

Quantum à pietate, & majorum suorum legibus, Romani desecerint.

Nunc Religiosissimi legum, & patrum institutorum protectores, & cultores respondeant velim de sua fide, & honore, & obsequio erga majorum consulta, si à nullo desciverunt? si in nullo exorbitaverunt? si non necessaria, & aptissima quaeque disciplinae oblitteraverunt? quoniam illae leges abiecerunt sumptum, & ambitionem comprimentes?

primentes? quæ centum ætæ non amplius in coenam subscribi jubebant, nec amplius quam unam inferri gallinam, & eam non saginatam? quæ patricium, quod decem pondo argenti habuisset, pro magno titulo ambitionis senatu summovebant? quæ theatra stuprandis moribus orientia statim destruebant? quæ dignitatem, & honestorum natalium insignia non temere, nec impune usurpari sinebant? Video enim & centenarias coenas à centenis jam sestertiis dicendas: & in lances (parum est si senatorum, & non libertinorum vel adhuc flagra rumpentium) argentaria metalla producta. Video & theatra, nec singula satis esse, nec nuda. Nam ne vel hyeme voluptas impudica frigeret, primi Lacedæmonii penulam ludis exco-gitaverunt. Video & inter matronas, atque prostibulas nullum de habitu delictum relictum. Circa foeminas quidem etiam illa majorum instituta ceciderunt, quæ modestiæ, quæ sobrietati patrocinabantur, cum aurum nulla norat præter unico digito, quem sponsus oppignerasset pronubo annulo. Cum mulieres usque adeo vino abstinerentur, ut matronam ob resignatos cellæ vinarie loculos sui inedia necarint.

Sub

Sub Romulo verò quæ vinum attigerat, impune à Mecenio marito trucidata est. Idcirco & oscula propinquis offerre necessitas erat, ut spiritu judicarentur. Ubi est illa felicitas matrimoniorum de moribus utique prosperata, qua per annos ferme sexcentos ab Urbe condita nulla repudium domus scripsit? nunc in foeminis præ auro nullum leve est membrum: præ vino nullum liberum est osculum. Repudium verò jam & votum est, quasi matrimonii fructus. Etiam circa ipsos Deos vestros quæ prospècte decreverant patres vestri, iidem vos obsequentissimi rescidistis. Liberrum patrem cum mysteriis Consules fenatus auctoritate non modo urbe, sed universa Italia eliminaverunt. Serapidem, & Isidem, & Harpocratem cum suo Cynocephalo, Capitolio prohibitos inferri, id est, curia Deorum pulsos, Piso, & Gabinius Coss. non utique Christiani, everfis etiam aris eorum abdicaverunt, turpium & otiosarum superstitionum vitia cohibentes. His vos restitistis summam majestatem contulistis. Ubi religio? ubi veneratio majoribus debita à vobis? habitu, victu, instructu, sensu, ipso denique sermone proavis renuntiastis. Laudatis semper antiquitatem,

tem, & nove de die vivitis. Per quod ostenditur, dum à bonis majorum institutis deceditis, ea vos retinere, & custodire, quæ non debuistis, cum quæ debuistis, non custoditis. Adhuc quod videmipi fidelissime tueri à patribus traditam, in quo principaliter reos transgressionis Christianos destinatis, studium dico Deorum colendorum, de quo maxime erravit antiquitas, licet Serapidi jam Romano aras restruxeritis; licet Baccho jam Italico furias vestras immolaveritis, suo loco ostendam, proinde despicere, & negligi, & destrui à vobis adversus majorum auctoritatem. Nunc enim ad illam occultorum facinorum infamiam respondebo, ut viam mihi ad manifestiora purgem.

C A P. VII.

Inanis est fama, quæ Christianis obijcitur.

Dicimur sceleratissimi de sacramento infanticidii, & pabulo inde, & post convivium incesto, quod everiores luminum canes, legiones scilicet, tenebrarum, & libidinum impiarum inverecundia procurent. Dicimur tamen semper, nec vos quod tandem dicimur, erubescere curatis. Ergo aut eruite, si creditis,

dicis, aut nolite credere, qui non eru-
 istis. De vestra vobis dissimulatione
 præscribitur, non esse, quod nec ipsi au-
 detis eruere. Longe aliud munus car-
 nifici in Christianos imperatis, non ut
 dicant quæ faciunt, sed ut negent quod
 sunt. Censuræ illius disciplinæ, ut jam
 edidimus, à Tiberio est. Cum odio sui
 coepit veritas, simul atque apparuit ini-
 mica esse. Tot hostes ejus quot extra-
 nei, & quidem proprii, ex amulatione
 Judæi; ex concussione milites; ex na-
 tura ipsi etiam domestici nostri. Quo-
 tidie obsidemur, quotidie prodimur; in
 ipsis plurimum coetibus, & congregatio-
 nibus nostris opprimimur. Quis unquam
 taliter vagienti infanti supervenit? quis
 cruenta, ut invenerat, Cyclopum, & Si-
 renarum ora judicii reservavit? quis vel
 in uxoribus aliqua immunda vestigia
 deprehendit? quis talia facinora, cum
 invenisset, celavit, aut vendidit ipfos
 trahens homines? Si semper laterhus,
 quando proditum est quod admittimus?
 Imo à quibus prodi potuit? ab ipsis ca-
 nim reis non neque; cum vel ex for-
 ma omnibus mysteriis silenti fides debe-
 amur. Samothracia, & Eleusina reci-
 centur. Quanto magis talia, quæ pro-
 dita interim etiam humanam animad-
 versionem

versionem provocabunt, dum divina servantur? Si ergo non ipsi proditores sui, sequitur, ut extranei; & unde extraneis notitia? cum semper etiam p^{ro} initiationes arceant profanos, & arbitris caveant, nisi si impii minus metuunt. Natura famæ omnibus nota est. vestrum est. *Fama malum, quo non aliud velocius ullum.* Cur malum fama? quia velox? quia index? an quia plurimum mendax? quæ ne tunc quidem, cum aliquid veri affert, sine mendacii vitio est, detrahens, adjiciens, demurans de veritate. Quid? quod ea illi conditio est, ut non, nisi cum mentitur, perseveret. Et tamdiu vivit, quamdiu non probat. Si quidem ubi probavit, cessat esse, & quasi officio nuntiandi functa, rem tradit, & exinde res tenetur, res nominatur, nec quisquam dicit. verbi gratia, hoc Romæ aiunt factum, aut, fama est illum provinciam sortitum: sed, Sortitus est ille provinciam: &, Hoc factum Romæ. Fama nomen incerti locum non habet ubi certum est. An verò famæ credat, nisi inconsideratus? quia sapiens non credit incerto. Omnium est æstimare quantacunque illa ambitione diffusa sit, quantacunque asseveratione constructa. Quod ab uno aliquando principe exorta sit, necesse

neceſſe eſt; exinde in traduces lingua-
rum, & aurium ſerpat. Et ita modici
ſeminis vitium cætera rumoris obſcurat,
ut nemo recogitet ne primum illud os
mendacium ſeminaverit: quod ſæpe fit
aut ingenio æmulationis, aut arbitrio
ſuſpicionis, aut non nova, ſed ingenera
quibuſdam mentiendi voluptate. Bene
autem, quod omnia tempus revelat, te-
ſtibus etiam veſtris proverbiiis, atque
ſententiis, ex diſpoſitione naturæ, quæ
ita ordinavit, ut nihil diu lateat, etiam
quod fama non diſtulit. Merito igitur
fama tamdiu conſcia ſola eſt ſcelerum
Chriſtianorum. Hanc indicem adver-
ſus nos profertis, quæ, quod aliquan-
do jactavit, tantoque ſpatio in opinio-
nem corroboravit, uſque adhuc probare
non valuit.

CAP. VIII.

*Flagitia quibus infamantur, nedum
falſa ſunt, ſed de Chriſtianis in-
credibilia.*

UT fidem naturæ ipſius appellem ad-
verſus eos, qui talia credenda eſſe
præſumunt, ecce proponimus horum fa-
cinorum mercedem; vitam æternam re-
promittunt. Credite interim. De hoc
enim quæro, an & qui credideris, tanti
habeas

habeas ad eam tali conscientia pervenire? veni, demerge ferrum in infantem nullius inimicum, nullius reum, omnium filium; vel si alterius officium est, tu modo assiste morienti homini antequàm vixit; fugientem animam novam expecta; excipe rudem sanguinem. Eo panem tuum satia: vescere libenter. Interea discumbens dinumera loca, ubi mater, ubi soror; nota diligenter, ut cum tenebræ ceciderint caninæ, non erres. Piaculum enim admiseris, nisi incestum feceris. Talia initiatus, & consignatus vivis in ævum. Cupio respondeas, si tanti æternitas, aut si non, ideo nec credenda. Etiam si credideris, nego te velle. Etiam si volueris, nego te posse. Cur ergo alii possint, si vos non potestis? cur non possitis, si alii possunt? alia nos opinor, natura, Cynopenæ, aut Sciapodes; alii ordines dentium; alii ad incestam libidinem nervi. Qui ista credis de homine, potes & facere: homo es & ipse, quod & Christianus. Qui non potes facere, non debes credere. Homo est enim & Christianus, & quod & tu. Sed ignorantibus subjicitur, & imponitur. Nihil enim tale de Christianis asseverari sciebant, observandum utique sibi, & omni vigilantia investigandum.

stigandum. Atque volentibus initiari moris est (opinor) prius patrem illum sacrorum adire, quæ præparanda sint describere. Tum ille; infans tibi necessarius adhuc tener, qui nesciat mortem, qui sub cultro tuo rideat. Item panis, quo sanguinis jurulentiam colligas; præterea candelabra, & lucernæ, & canes aliqui, & offulæ, quæ illos ad everfionem luminum extendant. Ante omnia cum matre, & sorore tua venire debebis. Quid si noluerint, vel nullæ fuerint? quid denique singulares Christiani? non erit (opinor) legitimus Christianus nisi frater, aut filius. Quid nunc & si ista omnia ignaris præparantur? Certè postea cognoscunt, & sustinent, & ignoscunt. Timent plecti, si proclamant, qui defendi merebuntur; qui etiam ultro perire malint, quam sub tali conscientia vivere. Age nunc timeant; cur etiam perseverant? Sequitur enim ne ultra velis id te esse, quod si prius scisses, non fuisses.

C A P. IX.

*Quòd qua Christianis obijciuntur,
in sacris ipsorum gentiliū, tum
in aperto, tum in occulto com-
mittantur.*

HÆC quo magis refutaverim, à
vobis fieri ostendam partim in a-
perto, & partim in occulto, per quod for-
sitan & de nobis credidistis. Infantes
penes Africam Saturno immolabantur
palàm usque ad proconsulatum Tibe-
rii, qui eosdem Sacerdotes in eisdem
arboribus templi sui obumbratricibus
scelerum, votivis crucibus exposuit, te-
ste militia patriæ nostræ, quæ idipsum
munus illi proconsuli functa est. Sed
& nunc in occulto perseveratur hoc sa-
crum facinus. non soli vos contemnunt
Christiani, nec ullum scelus in perpe-
tuum eradicatur, aut mores suos aliqui
Deus mutat. Cum propriis filiis Sa-
turnus non pepercit, extraneis utique
non parcendo perseverabat, quos qui-
dem ipsi parentes sui offerebant, & li-
bentes respondebant, & infantibus blan-
diebantur, ne lachrymantes immolaren-
tur. Et tamen multum homicidio pari-
cidium differt. Major ætas apud Gal-
los Mercurio profecatur. Remitto Tau-

ricas fabulas theatris suis. Ecce in illa religiosissima urbe Æneadarum piorum est Jupiter quidam, quem ludis suis humano proluunt sanguine. Sed bestiarum, inquitis. Hoc opinor minus quam hominis. An hoc turpius, quod mali hominis? certe tamen de homicidio funditur. O Jovem Christianum, & solum Patris Filium de crudelitate. Sed quoniam de infanticidio nihil interest, sacro an arbitrio perpetretur (licet parricidium homicidio intersit) convertar ad populum. Quot vultis ex his circumstantibus, & in Christianorum sanguinem hiantibus, ex ipsis etiam vobis iustissimis, & severissimis in nos præsidibus apud conscientias pulsem, qui natos sibi liberos enecent? Siquidem & de genere necis differt, utique crudelius in aqua spiritum extorquetis, aut frigori, & fami, & canibus exponitis. Ferro enim mori ætas quoque major optaverit. Nobis verò homicidio semper interdicto, etiam conceptum utero, dum adhuc sanguis in hominem delibatur, dissolvere non licet. Homicidii festinatio est prohibere nasci. Nec refert natam quis eripiat animam, an nascentem disturbet. Homo est & qui est futurus. Etiam fructus omnis jam in semine est.

De

De sanguinis pabulo, & ejusmodi tragicis ferculis legite necubi relatum sit (est apud Herodotum, opinor) defusum brachiis sanguinem ex alterutro degustatum nationes quasdam foederi comparasse. Nescio quid & sub Catilina degustatum est. Aiunt & apud quosdam gentiles Scytharum defunctum quemque à suis comedi. Longe excurro. Hodie istic Bellonæ sacratus sanguis de femore profcisso in palmulam exceptus suis datus signatis. Item illi, qui munere in arena noxiorum jugulatorum sanguinem recentem de jugulo decurrentem exceptum avida siti comitali morbo medentes hauserunt. Ubi sunt item illi, qui de arena ferinis obsoniis coenant? qui de apro, qui de cervo petunt? Aper ille, quem cruentavit, colluctando deterfit; Cervus ille in gladiatoris sanguine jactavit. Ipsorum ursorum alvei appetuntur cruditanes adhuc de visceribus humanis. Ructatur proinde ab homine caro pasta de homine. Hæc qui editis, quantum abestis à conviviis Christianorum? Minus autem & illi faciunt, qui libidine fera humanis membris inhiant, quia vivos vorant? minus humano sanguine ad spurciciam consecrantur, quia futurum sanguinem

guinem lambunt? non edunt infantes
planè, sed magis puberes. Erubescat
error vester Christianis, qui ne anima-
lium quidem sanguinem in epulis escu-
lenti habemus. Qui propterea quo-
que suffocatis, & morticinis abstine-
mus, ne quo sanguine contaminemur
vel intra viscera sepulto. Denique in-
ter tentamenta Christianorum, botulos
etiam cruore distentos admovetis, cer-
tissimi scilicet illicitum esse penes illos,
per quod exorbitare eos vultis. Por-
rò quale est, ut quos sanguinem peco-
ris horrere confiditis, humano inhiare
credatis? nisi forte suaviorem eum ex-
perti, quem quidem & ipsum proinde
examinatorem Christianorum adhiberi
ut foculum, ut acerram oportebat. Pro-
inde enim probarentur sanguinem hu-
manum appetendo, quemadmodum sa-
crificium respuendo: alioquin necandi
si gustassent, quemadmodum si non im-
molassent. Et utique non deesset vo-
bis in auditione custodiarum, & dam-
natione sanguis humanus. Proinde in-
cesti qui magis, quàm quos ipse Jupi-
ter docuit? Persas cum suis matribus
misceri Ctesias refert. Sed & Macedo-
nes suspecti, quia cum primum Oedi-
pum tragœdiam audissent, ridentes in-
cesti

cesti dolorem, *ἐπλυνε*, dicebant, *εἰς τὸν
μνῆρα*. Jam nunc recogitate quan-
tum liceat erroribus ad incesta miscen-
da suppeditante materias passivitate lu-
xuriæ. In primis filios exponitis sus-
cipiendos ab aliqua prætereunte mise-
ricordia extranea, vel adoptandos me-
lioribus parentibus emancipatis. Ali-
enati generis necesse est quandoque me-
moriæ dissipari. Et simul error impe-
gerit, exinde jam tradux proficiet ince-
sti serpente genere cum scelere. Tunc
deinde quocunque in loco, domi, pere-
grè, trans freta comes est libido. Cu-
jus ubique saltus facile possunt alicubi
ignaris filios pangere, vel ex aliqua se-
minis portione; uti aspersum genus per
commertia humana concurrat in me-
morias suas, neque eas coetus incesti
sanguinis agnoscat. Nos ab isto even-
tu diligentissima & fidelissima castitas
sepsit: quantumque ab stupris, & ab
omni post matrimonium excessu, tan-
tum & ab incestu casu tuti sumus. Qui-
dam multo securiores totam vim hujus
erroris virgine continentia depellunt,
senes, pueri. Si hæc in vobis esse con-
sideraretis, proinde in Christianis non
esse perspiceretis. Iidem oculi renun-
tiasent utrumque. Sed cæcitatibus dux

species facile concurrunt, ut qui non vident quæ sunt, & videre videantur, quæ non sunt. Sic per omnia nunc ostendam. Nunc de manifestioribus dicam.

CAP. X.

Deos quos colunt, non esse Deos.

DEos, inquitis, non colitis, & pro imperatoribus sacrificia non impenditis. Sequitur, ut eadem ratione pro aliis non sacrificemus, quia nec pro nobis ipsis, semel deos non colendo. Itaque sacrilegii, & majestatis rei convenimur. Summa hæc causa, imò tota est, & utique digna cognosci; si non præsumptio, aut iniquitas judicet, altera, quæ desperat, altera, quæ recusat veritatem. Deos vestros colere definimus, ex quo illos non esse cognoscimus. Hoc igitur exigere debetis, uti probemus non esse illos deos, & idcirco non colendos, quia tunc demum coli debuissent, si dii fuissent. Tunc & Christiani puniendi, si quos non colerent, quia putarent non esse, constaret illos deos esse. Sed nobis, inquitis, dii sunt. Appellamus, & provocamus à vobis ad conscientiam vestram. Illa nos judicet, illa nos damnet, si poterit negare omnes istos deos

deos vestros homines fuisse. Si & ipsa inficias ierit, de suis antiquitatum instrumentis revincetur; de quibus eos didicit testimonium perhibentibus ad hodiernum, & civitatibus, in quibus nati sunt, & regionibus, in quibus aliquid operati, vestigia reliquerunt, in quibus etiam sepulti demonstrantur. Nec ego per singulos decurram, tot ac tantos, novos, veteres, barbaros, Græcos, Romanos, peregrinos, captivos, adoptivos, proprios, communes, masculos, feminas, rusticos, urbanos, nauticos, militares, (otiosum est etiam titulos persequi,) ut colligam in compendium, & hoc non quo cognoscatis, sed recognoscatis: certe enim oblitos agitis. Ante Saturnum Deus penes vos nemo est. Ab illo census totius vel potioris, vel notioris divinitatis. Itaque quod de origine constiterit, id & de posteritate conveniet. Saturnum itaque, quantum literæ docent, neque Diodorus Græcus, aut Tullus, neque Cassius Severus, aut Cornelius Nepos, neque ullus commentator ejusmodi antiquitatum, aliud-quàm hominem promulgaverunt. Si quantum rerum argumenta, nusquam invenio fideliora, quàm apud ipsam Italiam, in qua Saturnus post multas expeditiones,

postquam Attica hospitia confedit, exceptus ab Jano, vel Jane, ut Salii volunt. Mons quem incoluerat, Saturnius dictus. Civitas, quam depalaverat, Saturnia usque nunc est. Tota denique Italia post Oenotriam, Saturnia cognominabatur. Ab ipso primum tabulae, & imagine signatus numus, & inde arario praefidet. Tamen si homo Saturnus, utique ex homine, & quia ab homine, non utique de coelo & terra. Sed cujus parentes ignoti erant, facile fuit eorum filium dici, quorum & omnes possumus videri. Quis enim non coelum, & terram matrem, ac patrem venerationis, & honoris gratia appellet, vel ex consuetudine humana, qua ignoti, vel ex inopinato apparentes de coelo supervenisse dicuntur? Proinde Saturno repentino ubique coelitem contigit dici. Nam & terrae filios vulgus vocat, quorum genus incertum est. Taceo quod ita rudes adhuc homines agebant, ut cujuscumque novi viri aspectu, quasi divino commoverentur: cum hodie jam politi, quos ante paucos dies luctu publico mortuos sint confessi, in Deos consecrent. Satis jam de Saturno licet paucis. Etiam Jovem ostendimus tam hominem quam ex homine,

mine, & deinceps totum generis examen tam mortale, quam seminis sui par:

CAP. XI.

Vanissima sunt cause, cur qui homines essent, facti sint Dii.

ET quoniam sicut homines fuisse non audeatis negare, ita post mortem Deos factos instituitis asseverare, causas, quæ hoc exegerint, retractemus. In primis quidem necesse est concedatis esse aliquem sublimiorem Deum, & mancipem quendam divinitatis, qui ex hominibus Deos fecerit. Nam neque sibi illi potuissent sumere divinitatem, quam non habebant, nec alius præstare eam non habentibus, nisi qui proprie possidebat. Cæterum si nemo esset, qui Deos faceret, frustra præsumitis Deos factos auferendo factorem. Certe quidem si ipsi se facere potuissent, nunquam homines fuissent, possidentes scilicet melioris conditionis potestatem. Igitur si est qui faciat Deos, revertor ad causas examinandas faciendorum ex hominibus Deorum: nec ullas invenio, nisi si ministeria, & auxilia officiis divinis desideravit ille magnus Deus. Primo indignum est, ut alicujus opera indi-

indigeret, & quidem mortui, cum dignius ab initio Deum aliquem fecisset, qui mortui erat operam desideraturus. sed nec operæ locum video. Totum enim hoc mundi corpus sive innatum, & infectum secundum Pythagoram, sive natum, & factum secundum Platonem, semel utique in ista constructione dispositum, & instructum, & ordinatum cum omni rationis gubernaculo inventum est. imperfectum non potuit esse, quod perficit omnia. Nihil Saturnum, & Saturniam gentem expectabat. Vani erunt homines, nisi certi sint, à primordio & pluvias de cœlo ruisse, & sydera radiasse, & lumina floruisse, & tonitrua mugisse, & ipsum Jovem, quæ in manu ejus ponitis fulmina, tenuisse. Item omnem frugem ante Liberum, & Cererem, & Minervam, immo ante illum aliquem principem hominem de terra exuberasse, quia nihil continendo, & sustinendo homini prospectum post hominem potuit inferri. Denique invenisse dicuntur necessaria ista vitæ, non instituisse, quod autem invenitur, fuit, & quod fuit, non ejus deputabitur, qui invenit, sed ejus, qui instituit; erat enim antequam inveniretur. Cætorum si propterea Liber Deus, quod vitam

vitem demonstravit, male cum Lucullo actum est, qui primus cerasa ex ponto Italiae promulgavit, quod non est propterea consecratus, ut novae frugis auctor, quia inventor, & ostensor. Quamobrem si ab initio & instructa, & certis exercendorum officiorum suorum rationibus dispensata universitas constitit, vacat ex hac parte causa allegendae humanitatis in divinitatem, quia quas illis stationes, & potestates distribuistis, tam fuerunt ab initio, quam & fuissent etiamsi Deos istos non creassetis. Sed convertimini ad causam aliam, respondentes collationem divinitatis meritorum remunerandorum fuisse rationem. & hinc concedetis opinor illum Deum deificum justitia praecellere, qui nec temere, nec indigne, nec prodige tantum praemium dispensarit. Volo igitur merita recensere, an ejusmodi sint, ut illos in coelum extulerint, & non potius in imum Tartarum merserint, quem carcerem poenarum infernarum cum vultis affirmatis. Illuc enim abstrudi solent impii, quique in parentes, & in sorores incesti, & maritarum adulteri, & virginum raptores, & puerorum contaminatores, & qui saviunt, & qui occidunt, & qui furantur, & qui deci-

decipiunt, & quicumque similes sunt alicujus Dei vestri, quem neminem integrum à crimine, aut vitio probare poteritis nisi hominem negaveritis. Atquin ut illos homines fuisse non possitis negare, etiam istæ notæ accedunt, quæ nec Deos postea factos credi permittunt. Si enim talibus vos puniendis præsidetis; si commercium, colloquium, convivium malorum, & turpium probi quique respuitis, horum autem pares Deus ille majestatis suæ consortio ascivit, quid ergo damnatis quorum collegas adoratis? Suggillatio est in cœlo vestra justitia. Deos facite criminossimos quosque ut placeatis diis vestris. Illorum est honor consecratio coræquarium. Sed, ut omittam hujus indignitatis retractatum; probi, & integri, & boni fuerint. Quot tamen potiores viros apud inferos reliquistis? aliquem de sapientia Socratem, de justitia Aristidem, de militia Themistoclem, de sublimitate Alexandrum, de felicitate Polycratem, de copia Croesum, de eloquentia Demosthenem? Quis ex illis diis vestris gravior, & sapientior Catone? Justior, & militarior Scipione? Quis sublimior Pompeio? Felicior Sylla? copiosior Crasso? eloquentior Tullio? Quanto

Quanto dignius istos Deos ille assumendos expectasset, præscius utique potiorum? properavit, opinor. & cœlum semel clusit, & nunc utique melioribus apud inferos mussitantibus erubescit.

C A P. XII.

Simulacra colere, alienum est ab omni ratione.

Cesso jam de istis, ut qui sciam me ex ipsa veritate demonstraturum quid non sint, cum ostendero quid sint. Quantum igitur de Diis vestris, nomina solummodo video quorundam veterum mortuorum, & fabulas audio, & sacra de fabulis recognosco. Quantum autem de simulachris ipsis, nihil aliud reprehendo, quam materias, sorores esse vasculorum, instrumentorumque communium, vel ex iisdem vasculis, & instrumentis quasi fatum consecratione mutantem licentia artis transfigurante, & quidem contumeliosissime, & in ipso opere sacrilege, ut revera nobis, maximè qui propter Deos ipsos plectimur, solatium poenarum esse possit, quod eadem & ipsi patiantur, ut fiant. Crucibus, & stipitibus impositis Christianos. Quod simulachrum non prius.

prius argilla deformat cruci, & stipiti
superstructa? In patibulo primum cor-
pus Dei vestri dedicatur. Ungulis dera-
ditis latera Christianorum. At in Deos
vestros per omnia membra validius
incumbunt ascia, & runcina, & scobi-
na. Cervices ponimus ante plumbum,
& glutinum, & gomphos, sine capite
sunt dii vestri. Ad bestias impellimur;
certe quas Libero, & Cybele, & Cœ-
lesti applicatis. Ignibus urimur. Hoc
& illi à prima quidem massa. In me-
talla damnatur. Inde censentur dii ve-
stri. In insulis relegamur. Solet & in
insula aliqui Deus vester aut nasci, aut
mori. Si per hæc constat divinitas ali-
qua, ergo qui puniuntur, consecrantur,
& numina erunt dicenda supplicia. Sed
plane non sentiunt has injurias, & con-
tumelias suæ fabricationis dii vestri.
sicut nec obsequia. O impiæ voces, O
sacrilega convitia. infrendite, inspuma-
te, iidem estis, qui Senecam aliquem
pluribus, & amarioribus de vestra su-
perstitione perorantem reprehendistis.
Igitur si statuas, & imagines frigidas
mortuorum suorum simillimas non ado-
ramus, quas milvi, & mures, & ara-
neæ intelligunt, nonne laudem magis,
quam poenam merebatur repudium ag-
niti

niti erroris? Possumus enim videri lædere eos, quos certi sumus omnino non esse? quod non est, nihil ab ullo patitur, quia non est.

CAP. XIII.

De ludibrio in Deos, tum domesticos, tum publicos.

SED nobis dii sunt, inquis. Et quomodo vos è contrario impii, & sacrilegi, & irreligiosi erga Deos vestros deprehendimini? qui quos præsumitis esse, negligitis; quos timetis, destruitis; quos etiam vindicatis, illudicis. Recognoscite, si mentiar. Primo, quia cum alii alios colitis, utique quos non colitis, offenditis. Prælatio alterius sine alterius contumelia non potest procedere, quia nec electio sine reprobatione. Jam ergo contemnitis, quos reprobatis, quos reprobando offendere non timetis. Nam ut supra perstrinximus, status Dei cujusque in senatus æstimatione pendebat. Deus non erat, quem homo consultus noluisse, & nolendo damnasset. Domesticos Deos, quos Lares dicitis, domestica potestate tractatis, pignerando, venditando, demutando, aliquando in cacabulum de Saturno, aliquando in trullam de Minerva, ut quisque

que contritus, atque contusus est, dum diu colitur, ut quisque dominus sanctiorem expertus est domesticam necessitatem. Publicos æque publico jure foedatis, quos in hastario vestigales habetis. Si Capitolium, si Olitorium forum petitur, sub eadem voce præconis, sub eadem hasta, sub eadem annotatione quæstoris divinitas addicta conducitur. Sed enim agri tributo onusti viliores. Hominum capita stipendio censa ignobiliora. Nam hæ sunt notæ captivitatis. Dii vero, qui magis tributarii, magis sancti. Immo qui magis sancti, magis tributarii. Majestas quæstuarie efficitur. Circuit cauponas religio mendicans. Exigitis mercedem pro solo templi, pro aditu sacri. Non licet Deos nosse gratis: venales sunt. Quid omnino ad honorandos eos facitis, quod non etiam mortuis vestris conferatis? ædes proinde, aras proinde. Idem habitus, & insignia in statuistis. Ut ætas, ut ars, ut negotium mortui fuit, ita Deus est. Quo differt ab epulo Jovis silicernium? à simpulo obba? ab aruspice pollinctor? Nam & aruspex mortuis apparet. Sed digne Imperatoribus defunctis honorem divinitatis dicatis, quibus & viventibus eum addicitis, accepto ferent dii vestri,
immo

immo gratulabuntur, quod pares eis fiant domini sui. Sed cum Larentinam publicum scortum, velim saltem Laidem, aut Phrynen; inter Junones, & Cereres, ac Dianas adoratis; cum Simonem Magum statua, & inscriptione sancti Dei inauguratis; cum de pædagogis aulicis nescio quem; cinædum deum facitis, licet non nobiliores dii veteres, cæmen contumeliam à vobis deputabunt, hoc & aliis licuisse, quod sonis antiquitas contulit.

CAP. XIV.

Qua ludibria Poeta & Philosophi de Diis scripserunt.

Volo & ritus vestros recensere, non dico quales fitis in sacrificando, cum enecta, & tabidosa, & scabiosa quæque mactatis: cum de opimis, & integris supervacua quæque truncatis capitula, & ungulas, quæ domi quoque pueris, vel canibus destinassetis; cum de decima Herculis, nec tertiam partem in aram ejus imponitis. Laudo magis sapientiam, quod de perduto aliquid eripitis. Sed conversus ad literas vestras, quibus informamini ad prudentiam, & ad liberalia officia, quanta invenio ludibria. Deos inter se propter

propter Trojanos, & Achivos, ut gladiatorum paria congressos depugnasse. Venerem humana sagitta sauciatam, quod filium suum Æneam pene interfectum ab eodem Diomede rapere vellet. Martem tredecim mensibus in vinculis penè consumptum. Jovem, ne eandem vim à cæteris cœlitibus experiretur, opera cujusdam monstri liberatum, & nunc flentem Sarpedonis casum, nunc foede subantem in sororem sub commemoratione non ita dilectarum jam pridem amicarum. Exinde quis non Poëta ex auctoritate principis sui dedecorator invenitur Deorum? Hic Apollinem Admeto Regi pascendis pecoribus addicit. Ille Neptuni structorias operas Laomedonti locat. Est & ille de Lyricis (Pindarum dico) qui Æsculapium canit avaritiæ merito, qua medicinam nocenter exercebat, fulmine vindicatum. Malus Jupiter, si fulmen illius est, impius in nepotem, invidus in artificem. hæc neque vera prodi, neque falsa, confingi apud religiosissimos oportebat. Nec Tragici quidem, aut Comici parcunt, ut non ærumnas, vel errores domus alicujus Dei præsentur. Taceo de philosophis, Socrate contentus, qui in contumeliam Deorum quercum,

cum, & hircum, & canem dejerabat. Sed propterea damnatus est Socrates, quia Deos destruebat. Planè olim, id est, semper, veritas odio est. Tamen cum poenitentia sententiæ Athenienses, & criminatores Socratis postea affligerint, & imaginem ejus auream in templo collocarint, rescissa damnatio testimoniam Socrati reddidit. Sed & Diogenes nescio quid in Herculem ludit: & Romanus Cynicus Varro trecentos Joves, five Jupiteres dicendum, sine capitibus introducit.

CAP. XV.

Quàm sint fœda quæ in theatris ac scenâ de Diis representantur.

CÆtera lasciviæ ingenia etiam voluptatibus vestris per Deorum dedecus operantur. Dispicite Lentulorum, & Hostiliorum venustates, utrum mimos an Deos vestros in jocis, & strophis rideatis. Moechum Anubim, & masculum Lunam, & Dianam flagellatam, & Jovis mortui testamentum recitatum, & tres Hercules famelicos irrisos. Sed & histrionum literæ omnem foeditatem eorum designant. Luger Sol filium jactatum de coelo lætantibus vobis. Et Cybele pastorem suspirat fastidiosum

stidiosum non erubescantibus vobis. Et sustinetis Jovis elogia cantari, & Junonem, Venerem, Minervam à pastore judicari. Quid, quod imago Dei vestri ignominiosissimum caput, & famosum vestit? quod corpus impurum, & ad istam artem effoeminatione productum Minervam aliquam, vel Herculem repræsentat? nonne violatur majestas, & divinitas constupratur laudantibus vobis? planè religiosiores estis in cavea, ubi super sanguinem humanum, super inquinamenta poenarum proinde saltant dii vestri, argumenta, & historias noxiis ministrantes, nisi quod & ipsos Deos vestros sæpe noxii induunt. Vidimus aliquando castratum Atyn illum Deum ex Pessinunte. & qui vivus ardebat, Herculem induerat. Risimus & inter ludicras meridianorum crudelitates Mercurium mortuos cauterio examinantem. Vidimus & Jovis fratrem gladiatorum cadavera cum malleo deducentem. Singula ista quæque adhuc investigare qui posset, si honorem inquietant divinitatis, si majestatis vestigia obsoletant, de contemptu utique censentur, tam eorum, qui ejusmodi faciunt, quam eorum, quibus faciunt. Sed ludicra ista sint. Cæterum si adjiciam,

jiciam, quæ non minus conscientia omnium recognoscent, in templis adulteria componi, inter aras lenocinia tractari, in ipsis plerumque ædituorum, & sacerdotum tabernaculis, sub iisdem vitis, & apicibus, & purpuris, thure flagrante libidinem expungi, nescio ne plus de vobis dii vestri, quam de Christianis querantur. Certe sacrilegi de vestris semper apprehenduntur. Christiani enim templa nec interdium norunt; spoliarent forsitan ea & ipsi, si & ipsi ea adorarent. Quid ergo colunt, qui talia non colunt? Jam quidem intelligi subjacet veritatis esse cultores, qui mendacii non sint: nec errare amplius in eo, in quo errasse se recognoscendo cessaverint. Hoc prius capite, & omnem hinc sacramenti nostri ordinem haurite, repercussis ante tamen opinionibus falsis.

C A P. XVI.

*Christiani non caput Asini colunt,
non rectos palos, non Solem, non
Ononychetem.*

NAM & quidam somniasis caput asinum esse Deum nostrum. Hanc Cornelius Tacitus suspicionem ejusmodi inseruit. Is enim in quinta historiarum

arum suarum bellum Judaicum exorsus ab origine gentis etiam de ipsa tam origine quam de nomine, & religione gentis, quæ voluit, argumentatus, Judæos refert Ægypto expeditos, sive, ut putavit, extorres, vastis Arabiæ in locis aquarum egentissimos, cum siti macerarentur, onagris, qui forte de pastu potum petitori æstimabantur, indicibus, fontibus usos, ob eam gratiam consimilis bestię superficiem consecrasse. Atque ita inde præsumptum, opinor, nos quoque, ut Judaicę religionis propinquos, eidem simulacro initiari. At enim idem Cornelius Tacitus, sanè ille mendaciorum loquacissimus, in eadem historia refert Cn. Pompeium, cum Hierusalem cepisset, proptereaque templum adisset speculandis Judaicę religionis arcanis, nullum illic reperisse simulachrum. Et utique si id colebatur, quod aliqua effigie repræsentabatur, nusquam magis quàm in sacrario suo exhiberetur, eo magis, quia nec verebatur extraneos arbitros quanquam vana cultura. Solis enim sacerdotibus adire licitum: etiam conspectus cæterorum velo oppanso interdicebatur. Vos tamen non negabitis & jumenta omnia, & totos cantherios cum sua Hippona
coli

coli à vobis. Hoc forsitan improbandum, quod inter cultores omnium pecudum, bestiarumque, asinarii tantum sumus. Sed & qui crucis nos religiosos putat, consecraneus erit noster, cum lignum aliquod propitiatur. Viderit habitus, dum materiæ qualitas eadem sit; viderit forma, dum id ipsum Dei corpus sit. Et tamen quanto distinguitur à crucis stipite Pallas Attica? & Ceres farrea, quæ sine effigie rudi palo, & informi ligno prostat? Pars crucis est omne robur, quod erecta statione defigitur. Nos si forte integrum, & totum Deum colimus. Diximus originem Deorum vestrorum à plastis de cruce induci. Sed & victorias adoratis, cum in tropæis cruces intestina sint tropæorum. Religio Romanorum tota castrensis, signa veneratur, signa jurat, signa omnibus diis præponit. Omnes illi imaginum suggestus insignes, monilia crucium sunt. Sypara illa vexillorum, & Cantabrorum stolæ crucium sunt. Laudo diligentiam, noluitis nudas, & incultas cruces consecrare. Alii planè humanius, & verisimilius Solem credunt Deum nostrum. Ad Persas si forte deputabimur, licet Solem non in linteo depictum adoremus, habentes ipsum ubique in suo clypeo.

STAC C denique

denique inde suspicio, quod innotuerit nos ad orientis regionem precari. Sed & plerique vestrum affectatione aliquando, & coelestia adorandi ad Solis ortum labia vibratis. Æque si diem Solis lætitiæ indulgemus, alia longe ratione quam religione Solis, secundo loco ab eis sumus, qui diem Saturni otio, & victui decernunt, exorbitantes & ipsi à Judaico more, quem ignorant. Sed nova jam Dei nostri in ista civitate proxime editio publicata est, ex quo quidam in frustrandis bestiis mercenarius noxius picturam proposuit cum ejusmodi inscriptione, Deus Christianorum Ononychitis. Is erat auribus asininis, altero pede ungulatus, librum gestans, & rogatus. Risimus & nomen, & formam. Sed illi debebant adorare statim biforme numen, quia & canino, & leopino capite commistos, & de capro, & de ariete cornutos, & à lumbis hircos, & à cruribus serpentes, & planta, vel tergo alites Deos receperunt. Hæc ex abundanti, nequid rumoris inrepercussum quasi de conscientia præterissemus. Quæ omnia conversi jam ad demonstrationem religionis nostræ repurgavimus.

C A P. XVII.

Quòd Deus unus sit, multis argumentis probari posse.

QUod colimus, Deus unus est, qui totam molem istam cum omni instrumento elementorum, corporum, spirituum, verbo, quo jussit, ratione, qua disposuit, virtute, qua potuit, de nihilo expressit in ornamentum majestatis suæ, unde & græci nomen mundo *ὁλοκρον* accommodaverunt. Invisibilis est, etsi videatur; incomprehensibilis, etsi per gratiam repræsentetur; inæstimabilis, etsi humanis sensibus æstimetur. Ideo verus, & tantus est. Cæterum quod videri communiter, quod comprehendere, quod æstimari potest, minus est & oculis, quibus occupatur, & manibus, quibus contaminatur, & sensibus, quibus invenitur. Quod vero immensum est, soli sibi notum est. Hoc quod est, Deum æstimari facit, dum æstimari non capit. Ita eum vis magnitudinis & notum hominibus objecit, & ignotum. Et hæc est summa delicti nolentium recognoscere, quem ignorare non possunt. Vultis ex operibus ipsius tot, ac talibus, quibus continemur, quibus sustinemur, quibus oblectamur, etiam quibus exterremur?

mur? vultis ex animæ ipsius testimonio comprobemus? quæ licet carcere corporis pressa, licet institutionibus pravis circumscripta, licet libidinibus ac concupiscentiis evigorata, licet falsis diis exancillata, cum tamen resipiscit, ut ex crapula, ut ex somno, ut ex aliqua valetudine, & sanitatem suam patitur, Deum nominat, hoc solo quia propriè verus hic unus Deus, bonus, & magnus. Et quod Deus dederit, omnium vox est. Judicem quoque contestatur illum, Deus videt, & Deo commendo, & Deus mihi reddet. O testimonium animæ naturaliter Christianæ. denique pronuntians hæc, non ad Capitolium, sed ad coelum respicit. Novit enim sedem Dei vivi, ab illo, & inde descendit.

C A P. XVIII.

De opera Ptolomæi Philadelphi, quâ in Græcam linguam translata sunt sacra Scriptura.

SED quo plenius, & impressius tam ipsum, quam dispositiones ejus, & voluntates adiremus, instrumentum adjecit literaturæ, si qui velit de Deo inquirere, & inquisito invenire, & invento credere, & credito deservire. Viros

ros enim justitia, & innocentia dignos Deum nosse & ostendere à primordio in seculum emisit spiritu divino inundatos, quo prædicarent Deum unicum esse, qui universa condiderit, qui hominem de humo instruxerit; (hic enim est verus Prometheus) qui seculum certis temporum dispositionibus, & exitibus ordinavit; exinde quæ signa majestatis suæ judicantis ediderit per imbres, per ignes; quas demerendo sibi disciplinas determinaverit, quæ ignorantibus, & deseritis, sed observantibus his præmia destinavit, ut qui producto ævo isto judicaturus sit suos cultores in vitæ æternæ retributionem, profanos in ignem æque perpetem & jugem suscitatis omnibus ab initio defunctis, & reformatis, & recensitis ad utriusque meriti disputationem. Hæc & nos risimus aliquando. De vestris fuimus. Fiunt, non nascuntur Christiani. Quos diximus prædicatores, Prophetæ de officio præfandi vocantur. Voces eorum, itemque virtutes, quas ad finem divinitatis edebant, in thesauris literarum manent, nec istæ nunc latent. Ptolemæorum eruditissimus, quem Philadelphum supernominant, & omnis literaturæ sagacissimus, cum studio bibliothecarum

Pisistratum (opinor) æmularetur, inter cætera memoriarum, quibus aut vetustas, aut curiositas aliqua ad famam patrocinebatur, ex suggestu Demetrii Phalerei grammaticorum tunc probatissimi, cui præfecturam mandaverat, libros à Judæis quoque postulavit, proprias scilicet atque vernaculas literas, quas soli habebant: ex ipsis enim & ad ipsos semper prophetæ peroraverant, scilicet ad domesticam Dei gentem ex patrum gratia. Hebræi retro, qui nunc Judæi. Igitur & literæ Hebrææ, & eloquium. Sed ne notitia vacaret, hoc quoque Ptolemæo à Judæis subscriptum est, septuaginta & duobus interpretibus indultis: quos Menedemus quoque Philosophus providentiæ vindex de sententiæ communione suspexit. Affirmavit hæc vobis etiam Aristæas. Ita in græcum stylum ex aperto monumenta reliquit. Hodie apud Serapæum Ptolemæi bibliothecæ cum ipsis Hebraicis literis exhibentur. Sed & Judæi palam lætitant. Vectigalis libertas vulgo aditur sabbatis omnibus; qui audierit, inveniet Deum: qui etiam studuerit intelligere, cogetur & credere.

C A P. XIX.

Quòd antiquitas Scripturarum possit ex Mosis ætate, & supputatione temporum facile probari.

PRImam instrumentis istis auctoritatem summa antiquitas vindicat. apud vos quoque religionis est instar, fidem de temporibus asserere. Omnes itaque substantias, omnesque materias, origines, ordines, venas veterani cujusque styli vestri, gentes etiam plerasque, & urbes insignes, historiarum causas & memoriarum, ipsas denique effigies literarum indices, custodesque rerum, & (puto adhuc minus dicimus) ipsos inquam Deos vestros, ipsa templa, & oracula, & sacra, unius interim prophetæ scrinium seculis vincit, in quo videtur thesaurus collocatus totius Judaici sacramenti, & inde etiam nostri. Si quem audistis interim Moysem, Argivo Inacho pariter ætate est. Quadringentis pæne annis, nam & septem minus, Danaum & ipsum apud vos vetustissimum prævenit; mille circiter cladem Priami antecedit. Possem etiam dicere quingentis amplius & Homerum, habens quos sequar. Cæteri quoque prophetæ, etsi Moyse postulant, extremissimi

tamen eorum non retrosiores deprehenduntur primoribus vestris sapientibus & legiferis, & historicis. Hæc quibus ordinibus probari possint, non tam difficile est nobis exponere, quam enorme; nec arduum, sed interim longum. Multis instrumentis, cum digitorum supputariis gesticulis assidendum est. Reseranda antiquissimarum etiam gentium archiva, Ægyptiorum, Chaldæorum, Phœnicum, advocandi eorum municipes, per quos notitia subministrata est, aliqui, Manethon Ægyptius, & Berosus Chaldæus, sed & Hieronymus Phœnix Tyri rex, sectatores quoque eorum Mendesium Ptolemæus, & Menander Ephesus, & Demetrius Phalereus, & rex Juba, & Appion, & Thallus, & qui istos aut probat, aut revincit, Judæus Josephus antiquitatum Judaicarum vernaculus vindex. Græcorum etiam censuales conferendi, & quæ quando sint gesta, ut concatenationes temporum aperiantur, per quæ luceant annalium numeri. Peregrinandum est in historias, & literas orbis. Et tamen quasi partem jam probationis intulimus, cum per quæ probari possint, aspersimus. Verum differre præstat, ne vel minus persequamur festinando, vel diutius evagemur persequendo.

CAP.

CAP. XX.

De majestate & divinitate Scripturarum ex rerum eventu, quas prædicunt.

PLus jam offerimus pro ista dilatione majestatem scripturarum, si non vetustatem, divinas probamus, si dubitatur antiquas. Nec hoc tardius, aut aliunde discendum: coram sunt quæ docebunt, Mundus, & Seculum, & Exitus. Quicquid agitur, prænunciabatur. Quicquid videtur, audiebatur. Quod terræ vorant urbes, quod insulas maria fraudant, quod externa, atque interna bella dilaniant, quod regnis regna compulsiunt, quod fames, & lues, & locales quæque clades, & frequentia plerunque mortium vastant, quod humiles sublimitate, sublimes humilitate mutantur, quod justitia rarefcit, & iniquitas increbrescit, bonarum omnium disciplinarum cura torpescit, quod etiam officia temporum, & elementorum munia exorbitant, quod & monstris, & portentis naturalium forma turbatur, providenter scripta sunt. Dum patimur, leguntur, dum recognoscimus, probantur. Idoneum (opinor) testimonium divinitatis veritas divinationis. Hinc i-

C 5 .

gitur

gitur apud nos futurorum quoque fides
tuta est jam scilicet probatorum, quia
cum illis, quæ quotidie probantur,
prædicebantur. Eadem voces sonant,
eadem literæ notant, idem spiritus pul-
sat, unum tempus est divinationi futu-
ra præfanti apud homines, si forte di-
stinguitur, dum expungitur, dum ex
futuro præsens, dehinc ex præfenti præ-
teritum deputatur. Quid delinquimus
(oro vos) futura quoque creden-
tes, qui jam didicimus illis per duos
gradus credere?

CAP. XXI.

De Christo Domino.

SED quoniam edidimus antiquissimis
Judæorum instrumentis sectam istam
esse suffultam, quam aliquando novel-
lam, ut Tiberii temporibus plerique sci-
unt profitentibus nobis quoque; for-
tassem hoc nomine de statu ejus retra-
ctetur, quasi sub umbraculo insignissi-
mæ religionis, certe licitæ, aliquid pro-
priæ præsumptionis abscondat, vel quia
præter ætatem neque de victus excep-
tionibus, neque de solemnitatibus die-
rum, neque de ipso signaculo corpo-
ris, neque de consortio nominis cum
Judæis agimus, quod utique oporteret

si eidem Deo manciparemur. Sed & vulgus jam scit Christum, ut aliquem hominum, qualem Judæi judicaverunt, quo facilius quis nos hominis cultores existimaverit. Verum neque de Christo erubescimus, cum sub nomine ejus deputari, & damnari juvat, neque de Deo aliter præsumimus. Necessè est igitur pauca de Christo, ut de Deo totum. Judæis erat apud Deum gratia, ubi & insignis justitia, & fides originalium auctorum, unde illis & generis magnitudo, & regni sublimitas floruit, & tanta felicitas, ut Dei vocibus, quibus edocebantur, de promerendo Deo, & non offendendo præmonerentur. Sed quanta dereliquerint fiducia patrum inflati ad declinandum derivantes, à disciplina in profanum modum, etsi ipsi non confiterentur, probaret exitus hodiernus ipsorum. Dispersi, palabundi, & coeli & soli sui extorres vagantur per orbem sine homine, sine Deo rege, quibus nec advenarum jure terram patriam saltem vestigio salutare conceditur. Cum hæc illis sanctæ voces præminarentur, eadem semper omnes ingerebant fore, uti sub extimis curriculum seculi, ex omni jam gente, & populo, & loco cultores sibi allegeret Deus mul-

to fidiiores, in quos gratiam transferret pleniorẽ quidẽ ob disciplinæ authoris capacitatem. Venit igitur, qui ad reformandam, & illuminandam eam venturus à Deo prænuntiabatur Christus ille filius Dei. Hujus igitur gratiæ, disciplinæque arbiter, & magister, illuminator, atque deductor generis humani filius Dei annuntiabatur, non quidẽ ita genitus, ut erubescat in filii nomine, aut de patris semine. non de sororis incesto, nec de stupro filiæ, aut conjugis alienæ Deum patrem passus est, squamatum, aut cornutum, aut plumatum amatorem in auro conversum Danaidis. Jovis ista sunt & numina vestra. Cæterum Dei filius nullam de impudicitia habet matrem. Etiam quam videtur habere, non nupserat. Sed prius substantiam edisseram, & ita nativitatĩ qualitas intelligitur. Jam ediximus Deum universitatẽ hanc mundi verbo, & ratione, & virtute molitum. Apud vestros quoque sapientes λόγον, id est, sermonem, atque rationem constat artificem videri universitatĩ. Hunc enim Zenon determinat factitatorem, qui cuncta in dispositione formaverit. eundẽ & fatum vocari, & Deum, & animum Jovis, & necessitatẽ omnium rerum.

rerum. Hæc Cleanthes in spiritum congerit, quem permeatorem universitatis affirmat. Et nos etiam sermoni, atque rationi, itemque virtuti, per quæ omnia molitum Deum ediximus, propriam substantiam spiritum inscribimus, cui & sermo insit pronuntianti, & ratio adsit disponenti, & virtus præsit perficienti. Hunc ex Deo prolatum didicimus, & prolatione generatum, & idcirco filium, & Deum dictum ex unitate substantiæ. Nam & Deus spiritus. Etiam cum radius ex Sole porrigitur, portio ex summa; sed Sol erit in radio, quia Solis est radius, nec separatur substantia, sed extenditur. Ita de spiritu spiritus, & de Deo Deus. Ut lumen de lumine accensum, manet integra, & indefecta materiæ matrix, etsi plures inde traduces qualitatuum mutueris. Ita & quod de Deo profectum est, Deus est, & Dei filius, & unus ambo. Ita de spiritu spiritus, & de Deo Deus modulo alternam numerum gradu non statu fecit, & à matrice non recessit, sed excessit. Iste igitur Dei radius, ut retro semper prædicabatur, delapsus in Virginem quandam, & in utero ejus caro figuratus nascitur homo Deo mistus. Caro spiritui instructa nutritur, adolescit, affatur, docet,

cet, operatur, & Christus est. Recipite interim hanc fabulam, similis est vestris, dum ostendimus quomodo Christus probetur, & qui penes vos ejusmodi fabulas æmulas ad destructionem veritatis istiusmodi præministraverint. Sciebant & Judæi venturum esse Christum, scilicet quibus prophetæ loquebantur. Nam & nunc adventum ejus expectant, nec alia magis inter nos, & illos compulsatio est, quam quod jam venisse non credunt. Duobus enim adventibus ejus significatis; primo, qui jam expunctus est in humilitate conditionis humanæ; secundo, qui concludendo seculo imminet in sublimitate divinitatis exertæ, primum non intelligendo, secundum, quem manifestius prædicatum sperant, unum existimaverunt. Ne enim intelligerent pristinum, credituri, si intellexissent, & consecuturi salutem, si credidissent, meritum fuit delictum eorum. Ipsi legunt ita scriptum, multatos se sapientia, & intelligentia, & oculorum, & aurium fruge. Quem igitur solum hominem modo præsumperant de humilitate, sequebatur uti magnum æstimarent de potestate, cum ille verbo dæmonia de hominibus excuteret, cæcos reluminaret, leprosos purgaret.

ret, paralyticos restringeret, mortuos
denique verbo redderet vitæ, elemen-
ta ipsa famularer, compescens procellas,
& fræta ingrediens, ostendens se esse
verbum Dei, id est λόγος, illud pri-
mordiale primogenitum virtute, & ra-
tione comitatum, & spiritu instructum,
eundem, qui verbo omnia & faceret, &
fecisset. Ad doctrinam vero ejus quia
revincebantur magistri, primoresque
Judæorum, ita exasperabantur, maxi-
mè quod ad eum ingens multitudo de-
flecteret, ut postremo oblatum Pontio Pi-
lato, Syriam tunc ex parte Romana pro-
curanti, violentiæ suffragiorum in cru-
cem Jesum dedi sibi extorserint. Præ-
dixerat & ipse ita facturos. Parum
hoc, si non & prophetæ retro etiam.
Tamen suffixus multa mortis illius pro-
pria ostendit insignia. Nam spiri-
tum cum verbo sponte dimisit praven-
to carnificis officio. Eodem momento
dies medium orbem signante Sole sub-
ducta est. Deliquium utique putave-
runt, qui id quoque super Christo præ-
dicatum non scierunt, & tamen eum mun-
di casum relatum in archivis vestris ha-
betis. Tunc Judæi detractum, & se-
pulchro conditum magna etiam milita-
ri manu custodiæ diligentia circumsede-
runt;

runt, ne quia prædixerat tertia die resurrecturum se à morte, discipuli furto amoliti cadaver fallerent suspectos. Sed ecce die tertia concussa repente terra, & mole revoluta, quæ obstruxerat sepulchrum, & custodia pavore disjecta, nullis apparentibus discipulis, nihil in sepulchro repertum est, præterquam exuviae sepulti. Nihilominus tamen primores, quorum intererat & scelus divulgare, & populum vectigalem, & famularem sibi à fide revocare, surreptum à discipulis jactitaverunt. Nam nec ille se in vulgus eduxit, ne impii errore liberarentur, ut & fides non mediocri præmio destinata difficultate constaret. Cum discipulis autem quibusdam apud Galileam Judææ regionem ad XL. dies egit, docens eos quæ docerent. Dehinc ordinatis eis ad officium prædicandi per orbem circumfusa nube in coelum est receptus, multo melius quam apud vos asseverare de Romulo Proculi solent. Ea omnia super Christo Pilatus, & ipse jam pro sua conscientia Christianus Cæsari tunc Tiberio nuntiavit. Sed & Cæsares credidissent super Christo, si aut Cæsares non essent seculo necessarii, aut si & Christiani potuissent esse Cæsares. Discipuli quoque diffusi
per

per orbem ex præcepto magistri Dei paruerunt, qui & ipsi à Judæis insequentibus multa perpeffi, utique pro fiducia veritatis libenter, Romæ postremo per Neronis sævitiam sanguinem Christianum seminaverunt. Sed monstrabimus vobis idoneos testes Christi, ipsos illos, quos adoratis. multum est, si eos adhibeam, ut credatis Christianis, propter quos non creditis Christianis. Interim hic est ordo nostræ institutionis. Hunc edidimus & sectæ, & nominis censum cum suo authore. Nemo-jam infamiam incutiat, nemo aliud existimet, quia nec fas est ulli de sua religione mentiri. Ex eo enim, quod aliud à se colidicit, quam colit, negat quod colit, & culturam, & honorem in alterum transfert, & transferendo jam non colit quod negavit. Dicimus, & palàm dicimus, & vobis torquentibus. Lacerati, & crucienti vociferamur, Deum colimus per Christum, illum hominem putate. Per eum, & in eo se cognosci vult Deus, & coli. ut Judæis respondeamus, & ipsi Deum per hominem Moysen colere didicerunt. Ut Græcis occurram, Orpheus Pieriæ, Musæus Athenis, Melampus Argis, Trophonius Bœotiae initiationibus homines obligaverunt. Ut ad
vos

vos quoque dominatores gentium aspiciam, homo fuit Pompilius Numa, qui Romanos operosissimis superstitionibus oneravit. Licuerit & Christo commentari divinitatem rem propriam, non qui rupices, & adhuc feros homines multitudinem tot numinum demerendorum attonitos efficiendo ad humanitatem temperaret, quod Numa: Sed qui jam expolitos, & ipsa urbanitate deceptos in agnitionem veritatis ocularet. *Quærite ergo, si vera est ista divinitas Christi. Si ea est, qua cognita ad bonum quis reformatur, sequitur ut falsæ renuntietur, comperta in primis illa omni ratione, quæ delitescens sub nominibus, & imaginibus mortuorum, quibusdam signis, & miraculis & oraculis fidem divinitatis operatur.*

CAP. XXII.

*De Daemonibus, eorūque viribus
& actionibus.*

ATque adeo dicimus esse substantias quasdam spirituales: nec nomen novum est. Sciunt dæmonas Philosophi Socrate ipso ad dæmonii arbitrium expectante. Quidni? cum & ipsi dæmonium adhæsisse à pueritia dicatur.
Dehor-

Dehortatorium planè à bono omnes sciunt poetæ. Etiam vulgus indoctum in usum maledicti frequentat. Nam & Sathanam principem huius mali generis, proinde de propria conscientia anima eadem ex sacramento voce pronuntiat. Angelos quoque etiam Plato non negavit; utriusque nominis testes esse, vel magos asserunt. Sed quomodo de angelis quibusdam sua sponte corruptis corruptior gens dæmonum evaserit, damnata à Deo cum generis auctoribus, & cum eo, quem diximus, principe apud literas sanctas ordine cognoscitur. Nunc de operatione eorum satis erit exponere. Operatio eorum est hominis everfio, sic malitia spiritualis à primordio auspicata est in hominis exitium. Itaque corporibus quidem & valetudines infligunt, & aliquos casus acerbos, animæ vero repentinos, & extraordinarios per vim excessus. Suppetit illis ad utramque substantiam hominis adeundam subtilitas, & tenuitas sua: multum spiritualibus viribus licet, ut invisibiles, & insensibiles in effectu potius quam in actu suo appareant. Si poma, si fruges nescio quod auræ latens vitium in flore præcipitat, in germine exanimat, in pubertate convulnerat, ac si cæca ratione

tionē tentatus aër pestilentes haustus suos offundit. Eadem igitur obscuritate contagionis aspiratio dæmonum, & angelorum mentis quoque corruptelas agit furoribus, & amentis foedis, ac sævis libidinibus cum erroribus variis, quorum iste potissimus, quod eos ipsos captis, & circumscriptis hominum mentibus commendat, ut & sibi pabula propria nidoris, & sanguinis procuret simulachris, imaginibus oblata. Et quæ illi accuratior pascua est, quam ut hominem è cogitatu veræ divinitatis avertat præstigiis falsis? quas & ipsas quomodo operetur, expediam. Omnis spiritus ales est. Hoc angeli, & dæmones. Igitur momento ubique sunt. Totus orbis illis locus unus est, quid ubi geratur tam facile sciunt quam enuntiant. Velocitas, divinitas creditur, quia substantia ignoratur. Sic & auctores interdum videri volunt eorum, quæ annuntiant. Et sunt planè malorum nonnunquam, bonorum tamen nunquam. Dispositiones etiam Dei, & tunc Prophetis concionantibus excerpunt, & nunc lectionibus resonantibus carpunt. Ita & hinc fumentes quasdam temporum sortes æmulantur divinitatem, dum furantur divinationem. In oraculis autem quo

quo ingenio ambiguitates temperent in eventus, sciunt Croesi, sciunt Pyrrhi. Cæterum testudinem decoqui cum car-nibus pecudis Pythius eo modo renun-tiavit, quo supra diximus; momento apud Lydiam fuerat. Habent de inco-latu aëris, & de vicinia syderum, & de commercio nubium coelestes sapere paraturas, ut & pluvias, quas jam sen-tiunt, repromittant; benefici plane & circa curas valetudinum. Lædunt enim primo, dehinc remedia præcipiunt, ad miraculum nova, sive contraria, post-quæ desinunt lædere, & curasse credun-tur. Quid ergo de cæteris ingeniis, vel etiam viribus fallaciæ spiritalis e-disseram? Phantasmata Castorum, & aquam cribro gestatam, & navem cin-gulo promotam, & barbam tactu irru-fatam; ut numina lapides crederentur, & Deus verus non quæreretur.

C A P. XXIII.

De phantasmatibus Magia, & Demonibus.

Porro si & magi phantasmata edunt, & jam defunctorum inclamant ani-mas, si pueros in eloquium oraculi e-liciunt, si multa miracula circulatoriis præstigiis

præstigiis ludunt, si & somnia immittunt, habentes semel invitatorum angelorum, & dæmonum assistentem sibi potestatem, per quos & capræ, & men-
sæ divinare consueverunt; quanto magis ea potestas de suo arbitrio, & pro suo negotio studeat totis viribus operari, quod alienæ præstat negotiationi? aut si eadem & Angeli, & Dæmones operantur, quæ & dii vestri, ubi est ergo præcellentia divinitatis, quam utique superiorem omni potestate credendum est? non ergo dignius præsumetur ipsos esse, qui se Deos faciant, cum eadem edant, quæ faciant Deos credi, quàm pares angelis, & dæmonibus, Deos esse? locorum differentia distinguitur (opinor) ut à templis deos existimetis, quos alibi deos non dicitis, ut aliter dementire videatur, qui sacras turres pervolat, aliter qui tecta vicinæ transilit, & alia vis pronuntietur in eo qui genitalia, vel lacertos, alia, qui sibi gulam prosecat. Compar exitus furoris, & una ratio est instigationis. Sed hætenus verba, jam hinc demonstratio rei ipsius, qua ostendemus unam esse utriusque nominis qualitatem. Edatur hic aliquis sub tribunalibus vestris, quem dæmone agi constet. Jussus à quolibet
Christi-

Christiano loqui spiritus ille, tam se
dæmonem confitebitur de vero, quam a-
libi deum de falso. Æque producat
aliquis ex iis, qui de Deo pati existi-
mantur, qui aris inhalantes numen de
nidore concipiunt, qui ructando curan-
tur, qui anhelando profantur. Ista ipsa
virgo coelestis pluviarum pollicitatrix,
iste ipse Æsculapius medicinarum de-
monstrator, alias demorituris socordi &
denati, & asclepiadoti sumministrator,
nisi se dæmones confessi fuerint, Chri-
stiano mentiri non audentes, ibidem illius
Christiani procacissimi sanguinem fun-
dite. Quid isto opere manifestius?
quid hac probatione fidelius? simplici-
tas veritatis in medio est. Virtus illi
sua assistit. Nihil suspicari licebit magia,
aut aliqua ejusmodi fallacia fieri. dictis
non stetis, si oculi vestri, & aures per-
miserint vobis. Quid autem innici po-
test adversus id, quod ostenditur nuda
sinceritate? si altera parte vere Dei
sunt, cur sese dæmonia mentiuntur? an
ut nobis obsequantur? Jam ergo subje-
cta Christianis divinitas vestra. Nec di-
vinitas deputanda est, quæ subdita est
homini, & si quid ad dedecus facit, æ-
mulis suis. Si altera parte dæmones sunt,
vel angeli, cur se alibi præ diis agere
respon-

respondent? Nam sicut illi, qui dii habentur, dæmones se dicere noluisse, si vere dii essent, scilicet ne de maiestate se deponerent: Ita & isti, quos dicitis dæmonas nostis, non auderent alibi pro diis agere, si aliqui omnino dii essent quorum nominibus utuntur. Verebantur enim abuti maiestate superiore sine dubio, & timendorum. Ideo nulla est divinitas ista, quam tenetis, quia si esset, neque à dæmoniis affectaretur in confessione, neque à diis negaretur. Cum ergo utraque pars concurrat in confessionem Deos esse negans, agnoscite unum genus esse, id est dæmonas. Verum utrobique jam Deos quærite. quos enim præsumpseratis, dæmonas esse cognoscitis. Eadem vero opera nostra ab eisdem diis vestris non tantum hoc detegentibus, quod neque ipsi dii sint, neque ulli alii, etiam illud incontinenti cognoscitis, qui sit vere Deus, & an ille, & an unicuique, quem Christiani profiteamur. & an ita credendus, colendusque, ut fides, ut disciplina disposita est Christianorum. Dicent ibidem, ecquis ille Christus cum sua fabula? Si homo communis conditionis, si magus, si post mortem de sepulchro à discipulis surreptus, si nunc denique penes inferos;

si

si non in coelis potius, & inde venturus cum totius mundi motu, cum horrore orbis, cum planctu omnium, sed non Christianorum, ut Dei virtus, & Dei spiritus, & sermo, & sapientia, & ratio, & Dei filius. Quodcumque rideatis, rideant & illi vobiscum, negent Christum omnem ab ævo animam restituto corpore judicaturum; dicant hoc pro tribunali, si forte Minoën, & Radamantum secundum consensum Platonis, & poetarum hoc esse sortitos, suæ saltem ignominie, & damnationis notam refutent. Renuntient se immundos spiritus esse, quod vel ex pabulis eorum, sanguine, & fumo, & putidis rogis pecorum, & impuratissimis linguis ipsorum vatium intelligi debuit. Renuntiant ob malitiam prædamnatos se in eundem iudicii diem cum omnibus cultoribus, & operatoribus suis. Atqui omnis hæc nostra in illos dominatio, & potestas de nominatione Christi valet, & de commemoratione eorum, quæ sibi à Deo per arbitrum Christum imminetia expectant. Christum timentes in Deo, & Deum in Christo, subjiciuntur servis Dei, & Christi. Ita de contractu, deque afflatu nostro contemplatione, & representatione ignis illius cor-

D

repti

repti etiam de corporibus nostro imperio excedunt inviti, & dolentes, & vobis presentibus erubescences. Credite illis, cum de se loquuntur, qui mentientibus creditis; nemo ad suum dedecus mentitur, quin potius ad honorem: magis fides prona est adversus semetipsos confitentes, quam pro semetipsis negantes. Hæc denique testimonia Deorum vestrorum Christianos facere consueverunt, quia plurimum illis credendo, in Christo domino credimus. Ipsi literarum nostrarum fidem accendunt. Ipsi spei nostræ fidentiam ædificant. Collitis illos, quod sciam, etiam de sanguine Christianorum; nollent itaque vos, tam fructuosos, tam officiosos sibi amittere, vel ne à vobis quandoque Christianis fugentur, si illis sub Christiano volente vobis veritatem probare, mentiri liceret.

CAP. XXIV.

Quod Christiani non incurrant crimen lase religionis; sed ipsi potius, qui Deos colunt longè divinos.

Omnis ista confessio illorum, qua se deos negant esse, quaque non alium Deum respondent præter unum, cui

cui nos mancipamur, satis idonea est ad depellendum crimen læsæ maxime Romanæ religionis. Si enim non sunt Dei pro certo, nec religio pro certo est. Si religio non est, nec pro certo rei sumus læsæ religionis. At è contrario in vos exprobratio resultavit, qui mendacium colentes veram religionem veri Dei non modo negligendo, quin insuper expugnando Deum verum, committitis crimen veræ irreligiositatis. Nam ut constaret illos deos esse, nonne conceditis de æstimatione communi aliquem esse sublimiorem, & potentio rem, velui principem mundi perfectæ peritiæ, & majestatis? nam & sic plerique disponunt divinitatem, ut imperium summæ dominationis esse penes unum, officia ejus penes multos velint, ut Plato Jovem magnum in cœlo comitatum exercitum describit deorum pariter, & demonum. Itaque oportere & procurantes, & præfectos, & præsidēs pariter suspici. Et tamen quod facinus admittit qui magis ad Cæsarem promerendum & operam, & spem suam transfert, nec appellationem Dei, ita ut Imperatoris in aliquem principem conficitur, cum capitale esse judicetur alium præter Cæsarem & dicere, & audire? Colat

alius Deum, alius Jovem, alius ad coelum supplices manus tendat, alius ad aram Fidei, alius, si hoc putatis, nubes numeret orans, alius lacunaria, alius suam animam Deo suo voveat, alius hirci. Videte enim, ne & hoc ad irreligiositatis elogium concurrat, adimere libertatem religionis, & interdicere optionem divinitatis, ut non liceat mihi colere quem velim, sed cogar colere, quem nolim. Nemo se ab invito colivellet, ne homo quidem, atque ideo & Ægyptiis permissa est tam vanæ superstitionis potestas, avibus, & bestiis consecrandis, & capite damnandis, qui aliquem hujusmodi Deum occiderit. Uniquique etiam provinciæ, & civitati suus Deus est, ut Syriæ Astartes, ut Arabiæ Disares, ut Norici Belenus, ut Africæ Coelestis, ut Mauritaniæ Reguli sui. Romanas (ut opinor) provincias edidi, nec tamen Romanos deos earum, quia Romæ non magis coluntur, quàm qui per ipsam quoque Italiam municipali consecratione censentur, Crustuminiensium Belventinus, Narniensium Viridianus, Æsculanorum Ancaria, Volsiniensium Nursia, Otricoli Valentia, Sutrinorum Nortia, Faliscorum in honore est pater Curis, unde accepit
cogno-

cognomen Juno. Sed nos soli arcemur à religionis proprietate. Lædimus Romanos, nec Romani habemur, quia non Romanorum Deum colimus. Bene quod omnium Deus est, cujus velimus, aut nolimus omnes sumus. Sed apud vos quodvis colere jus est, præter Deum verum, quasi non hic magis omnium sit Deus, cujus omnes sumus.

CAP. XXV.

Quòd magna fuit præsumptio Romanorum, credentium ob religionem Deorum suorum, se imperium mundi occupâsse.

Satis mihi quidem videor probasse de falsa, & vera divinitate, cum demonstravi, quemadmodum probatio consistat, non modo disputationibus, nec argumentationibus, sed ipsorum etiam testimoniis, quos Deos creditis, ut nihil jam ad hanc causam sit retractandum. Quoniam tamen Romani nominis proprie mentio occurrit, non omit- tam congressionem, quam provocat illa præsumptio dicentium, Romanos pro merito religiositatis diligentissimæ in tantum sublimitatis elatos, ut orbem occuparint, & adeo Deos esse, ut præ-

ter ceteros floreat, qui illis officium
 præter ceteros faciant. Scilicet ista mer-
 ces Romanis à diis pro gratia expensa
 est. Sterculius, & Mutunus, & Laren-
 tina provexit imperium. Peregrinos e-
 nim Deos non putem extraneæ genti ma-
 gis faustum voluisse quàm suæ; & patri-
 um solum, in quo nati, adulti, nobili-
 tati, sepultique sunt, transfretanis de-
 disse. Viderit Cybele, si urbem Roma-
 nam, ut memoriam Trojani generis ada-
 mavit, vernaculi sui scilicet adversus A-
 chivorum arma protecti, si ad ultores
 transire prospexit, quos sciebat Græciam
 Phrygiæ debellatricem subacturos. Ita-
 que majestatis suæ in urbem collatæ
 grande documentum nostra etiam ætate
 proposuit cum M. Aurelio apud Syr-
 mium reip. exempto die XVI. Calenda-
 rum Aprilium, Archigallus ille sanctissi-
 mus die IX. Calend. earundem, quo
 sanguinem impurum lacertos quoque ca-
 strando libabat, pro salute Imperatoris
 Marci jam intercepti solita æque imperia
 mandavit. O nuntios tardos, ô somni-
 culosa diplomata, quorum vitio exces-
 sum Imperatoris non ante Cybele cog-
 novit, ne deam talem riderent Christi-
 ani. Sed non statim, & Jupiter Cretam
 suam Romanis fascibus concuti fineret,
 oblitus

oblitus antrum illud Idæum & æra Corybantia, & jucundissimam illic nutricis suæ odorem. Nonne omni Capitolio tumultum suum præposuisset, ut ea potius orbi terræ præcelleret, quæ cineres Jovis texit? vellet Juno Punicam urbem posthabita Samo dilectam ab Æneadarum utique genere deleri? quod sciam,

----*Hic illius arma,*

*Hic currus fuit; hoc regnum dea gentibus esse,
Si qua fata sinant jam tum tenditq; fovetque.*

Misera illa conjux Jovis, & soror adversus fata non valuit, planè

Fato stat Jupiter esse.

Nec tantum tamen honoris Romani didicerant fati dedentibus sibi Carthaginem adversas destinatum, votumque Junonis, quantum prostituta lupæ Laurentinæ. Plures Deos vestros regnasse certum est. Igitur si conferendi imperii tenent potestatem, cum ipsi regnarent, à quibus acceperant eam gratiam? quem coluerat Saturnus, & Jupiter? aliquem, opinor, Sterculium, sed Romæ postea cum indigenis. Etiam

siqui non regnarunt, tamen regnabatur ab aliis nondum cultoribus suis, ut qui nondum dii habebantur. Ergo aliorum est regnum dare, quia regnabatur multo ante, quam isti dii inciderentur. Sed quam vanum est fastigium Romani nominis religiositatis meritis deputare, cum post imperium, sive adhuc regnum religio profecerit. Age jam rebus religio profecerit. Nam etsi à Numa concepta est curiositas superstitiosa, nondum tamen aut simulachris, aut templis res divina apud Romanos constabat, frugi religio, & pauperes ritus, & nulla Capitolia certantia coelo, sed temeraria de cespite altaria & vasa adhuc Samia, & nidor ex illis, & Deus ipse nusquam. Nondum enim tunc ingenia Græcorum, atque Tuscorum fingendis simulachris urbem inundaverant. Ergo non ante religiosi Romani quam magni. Ideoque non ob hoc magni, quia religiosi. Atqui quomodo ob religionem magni, quibus magnitudo de irreligiositate provenit? ni fallor enim omne regnum, vel imperium bellis quæritur, & victoriis propagatur. Porro bella & victoriæ, captis & everfis plurimum urbibus constant. Id negotium sine Deorum injuria non est. Eædem strages moenium,
&

& templorum, pares cædes civium, & sacerdotum, nec dissimiles rapinæ sacrarum divitiarum, & profanarum. Tot igitur sacrilegia Romanorum, quot trophæa. Tot de Diis, quot de gentibus triumphi. Tot manubiæ, quot manent adhuc simulachra captivorum Deorum. Et ab hostibus ergo suis sustinent adorari, & illis imperium sine fine decernunt, quorum magis injurias, quam adulationes remunerasse debuerant. Sed qui nihil sentiunt, tam impunè læduntur, quàm frustra coluntur. Certe non potest fidei convenire, ut religionis meritis excrevisse videantur, qui, ut suggestimus, religionem aut lædendo creverunt, aut crescendo læserunt. Etiam illi, quorum regna conflata sunt in imperii Romani summam, cum ea amitterent, sine religionibus non fuerunt.

CAP. XXVI.

Quòd solus Deus, cujus est orbis terrarum, regna contulit.

Videte igitur ne ille regna dispenset, cujus est & orbis, qui regnatur, & homo ipse, qui regnat. ne ille vices dominationum ipsis temporibus in seculo ordinaverit, qui ante omne tem-

pus fuit, & seculum corpus temporum fecit. Ne ille civitates extollat, aut deprimat, sub quo fuit aliquando sine civitatibus genus hominum. Quid erratis? prior est quibusdam diis suis sylvestris Roma, ante regnavit, quàm tantum ambitum capitolii extrueretur. Regnaverunt & Babylonii ante Pontifices, & Medi ante Quindecim viros, & Aegyptii ante Salios, & Assyrii ante Lupercos, & Amazones ante Virgines Vestales. Postremo si Romanae religiones regna praestant, nunquam retro Iudaea regnasset despexit communium istarum divinitatum, cujus & Deum victimis, & templum donis, & gentem foederibus aliquandiu Romani honorastis, nunquam dominaturi ejus, si Deo non deliquisset, ultimo in Christum.

C A P. XXVII.

Quòd daemones incitant contra Christianos, gentes; quia licet subjiciantur illis, sunt tamen servi contrumaces.

Satis hæc adversus intentionem læse divinitatis, quod non videamur ledere eam, quam ostendimus non esse. Igitur provocati ad sacrificandum obstruimus

struimus gradum pro fide conscientia-
nostræ, qua certi sumus, ad quos ista
perveniant officia, sub imaginum pro-
stitutione, & humanorum nominum con-
secratione. Sed quidam dementiam ex-
istimant, quod cum possimus & sacri-
ficare in præsentia, & illæsi abire ma-
nente apud animum proposito, obstina-
tionem saluti præferamus. Datis scili-
cet consilium, quo vobis abutamur.
sed agnoscimus unde talia suggerantur,
quis totum hoc agitet, & quomodo nunc
astucia suadendi, nunc duritia sæviendi
ad constantiam nostram dejiendam o-
peretur. Ille scilicet spiritus dæmoni-
acæ, & angelicæ paraturæ, qui noster
ob divortium æmulus, & ob Dei gra-
tiam invidus, de mentibus vestris ad-
versus nos præliatur, occulta inspirati-
one modulatis, & subornatis ad omnem,
quam in primordio exorsi sumus, & ju-
dicandi perversitatem, & sæviendi ini-
quitatem. Nam licet subjecta sit nobis
rota vis dæmonum, & ejusmodi spiri-
tus, ut nequam tamen servi metui non-
numquam contumaciam miscent, & la-
dere gestiunt, quos alias verentur. odi-
um enim etiam timor spirat. Præter-
quam & desperata conditio eorum ex
predamnatione, solacium reputat fruen-
da

da interim malignitatis de poenæ mora. Et tamen apprehensi subiguntur, & conditioni suæ succidunt, & quos de longinquo oppugnant, de proximo obsecrant. Itaque cum vice rebellantium ergastulorum, five carcerum, vel metallorum, vel hoc genus pœnalis servitutis erumpunt adversum nos, in quorum potestate sunt, certi impares se esse, & hoc magis perditos, ingratis resistimus ut æquales, & repugnamus perseverantes in eo, quod oppugnant, & illos nunquam magis detriumphamus, quam cum pro fidei obstinatione damnamur.

CAP. XXVIII.

Quòd gentes propriam religionem parvi pendant, timentes magis Imperatorem, quàm Jovem.

QUoniam autem facile iniquum videretur liberos homines invitos urgeri ad sacrificandum, (Nam & aliàs divinæ rei faciendæ libens animus indicitur,) certe ineptum existimaretur, si quis ab alio cogeretur ad honorem deorum, quos ultro sui causa placare deberet, ne præ manu esset jure libertatis dicere, nolo mihi Jovem propitium.

tium. Tu quies? me conveniat Janus iratus ex qua velit fronte. Quid tibi mecum est? Formati estis ab iisdem utriusque spiritibus, ut nos pro salute Imperatoris sacrificare cogatis. Et imposita est tam vobis necessitas cogendi, quam nobis obligatio periclitandi. Ventum est igitur ad secundum titulum læsæ augustioris majestatis. Siquidem majore formidine, & callidior timiditate Cæsarem observatis, quam ipsum de Olympo Jovem, & merito si sciatis. Quis enim ex viventibus non quilibet mortuo potior? Sed nec hoc vos ratione facitis, potius quam respectu repræsentantæ potestatis. Adeo & in isto irreligiosi erga Deos vestros deprehendimini, cum plus timoris humano dominio dicatis. Citius denique apud vos per omnes deos, quam per unum genium Cæsaris perjeratur.

C A P. XXIX.

Dii nec Cæsarem, nec alium juvare possunt: quare meritò Caesar magis honorandus, quàm illi.

CONstet igitur prius, si isti, quibus sacrificatur, salutem imperatoribus, vel cuilibet homini impetiri possunt & ita

ita nos crimini addicite. Si Angeli, aut Dæmones substantia pessimi spiritus, beneficium aliquod operantur, si perditum conservant, si damnati liberant, si denique, quod in conscientia vestra est, mortui vivos tuentur, jam utique suas primo statuas, & imagines, & ædes tuerentur, quæ (ut opinor) Cæsarium milites excubiis suis salva præstant. Puto autem hæ ipsæ materiæ de metallis Cæsarium veniunt, & tota templa de nutu Cæsaris constant. Multi denique dii habuerunt Cæsarem iratum. Facit ad causam, si & propitius illis aliquid liberalitatis, aut privilegii confert. Ita qui sunt in Cæsaris potestate, cuius & toti sunt, quomodo habebunt salutem Cæsaris in potestate, ut eam præstare posse videantur, quam facilius ipsi à Cæsare consequuntur? Ideo ergo committimus in maiestatem Imperatorum, quia illos non subicimus rebus suis? quia non ludimus de officio salutis eorum qui eam non putamus in manibus esse plumbatis? Sed vos religiosi, qui eam quæritis ubi non est, petitis, à quibus dari non potest, præterito eo, in cuius est potestate. Insuper eos debellatis, qui eam sciunt petere, qui etiam possint impetrare, dum sciunt petere.

C. A. P.

CAP. XXX.

Imperatores à Deo esse, quorum salutem Christiani à Deo vero supplices petant, qui eam dare est solitus.

NOS enim pro salute Imperatorum Deum invocamus æternum, Deum verum, Deum vivum, quem & ipsi Imperatores propitium sibi præter cæteros malunt. Sciunt quis illis dederit imperium; sciunt qua homines, quis & animam. Sentiunt eum Deum esse solum, in cuius solius potestate sunt, à quo sunt secusdi, post quem primi, ante omnes, & super omnes Deos. Quidni? cum super omnes homines, qui utique vivunt, & mortuis antistant; recogitant quousque vires imperii sui valeant, & ita Deum intelligunt, adversus quem valere non possunt; per eum valere se cognoscunt. Cœlum denique debellet Imperator, cœlum captivum triumpho suo invehat, cœlo mutat excubias, cœlo vectigalia imponat. Non potest, ideo magnus est, quia cœlo minor est. Illius enim est ipse, cuius & cœlum est, & omnis creatura. Inde est Imperator, unde & homo antequam Im-

Imperator, inde potestas illi, unde & spiritus. Illuc suspicientes Christiani manibus expansis, quia innocuis; capite nudo, quia non erubescimus; denique sine monitore, quia de pectore oramus, precantes sumus omnes semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, & quæcumque hominis, & Cæsaris vora sunt. Hæc ab alio orare non possum, quàm à quo scio me consecuturum, quoniam & ipse est, qui solus præstat, & ego sum, cui impetrare debetur; famulus ejus, qui eum solum observo, qui ei offero opimam, & majorem hostiam, quam ipse mandavit, orationem de carne pudica, de anima innocentem, de spiritu sancto profectam. Non grana thuris unius assis, non Arabicæ arboris lachrymas, nec duas meri guttas, nec sanguinem reprobi bovis mori optantis, & post omnia inquinamenta, etiam conscientiam spurcam, ut mirer, cum hostiæ probantur penes vos à vitiosissimis sacerdotibus, cur præcordia potius victimarum, quam ipsorum sacrificantium examinantur. Sic itaque nos ad Deum expansos ungulæ fodiant, cruces.

cruces suspendant, ignes lambant, gladii guttura detruncant, bestię infiliant, paratus est ad omne supplicium ipse habitus orantis Christiani. Hoc agite boni præsides. Extorquete animam Deo supplicantem pro Imperatore. Hic erit crimen, ubi veritas & Dei devotio est.

CAP. XXXI.

De oratione pro inimicis, & Principibus.

ADulati nunc sumus Imperatori, & mentiti vota, quæ diximus ad evadendam scilicet vim. Planè proficit ista fallacia. Admittitis enim nos probare quodcunque defendimus. Qui ergo putas nihil nos de salute Cæsarum curare, inspice Dei voces, literas nostras, quas neque ipsi supprimimus, & plerique casus ad extraneos transferunt. Scitote ex illis præceptum esse nobis ad redundantiam benignitatis, etiam pro inimicis Deum orare, & persecutoribus nostris bona precari. Qui magis inimici, & persecutores Christianorum, quam de quorum majestate convenimur in crimen? sed etiam nominatim, atque manifeste, orate, inquit, pro regibus, & pro principibus, & potestatibus, ut omnia
nia

nia tranquilla sint. Vobiscum enim concutitur imperium concussis etiam cæteris membris ejus; utique & nos (licet extranei à turbis æstimemur) in aliquo loco casus invenimur.

C A P. XXXII.

Quamobrem Christiani orent pro Romano Imperatore, & jurent.

EST & alia major necessitas nobis orandi pro Imperatoribus, etiam pro omni statu imperii, rebusque Romanis, quod vim maximam universo orbi imminentem, ipsamque clausulam fecaliterbitates horrendas comminantem, Romani Imperii comineatu scimus retardari. Itaque volumus experiri, & dum precamur differri, Romanæ diuturnitati favemus. Sed & juramus, sicut non per Genios Caesarum, ita per salutem eorum, quæ est augustior omnibus genis. Nescitis genios dæmonas dici, & inde diminutiva voce dæmonia? Nos judicium Dei suspicimus in Imperatoribus, qui gentibus illos præfecit. Id in eis scimus esse, quod Deus voluit, & pro magno adjumento habemus. Cæterum dæmonas, id est genios adjurare consuevimus, ut illos de hominibus exigamus,
non

non dejerare, ut illis honorem divinitatis conferamus.

C A P. XXXIII.

Imperatorem hominem esse, non Deum.

SED quid ego amplius de religione, atque pietate Christiana in Imperatorem? quem necesse est suspiciamus, ut eum, quem Dominus noster elegit, ut merito dixerim, noster est magis Caesar, ut à nostro Deo constitutus. Itaque ut meo plus ego illi operor in salutem. Siquidem non solum ab eo postulo, eam qui potest præstare, aut quod talis postulo, qui merear impetrare, sed etiam, quod temperans majestatem Caesaris infra Deum, magis illum commendo Deo, cui soli subjicio. Subjicio autem cui non adæquo. Non enim Deum Imperatorem dicam, vel quia memiri nescio, vel quia illum deridere non audeo, vel quia nec ipse se Deum volet dici, si homo sit. interest homini Deo cedere. Satis habeat appellari Imperator. Grande & hoc nomen est, quod à Deo traditur. Negat illum Imperatorem, qui Deum dicit. Nisi homo sit, non est Imperator. Hominem se esse.

esse etiam triumphans in illo sublimissimo curru admonetur. Suggestur enim ei à tergo, Respice post te, Hominem memento te. Et utique hoc magis gaudet, tanta se gloria coruscare, ut illi admonitio conditionis suæ sit necessaria. Minor erat, si tunc Deus diceretur, quia non vere diceretur. Major est, qui revocatur, ne se Deum existimet.

C A P. XXXIV.

Non dominum appellandum esse Imperatorem, nisi more communi; nunquam verò Deum.

Augustus Imperii formator ne dominum quidem dici se volebat. Et hoc enim Dei est cognomen. Dicam planè Imperatorem dominum, sed more communi: sed quando non cogor, ut dominum Dei vice dicam. Cæterum liber sum illi. Dominus enim meus unus est, Deus omnipotens, & æternus, idem qui & ipse. Qui pater patriæ est, quomodo Dominus est? Sed & gratius nomen est pietatis quam potestatis, etiam familiæ magis patres, quam domini vocantur. Tanto abest, ut Imperator Deus debeat dici, quod non potest credi non modo turpissima, sed &

& pernicioſa adulatione. Tanquam ſi habens Imperatorem, alterum appelles, nonne maximam, & inexorabilem offenſam contrahes ejus, quem habuiſti, etiam ipſi timendam, quem appellaviſti? eſto religioſus in Deum, qui vis illum propitium Imperatori. Deſine alium Deum credere, atque ita & hunc Deum dicere, cui Deo opus eſt. Si non de mendacio erubeſcit adulatio, ejuſmodi hominem Deum appellans, timeat ſaltem de infaſto. Maledictum eſt ante apotheoſin Deum Cæſarem nuncupare.

C A P. XXXV.

Quòd Chriſtiani majores & veriores honores exhibent Imperatoribus, quàm Gentiles.

PROPTEREA igitur publici hoſtes Chriſtiani, quia Imperatoribus neque vanos, neque mentientes, neque temerarios honores dicant, quia veræ religionis homines etiam ſolemnia eorum, conſcientia potius quàm laſcivia celebrant. Grande videlicet officium focos, & toros in publicum educere, viciatim epulari, civitatem tabernæ habitu aboleſcere, vino lutum cogere, catervatim curſi-

curſitate ad injurias, ad impudentias, ad libidinis illecebras. Siccine exprimitur publicum gaudium per publicum dedecus? Hæccine ſolennes dies principum decent, quæ alios dies non decent? qui obſervant diſciplinam de Cæſaris reſpectu, ii eam propter Cæſarem deſerunt? & malorum morum licentia pietas erit, occaſio luxuriæ religio deputabitur? O nos merito damnandos! cur enim vota, & gaudia Cæſarum caſti, & ſobrii, & probi expungimus? cur die læto non laureis poſtes obumbra-
 mus? nec lucernis diem infringimus? honeſta res eſt ſolemnitate publica exigente induere domui tuæ habitum alicujus novi lupanaris. Velim tamen in hac quoque religione ſecundæ majestatis, de qua in ſecundum ſacrilegium convenimur Chriſtiani, non celebrando vobiliſcum ſolemnia Cæſarum, quo more celebrari, nec modeſtia, nec verecundia, nec pudicitia permittunt, ſed occaſio voluptatis magis, quàm digna ratio perſuaſit, fidem, & veritatem veſtram demonſtrare, ne forte & iſtiſc deteriores Chriſtianis deprehendantur, qui nos nolunt Romanos haberi, ſed hoſtes principum Romanorum. Ipſos Quirites, ipſam vernaculam ſeptem collium plebem
 -3115
 convenio,

convenio, an alicui Cæsari suo parcat illa lingua Romana? Testis est Tyberis, & scholæ bestiarum. Jam si pectoribus ad translucendum quandam specularem materiam natura obduxisset, cujus non præcordia insculpta apparerent novi ac novi Cæsaris scenam congiario dividendo præsentis? etiam illa hora quæ adclamant,

De nostris annis tibi Juppiter augeat annos.

Hæc Christianus tam enuntiare non novit, quam de novo Cæsare optare. Sed vulgus, inquis, ut vulgus. tamen Romani, nec ulli magis deprecatores Christianorum quam vulgus. Planè cæteri ordines pro auctoritate religiosi ex fide, nihil hosticum de ipso senatu, de equite, de castris, de palatiis ipsis spirant. Unde Cassii, & Nigri, & Albini? unde qui inter duas lauros obsident Cæsarem? unde qui faucibus ejus exprimendis palæstricam exercent? unde qui armati palatium irrumpunt omnibus Stephanis, atq; Partheniis audaciores? de Romanis (nisi fallor) id est, de non Christianis. Atq; adeo omnes illi sub ipsa usque impietatis eruptione, & sacra faciebant pro salute Imperatoris, & Genium ejus deprecabant, alii foris, alii intus, & utique publicorum hostium

stium nomen Christianis dabant. Sed & qui nunc scelestorum partium socii, aut plausores quotidie revelantur, post vindemiam parricidarum racematio superstes, quam recentissimis, & ramosissimis laureis postes præstruebant? quam elatissimis, & clarissimis lucernis vestibula enubilabant? quam cultissimis, & superbissimis toris forum sibi dividebant? non ut gaudia publica celebrarent, sed ut vota propria jam ediscerent, & in aliena solemnitate exemplum, atque imaginem spei suæ inaugurarent, nomen principis in corde mutant. Eadem officia dependunt & qui Astrologos, & Aruspices, & Augures, & Magos de Cæsarum capite consultant, quas artes ut ab angelis desertoribus proditas, & à Deo interdictas, ne suis quidem causis adhibent Christiani. Cui autem opus est perscrutari super Cæsaris salutem, nisi à quo aliquid adversus illam cogitatur, vel optatur? aut post illam speratur, & sustinetur? non enim ea mente de charis consulitur, quæ de dominis. Aliter curiosa est sollicitudo sanguinis, aliter servitutis.

CAP. XXXVI.

Tenentur Christiani diligere non solum Imperatorem, sed & omnes homines.

SI hæc ita sunt, ut hostes deprehendantur, qui Romani vocabantur, cur nos, qui hostes existimamur, Romani negamur? Non possumus & Romani non esse, & hostes esse, cum hostes reperiantur, qui Romani habebantur? adeo pietas, & religio, & fides Imperatoribus dedita non in huiusmodi officiis consistit, quibus & hostilitas magis ad velamentum sui potest fingi, sed in iis moribus, quibus divinitas imperat, tam vero, quam circa omnes, necesse habet exhiberi. Neque enim hæc opera bonæ mentis solis Imperatoribus debentur à nobis. Nullum bonum sub exceptione personarum administramus, quia nobis præstamus, qui non ab homine, aut laudis, aut præmii, expensum capimus, sed à Deo exatore, & remuneratore indifferentis benignitatis. Idem sumus Imperatoribus, qui & vicinis nostris. Male enim velle, male facere, male dicere, male cogitare de quoquam ex æquo vetamur. Quodcumque

E

non

non licet in Imperatorem, id nec in quemquam. Quod in neminem, eo forsitan magis, nec in ipsum, qui per Deum tantus est.

CAP. XXXVII.

Quod ad Christianos pertinet neminem ladere, quanquam pro multitudine possent se vindicare.

SI inimicos, ut supra diximus, jubemur diligere, quem habebimus odisse? Item si læsi vicem referre prohibemur, ne de facto pares simus, quem possumus ladere? Nam de isto ipsi recognoscite. Quoties enim in Christianos deluxitis parum animis propriis, parum legibus obsequentes? Quoties etiam præteritis vobis, suo jure, nos inimicam vulgus invadit lapidibus, & incendiis? Ipsis Bacchanalium furis nec mortuis parcunt Christianis, quin illos de reliquo sepultura, de asylo quodam mortis, jam aliorum, jam nec totos avehant, dissecant, distrahant. Quid tamen de istis conspiratis unquam denotatis, de rati animatis ad mortem usque pro injuria repensatis? quando vel una vox paucalis faculis largitatem ultionis posset operari, si malum malo dispungi penes nos

nos liceret. Sed absit, ut aut igni humano vindicetur divina secta, aut doleat pati, in quo probatur. Si enim hostes exercitos, non tantum vindices occultos agere vellemus, deesset nobis vis numerorum & copiarum? Plures nimirum Mauri, & Marcomanni, ipsique Parthi, vel quantæcunque, unius tamen loci & suorum finium gentes, quam totius orbis. Hesterni sumus, & vestra omnia implevimus, urbes, insulas, castella, municipia, conciliabula, castra ipsa, tribus, decurias, palatium, senatum, forum. Sola vobis relinquimus templa. Cui bello non idonei, non prompti fuissetis, etiam impares copiis, qui tam libenter trucidamur, si non apud istam disciplinam magis occidi liceret, quam occidere? Perimus & inermes, nec rebelles, sed tantummodo discordes solius divortii invidia adversus vos dimicasse. Si enim tanta vis hominum in aliquem orbis remoti sinum abruptissemus a vobis, suffudisset utique dominationem vestram tot quæcumque amissio civium, immo etiam & ipsa destructione perisset. Procul dubio expavissetis, ad solitudinem vestram, ad silentium rerum, & stuporem quendam quasi mortuæ urbis, quæissetis quibus

In ea imperassetis. Plures hostes, quam cives vobis remansissent. nunc enim pauciores hostes habetis præ multitudine Christianorum penè omnium civium, penè omnes cives Christianos habendo. Sed hostes maluistis vocare generis humani potius, quam erroris humani. Quis autem vos ab illis occultis, & usquequaque vastantibus mentes, & valetudines vestras hostibus raperet? A dæmoniorum incurfibus dico, quæ de vobis sine præmio, sine mercede depellimus. Suffecisset hoc solum nostræ ultioni, quod vacua exinde possessio immundis spiritibus pateret. Porro nec tanti præsidii compensationem cogitantes non modo non molestum vobis genus, verum etiam necessarium, hostes iudicare maluistis, quia sumus planè non generis humani tamen, sed potius erroris.

CAP. XXXVIII.

Christianorum Sectam neque deputandam esse inter Factiones licitas.

PRoinde nec paulo lenius inter licitas factiones sectam istam deputari oportebat, à qua nihil tale committitur, quale de illicitis factionibus timeri solet. Nisi fallor enim prohibenda-
rum

rum factionum causa de providentia constat modestiæ publicæ, ne civitas in partes scinderetur, quæ res facile comitia, concilia, curias, conciones, spectacula, etiam æmulis studiorum compulsionibus inquietaret, cum jam & in quæstu habere cœpissent venalem, & mercenariam homines violentiæ suæ operam. At enim nobis ab omni gloria, & dignitatis ardore frigentibus nulla est necessitas coetus, nec ulla magis res aliena, quam publica. Unam omnes rempublicam cognoscimus mundum. Æque spectaculis vestris in tantum renuntiamus, in quantum originibus eorum, quas scimus de superstitione conceptas, cum & ipsis rebus, de quibus transiguntur, prætersumus. Nihil est nobis dictu, visu, auditu cum infamia circi, cum impudicitia theatri, cum atrocitate arenæ, cum xysti vanitate. Quo vos offendimus, si alias præsumimus voluptates? Si oblectari novisse nolumus, nostra injuria est, si forte, non vestra. Sed reprobamus quæ placent vobis, nec vos nostra delectant. Sed licuit Epicureis aliquam decernere voluptatis veritatem, id est animi æquitatem, & ampla negotia.

CAP. XXXIX.

Disciplina Christianorum ; ubi dilucidè & clarè ponit omnia, quæ peragi solita sunt in Ecclesia.

EDam jam nunc ego ipse negotia Christianæ factionis, ut qui mala refutaverim, bonâ ostendam. Corpus sumus de conscientia religionis, & disciplinæ unitate, & spei foedere. Coimus in coetum, & congregationem, ut ad Deum quasi manu facta precationibus ambiamus orantes. Hæc vis Deo grata est. Oramus etiam pro Imperatoribus, pro ministris eorum, ac potestatibus, pro statu seculi, pro rerum quiete, pro mora finis. Coimus ad litterarum divinarum commemorationem, si quid præsentium temporum qualitas aut præmonere cogit, aut recognoscere. Certe fidem sanctis vocibus pascimus, spem erigimus, fiduciam figimus, disciplinam præceptorum nihilominus inculcationibus densamus. Ibidem etiam exhortationes, castigationes, & censura divina. Nam & judicatur magno cum pondere, ut apud certos de Dei conspectu ; summumque futuri judicii præjudicium est, si quis ita deliquerit, ut

a

à communicatione orationis, & conven-
tus, & omnis sancti commercii rele-
getur. Præsident probati quique seni-
ores, honorem istum non pretio, sed
testimonio adepti ; neque enim pretio
ulla res Dei constat. Etiam si quod
arcae genus est, non de oneraria summa
quasi redemptæ religionis congregatur.
Modicam unusquisque stipem mensura
die, vel cum velit, & si modo velit,
& si modo possit, apponit. Nam nemo
compellitur, sed sponte confert. Hæc
quasi deposita pietatis sunt. Nam inde
non epulis, nec potaculis, nec ingratis
voratrinis dispensatur, sed egemis alen-
dis, humandisque, & pueris, ac puellis
re, ac parentibus destitutis, jamque do-
mesticis senibus. Item naufragis, & si
qui in metallis, & si qui in insulis, vel
in custodijs dumtaxat ex causa Dei se-
ctæ, alumni confessionis suæ fiunt. Sed
ejusmodi vel maxime dilectionis opera-
tio notam nobis inurit penes quosdam.
Vide, inquiunt, ut invicem se diligant.
Ipsi enim invicem oderunt. & ut pro
alterutro mori sint parati. Ipsi enim ad
occidendum alterutrum paratiores erunt.
Sed & quod fratres nos vocamus, non
alias (opinor) infamant quam quod apud
ipsos omne sanguinis nomen de affe-

Statione simulatum est. Fratres etiam vestri sumus jure naturæ matris unius, etsi parum homines vos, quia mali fratres. At quanto dignius fratres & dicuntur, & habentur, qui unum patrem Deum agnoverunt, qui unum spiritum biberunt sanctitatis, qui de uno ntero ignorantia ejusdem ad unam lucem expaverint veritatis. Sed eo fortasse minus legitimi existimamur, quia nulla de nostra fraternitate tragœdia exclamat, vel quia ex substantia familiari fratres sumus, quæ penes vos ferè dirimit fraternitatem. Itaque qui animo, animaque miscemur, nihil de rei communicatione dubitamus. Omnia indifcreta sunt apud nos, præter uxores. In isto loco consortium solvimus, in quo solo cæteri homines consortium exercent, qui non amicorum solummodo matrimonia usurpant, sed & sua amicis patientissime subministrant; ex illa (credo) majorum, & sapientissimorum disciplina, Græci Socratis, & Romani Catonis, qui uxores suas amicis communicaverunt, quas in matrimonium duxerant, liberorum causa, & alibi creandorum, nescio quidem an invitas, quid enim de castitate curarent, quam mariti tam facile donaverant? O sapientia Attica,

Atticæ, ô Romanæ gravitatis exemplum. Leno est Philosophus, & Censor. quid ergo mirum, si tanta caritas conviolarur? Nam & cœnulas nostras præterquam sceleris infames, ut prodigas sugillatis. De nobis scilicet Diogenis dictum est; Megarenses obsonant, quasi crastina die morituri; ædificant vero quasi nunquam morituri. Sed stipulam quis in alieno oculo facilius perspicit, quam in suo trabem. Tot tribubus, & curiis, & decuriis ructantibus acefcit ær: Saliis cœnaturis creditor erit necessarius. Herculænarum decimarum & polluctorum sumptus tabularii supputabunt. Apaturiis, Dionysiis mysteriis Atticis coquorum dilectus indicentur. Ad fumum cœnæ Serapicæ sparteoli excitabuntur. De solo triclinio Christianorum retractatur. Cœna nostra de nomine rationem sui ostendit. Vocatur *ἀγάπη*, id quod dilectio penes Græcos est. Quantiscunque sumptibus constet, lucrum est pietatis nomine facere sumptum, siquidem inopes quosque refrigerio isto juvamus, non qua penes vos parasiti affectant ad gloriam famulandæ libertatis sub auctoramento ventris inter contumelias saginandi; sed qua penes Deum major est contemplatio medio-

crium. Si honesta causa est convivii, reliquum ordinem disciplinæ æstimate, quid sit de religionis officio. nihil vilitatis, nihil immodestiæ admittit; non prius discumbitur, quàm oratio ad Deum prægustetur: editur quantum esturientes capiunt: bibitur quantum pudicis est utile. Ita saturantur, ut qui meminerint etiam per noctem adorandum Deum sibi esse. Ita fabulantur, ut qui sciunt Dominum audire. Post aquam manualet, & lumina, ut quisque de scripturis sanctis, vel de proprio ingenio potest, provocatur in medium Deo canere, hinc probatur quomodo biberit. Æque oratio convivium dirimit. inde disceditur non in catervas cætionum, neque in classes discursationum, nec in eruptiones lasciviarum, sed ad eandem curam modestiæ, & pudicitæ, ut qui non tam coenam coenaverint, quam disciplinam. Hæc coitio Christianorum merito sanè illicita, si illicitis par; merito damnanda, si quis de ea queritur eo titulo, quo de factionibus querela est. In cuius perniciem aliquando convenimus? Hoc sumus congregati, quod & dispersi. hoc universi, quod & singuli; neminem lædentes, neminem contristantes. Cum probi, cum boni

boni coeunt, cum pii, cum casti congregantur, non est factio dicenda, sed curia.

CAP. XL.

Diluit aliam calumniam, probatque, post adventum Christi, pauciores clades, Deo parcente & miserante, accidisse.

AT è contrario illis nomen factionis accommodandum est, qui in odium bonorum, & proborum conspirant, qui adversum sanguinem innocentium conclamabant, prætexentes sane ad odii defensionem illam quoque vanitatem, quod existiment omnis publicæ cladis, omnis popularis incommodi Christianos esse causam. Si Tiberis ascendit in moenia, si Nilus non ascendit in arva, si coelum stetit, si terra movit, si fames, si lues, statim Christianos ad leonem. Tantos ad unum? Oro vos, ante Tiberium, id est ante Christi adventum, quantæ clades orbem, & urbem ceciderunt. Legimus Hierapolim, & Delon, & Rhodon, & Coon insulas multis cum millibus hominum pessum abisse. Memorat & Plato majorem Africæ, & Africæ terram Atlantico mari ereptam.

ereptam. Sed & mare Corinthium
terræmotus ebibit. & vis undarum Lu-
caniam Italiæ abscissam in Sicilia nomen
relegavit. Hæc utique non sine inju-
ria incolentium accidere potuerunt. U-
bi vero tunc non dicam Deorum ve-
strorum contemptores Christiani, sed
ipsi dii vestri, cum totum orbem cata-
clysmus abolevit? vel, ut Plato putavit,
campestre solummodo? posteriores e-
nim illos clade diluvii contestantur ip-
sæ urbes, in quibus nati, mortuique
sunt, etiam quas condiderunt, neque e-
nim alias in hodiernum manerent, nisi
& ipsæ postumæ cladis illius. Nondum
Judæum ab Ægypto examen Palaestina
susceperat, nec jam illic Christianæ sectæ
origo confederat, cum regiones ad fines
ejus Sodoma, & Gomorra igneus imber
exussit. Olet adhuc incendio terra, &
si qua illic arborum poma conantur, o-
culis tenus, cæterum contacta cineres-
cunt. Sed nec Thufcia jam tunc, at-
que Campania de Christianis quereba-
tur, cum Vulfinios de coelo, Pompeios
de suo monte perfudit ignis. Nemo
adhuc Romæ Deum verum adorabat,
cum Annibal apud Cannas per Roma-
nos annulos cædes suas modio metieba-
tur. Omnes dii vestri ab omnibus co-
lebantur,

lebantur, cum ipsum Capitolium Senones occupaverunt. Et bene, quod si quid adversi accidit urbibus, eadem clades templorum quæ & mœnium fuerunt, ut jam hoc revincam non à deis evenire, quia & ipsis evenit. Semper & humana gens male de Deo meruit, primo quidem ut inofficiosa ejus, quem cum intelligeret ex parte, non requisivit, sed & alios insuper sibi commentata est quos coleret; dehinc quod non inquirendo innocentia magistram, & nocentia judicem, & exactorem, omnibus vitiis, & criminibus inolevit. Cæterum si requisisset, sequebatur, ut cognosceret requisitum, & recognitum observaret. & observatum propitium magis experiretur, quam iratum. Eundem ergo nunc quoque scire debet iratum, quem & retro semper prius quam Christiani nominarentur. Cujus bonis utebatur ante editis quam sibi Deos fingeret, cur non ab eo etiam mala intelligat evenire, cujus bona esse non sensit? Illius rea est, cujus & ingrata. Et tamen si pristinas clades comparemus, leviora nunc accidunt, ex quo Christianos à Deo orbis accepit. Ex eo enim & innocentia seculi iniquitates temperavit, & deprecatores Dei esse coeperunt. Denique cum
ab.

ab imbribus æstiva hyberna suspendunt, & annus in cura est, vos quidem quotidie pasti, statimque pransuri balneis, & cauponis, & lupanaribus operati a-
 quilicia Jovi immolatis, nudipedalia populo denuntiatis, coelum apud Capito-
 lium quæritis, nubila de laquearibus expectatis, averſi ab ipſo & Deo, & coelo. Nos vero jejuniis aridi, & omni continentia expreſſi, ab omni vitæ fruge dilati, in ſacco, & cinere volutantes, in-
 vidia coelum tundimus, Deum tangimus, & cum miſericordiam extorſerimus, Ju-
 piter honoratur.

C A P. XLI.

*Quòd meritò Deus in genus huma-
 num irasce debuit; cùm sperna-
 tur, & Statuæ adorentur.*

VOS igitur importuni rebus hu-
 manis, vos rei publicorum incom-
 modorum; vos malorum illices ſemper,
 apud quos Deus ſpernitur, ſtatuæ ado-
 rantur. Etenim credibilius haberi de-
 bet eum irasce, qui negligatur, quam
 qui coluntur. Aut nã illi iniquiſſimi, ſi
 propter Chriſtianos etiam cultores ſuos
 lædunt, quos ſeparare deberent à meri-
 tis Chriſtianorum. Hoc, inquitis, &
 in:

in Deum vestrum repercutere est, siquidem & ipse patiatur propter profanos etiam cultores suos lædi. Admittite prius dispositiones ejus, & non retorquebitis. Qui enim semel æternum judicium destinavit, post seculi finem, non præcipitat discretionem, quæ est conditio judicii ante seculi finem. Æqualis est interim super omne hominum genus, & indulgens, & increpans, communia voluit esse commoda profanis, & incommoda suis, ut pari consortio omnes & lenitatem ejus, & severitatem experiremur. Quia æquitatem didicimus apud ipsum, diligimus lenitatem, meruimus severitatem, vos contra utramque despicitis: & sequitur, ut omnes seculi plagæ nobis, si forte in admonitionem, vobis in castigationem à Deo obveniant. Atqui nos nullo modo lædimur, in primis, quia nihil nostra refert in hoc ævo nisi de eo quam celeriter excedere. Dehinc, quia si quid adversi infligitur, vestris meritis deputatur. Sed etsi aliqua nos quoque perstringunt, ut vobis coherentes lætamur magis recognitione divinarum prædicationum confirmantium scilicet fiduciam, & fidem spei nostræ. Si vero ab eis, quos colitis, omnia vobis mala eveniant nostri causa, quid

quid colere perseveratis tam ingratos, tam injustos? qui magis vos in dolorem Christianorum juvare, & asserere debu-
erant, quos separare deberent à meritis Christianorum.

CAP. XLII.

*Contra eos, qui infructuosos dice-
bant Christianos.*

SED alio quoque injuriarum titulo postulamus, & infructuosi in negotiis dicimur. Quo pacto homines vobiscum degentes, ejusdem victus, habitus, instructus, ejusdem ad vitam necessitatis? neque enim Brachmanæ, aut Indorum Gymnosophistæ sumus sylvicolæ, & exules vitæ. Meminimus gratiam nos debere Domino Deo creatori. Nul-
lum fructum operum ejus repudiamus, planè temperamus, ne ultra modum, aut perperam utamur. Itaque non sine foro, non sine macello, non sine balneis, tabernis, officinis, stabulis, mundinis vestris, cæterisque commerciis cohabitamus in hoc seculo. Navigamus & nos vobiscum, & militamus, & rusticamur, & mercamur, proinde miscemus artes, opera nostra publicamus usui vestro. Quomodo infructuosi videamur negotiis.

tiis vestris, cum quibus, & de quibus vivimus non scio. Sed si ceremonias tuas non frequento, attamen illa die homo sum. Non labor diluculo Saturnalibus, ne & noctem, & diem perdam. Attamen labor honesta hora, & salubri, quæ mihi & calorem, & sanguinem servet. Rigere, & pallere post lavacrum mortuus possum. Non in publico Liberalibus discumbo, quod bestiariis suprema coenantibus mos est. Attamen ubi ubi de copiis tuis coeno. Non emo capiti coronam. quid tua interest emptis nihilominus floribus quomodo utar? puto gratius esse liberis, & solutis, & undique vagis. Sed & si in coronam coactis, nos coronam naribus novimus, viderint qui per capillum odorantur. Spectaculis non convenimus; quæ tamen apud illos coetus venditantur si desideravero, libentius de propriis locis fumantur. Thura non eminus. Si Arabiæ queruntur, sciant Sabæi pluris, & carioris suas merces Christianis sepeliendis profligari, quam diis fumigandis. Certe inquitis, templorum vectigalia quotidie decoquunt. Stipes quotus quisque jam jactat? Non sufficimus & hominibus, & diis vestris mendicantibus opem ferre, nec putamus aliis quam pe-

tentibus

rentibus impertiendum. Denique porrigat manum Jupiter, & accipiat, cum interim plus nostra misericordia insumit viciatim, quam vestra religio templatim. Sed cætera vectigalia gratias Christianis agent ex fide dependentibus debitum, qua alieno fraudando abstinemus, ut si ineatur quantum vectigalibus pereat fraude, & mendacio vestrarum professionum, facile ratio haberi possit, unius speciei querela compensata pro commo cæterarum rationum.

CAP. XLIII.

Qui de Christianis conqueruntur.

Planè confitebor, qui conqueruntur. Nam si qui forte vere de sterilitate Christianorum conqueri possunt, primi erunt lenones, perductores, aquarioli, tum sicarii, venenarii, magi; item aruspices, arioli, mathematici. His instructuos esse magnus fructus est. Et tamen quodcumque dispendium est rei vestræ per hanc sectam cum aliquo præsidio compensari potest. Quantos haberis, non dico qui jam de vobis demonia excutiant, non dico jam qui pro vobis quoque vero Deo preces sternant, quia forte non creditis, sed a quibus nihil timere possitis?

CAP.

CAP. XLIV.

*Quantum nocumentum Respublica
patiatur ex morte Christianorum.*

AT enim illud detrimentum reipublicæ tam grande quam verum nemo circumspicit: illam injuriam civitatis nullus expendit, cum tot justi impendimur, cum tot innocentes erogamur. vestros enim jam contestamur auctus, qui quotidie judicandis custodiis præsidetis; qui sententiis elogia dispungitis. Tot à vobis nocentes variis criminum elogiis recensentur; quis illic fenerator? quis manicularius? quis facilegus? aut corruptor? aut lavantium prædo? quis ex illis etiam Christianus ascribitur? aut cum Christiani suo titulo offeruntur, quis ex illis etiam talis, quales tot nocentes? De vestris semper æstuat carcer: de vestris semper metalla suspirant: de vestris semper bestiae faginantur: de vestris semper munerarii noxiorum greges pascunt. Nemo illic Christianus, nisi planè tantum Christianus; aut si & aliud, jam non Christianus.

CAP. XLV.

*Quòd innocentia solùm in Christi-
anis reperiatur.*

NOS ergo soli innocentes. Quid mirum, si necesse est? Enimvero necesse est. Innocentiam à Deo edocti, & perfecte eam novimus, ut à perfecto magistro revelatam, & fideliter custodimus, ut ab in contemptibili dispensatore mandatam. Vobis autem humana æstimatio innocentiam tradidit, humana item dominatio imperavit. Inde nec plena, nec adeo timendæ essis disciplinæ ad innocentiam veritatem. Tanta est prudentia hominis ad demonstrandum bonum, quanta auctoritas ad exigendum; tam illa falli facilis, quàm ista contemni. Atque adeo quid plenius dicere non occides, an docere, ne irascaris quidem? Quid perfectius prohibere adulterium, an etiam ab oculorum solitaria concupiscentia arcere? quid eruditius de maleficio, an de maliloquio interdicere? quid instructius injuriam non permittere, an nec vicem injuriæ finire? dum tamen sciatis ipsas quoque leges vestras, quæ videntur ad innocentiam pergere, de divina lege, ut antiquiore

tiquiore forma mutatas. Diximus jam
de Mosis ætate. Sed quanta auctoritas
legum humanarum? quam illas etsi eva-
dere homini contingat, & plerunque in
admissis delitescere, & aliquando con-
temnere ex voluntate, vel necessitate
delinquendi, recogitata etiam brevitate
supplicii cujuslibet, non tamen ultra
mortem remansuri. Sic & Epicurus
omnem cruciatum, dolorémque depre-
ciat, modicum quidem contemptibilem
pronuntiando, magnum vero non diu-
turnum. enimvero nos qui sub Deo
omnium speculatore dispungimur, qui-
que æternam ab eo poenam provide-
mus, merito soli innocentia occurri-
mus, & pro scientia plenitudine, & pro
latebrarum difficultate, & pro magni-
tudine cruciatus non diuturni, verum
sempiterni, eum timentes, quem timere
debebit & ipse, qui timentes judicat,
Deum non proconsulem timentes.

CAP.

CAP. XLVI.

*Quòd Christiani debeant licentia
discipline philosophis adequari;
maximè, cum illi veritatem inte-
grè præsent, quam hi mimicè af-
fectant.*

Constituimus (ut opinor) adversus
omnium criminum intentionem,
que Christianorum sanguinem flagitat.
Ostendimus totum statum nostrum, &
quibus modis probare possumus ita esse,
sicut ostendimus, ex fide scilicet, & an-
tiquitate divinarum literarum. Item ex
confessione spiritalium potestatum. Quis
nos revincere audebit, non arte ver-
borum, sed eadem forma, qua proba-
tionem constituimus de veritate? Sed
dum unicuique manifestatur veritas
nostra, interim incredulitas dum de bo-
no sectæ hujus obducitur, quod usu jam,
& de commercio innotuit, non utique
divinum negotium existimat, sed magis
philosophiæ genus. eadem, inquit, &
philosophi monent, & profitentur, in-
nocentiam, justitiam, patientiam, sobri-
etatem, pudicitiam. Cur ergo quibus
comparamur de disciplina, proinde il-
lis non adæquamur ad licentiam, impu-
nita-

nitatēque disciplinæ? vel cur & illi,
ut pares nostri, non urgentur ad officia,
quæ nos non obeuntes periclitamur?
Quis enim philosophum sacrificare, aut
dejerare, aut lucernas meridie vanas pro-
ferre compellit? Quinimmo & Deos
vestros palam destruunt, & superstitiones
vestras commentariis quoque accu-
sant, laudantibus vobis. Plerique eti-
am in principes latrant sustinentibus vo-
bis, & facilius statuis, & salariis remu-
nerantur, quam ad bestias pronuncian-
tur; sed merito. Philosophi enim, non
Christiani cognominantur. Nomen hoc
Philosophorum dæmonia non fugat.
quidni? cum secundum Deos Philoso-
phi dæmonas deputent. Socratis vox
est, si dæmonium permittat. Idem &
cum aliquid de veritate sapiebat Deos
negans. Æsculapio tamen gallinaceum
prosecari jam in fine jubebat, credo ob
honorem patris ejus, quia Socratem A-
pollo sapientissimum omnium cecinit.
O Apollinem inconsideratum! Sapien-
tiæ testimonium reddidit ei viro, qui
negabat Deos esse. In quantum odio
flagrat veritas, in tantum qui eam ex
fide præstat, offendit. Qui autem a-
dulterat, & affectat, hoc maxime nomi-
ne gratiam pangit apud insectatores ve-
ritatis,

ritatis, qua illusores, & corruptores. Mimice Philosophi affectant veritatem, & affectando corrumpunt, ut qui gloriam captant. Christiani eam necessario appetunt, & integre præstant, ut qui salutis suæ curant, adeo neque de conscientia, neque de disciplina, ut putatis, æquamur. Quid enim Thales ille princeps Physicorum sciscitanti Croeso de divinitate certum renuntiavit, commeatus deliberandi sæpe frustratus? Deum quilibet opifex Christianus & invenit, & ostendit. Et exinde totum, quod adeo quæritur, re quoque assignat: licet Plato affirmet factitatore universitatis, neque inveniri facilem, & inventum enarrari in omnes difficilem. Cæterum si de pudicitia provocemus, lego partem sententiæ Atticæ in Socratem corruptorem adolescentium pronuntiatam. Sexum nec foemineum mutat Christianus. novi & Phrynen meretricem Diogenis supra recubantis ardorem subantem. Audio & quendam Speusippum de Platonis schola in adulterio perisse. Christianus uxori suæ soli masculus nascitur. Democritus excæcando semetipsum, quod mulieres sine concupiscentia aspicere non posset, & doleret, si non esset potitus, incontinentiam emendatione

datione proficitur. At Christianus salvis oculis foeminam videt, animo adversus libidinem cæcus est. Si de probitate defendam, ecce lutulentis pedibus Diogenes superbos Platonis toros alia superbia deculcat. Christianus nec in pauperem superbit. Si de modestia certem; ecce Pythagoras apud Thurios, Xenon apud Prienenses tyrannidem affectant, Christianus vero nec ædilitatem. Si de æquanimirate congregiar, Lycurgus *Σοκράτευσιν* optavit, quod leges ejus Lacones emendassent, Christianus etiam damnatus gratias agit. Si de fide comparem, Anaxagoras depositum hostibus denegavit; Christianus etiam extra fidelis vocatur. Si de simplicitate consistam, Aristoteles familiarem suum Hermiam turpiter loco excedere fecit; Christianus nec inimicum suum lædit. Idem Aristoteles tam turpiter Alexandro regendo potius adulatur, quàm Plato à Dionysio ventris gratia venditatur. Arisippus in purpura sub magna gravitatis superficie nepotatur, & Hippias, dum civitati insidias disponit, occiditur. Hoc pro suis omni atrocitate dissipatis, nemo unquam tentavit Christianus. Sed dicet aliquis, etiam de nostris excedere quosdam à regula disciplina.

ciplinæ. Desinunt tum Christiani haberi penes nos. Philosophi vero illi cum talibus factis in nomine, & in honore sapientiæ perseverant. Quid adeo simile Philosophus, & Christianus? Græciæ discipulus, & cœli? famæ negotiator, & vitæ? verborum, & factorum operator, & rerum ædificator, & destructor? amicus, & inimicus erroris, veritatis interpolator, & integrator, & expressor, & furator ejus & custos?

CAP. XLVII.

*Quòd omnes potaverint de Divino
sacra Literatura fonte.*

ANtiquior omnibus veritas (ni fallor) & hoc mihi proficit antiquitas perstructa divinæ literaturæ, quo facile credam thesaurum eam fuisse posteriori cuique sapientiæ. Et si non onus jam voluminis temperarem, etiam excurrerem in hanc quoque probationem. Quis poëtarum, quis sophistarum, qui non omnino de Prophetarum fonte potaverit? Inde igitur philosophi firim ingenii sui rigaverunt, ut quæ de nostris habent, ea nos comparent illis. Inde (opinor) & à quibusdam quoque ejecta philosophia, à Thebanis dico,

co, à Spartiatis, & Argivis, dum ad nostra conantur, & homines gloriæ (ut diximus) & eloquentiæ solius libidinosi, si quid in sanctis scripturis offenderunt, digestis, pro instituto curiositatis ad propria verterunt, neque satis credentes divina esse quo minus interpolarent, neque satis intelligentes, ut adhuc tunc subnubila, etiam ipsis Judæis obumbrata, quorum propria videbantur. Nam & si qua simplicitas erit veritatis, eo magis scrupulositas humana fidem aspernata mutabat, per quod incertum miscuerunt etiam quod invenerant certum. Inventum enim solummodo Deum, non ut invenerant, disputaverunt, ut & de qualitate, & de natura ejus, & de sede disceptent. Alii incorporalem asseverant, alii corporalem, ut tam Platonici quàm Stoici, alii ex atomis, alii ex numeris, sicut Epicurus, & Pythagoras, alii ex igne, qualiter Heraclito visum est. Et Platonici quidem curantem rerum; contra Epicurei otiosum, & inexercitum, & ut ita dixerim, neminem humanis rebus; positum vero extra mundum Stoici, qui figuli modo extrinsecus torqueat molem hanc; intra mundum Platonici, qui gubernatoris exemplo intra illud maneat, quod regat. Sic &

de ipso mundo natus, innatúsve sit, decessurus mansurúsve sit variant, sic & de animæ statu, quam alii divinam & æternam, alii dissolubilem contendunt, ut quis sensit, ita & intulit, aut reformavit. Nec mirum si vetus instrumentum ingenia philosophorum interverterunt. Ex horum semine & nostram hanc novitiam paraturam viri quidam suis opinionibus ad philosophicas sententias adulteraverunt, & de una via obliquos multos tramites, & inexplicabiles sciderunt. Quod ideo suggererim, ne cui nota varietas sectæ hujus in hoc quoque nos philosophis adæquare videatur, & ex varietatè defensionum judicet veritatem, expedit autem præscribimus adulteris nostris illam esse regulam veritatis, quæ veniat à Christo, transmissa per comites ipsius, quibus aliquanto posteriores diversi isti commentatores probabuntur. Omnia adversus veritatem de ipsa veritate constructa sunt operantibus æmulationem istam spiritibus erroris. Ab his adulteria hujusmodi salutaris disciplinæ suborta, ab his quædam etiam fabulæ immissæ, quæ de similitudine fidem infirmarent veritatis, vel etiam, si possent, evincerent, ut quis ideo non putet Christianis credendum, quia

quia nec poetis, & philosophis, vel ideo magis poetis, & philosophis existimet credendum, quia non Christianis. Itaque & ridemur Deum prædicantes judicaturum. Sic enim & poetæ, & philosophi tribunal apud inferos ponunt. Si gehennam comminemur, quæ est ignis arcani subterraneus ad poenam thesaurus, proinde decachinnamur. Sic enim & Pyriphlegethon apud mortuos annis est; & si paradisum nominemus locum divinæ æmœnitatis recipiendis sanctorum spiritibus destinatum, maceria quadam igneæ illius zonæ à noticia orbis communis segregatum, Elysii campi fidem occuparunt. Unde hæc oro vos, philosophis, aut poetis tam consimilia? non nisi de nostris sacramentis. Si de nostris sacramentis, ut de prioribus? Ergo fideliora sunt nostra magisque credenda, quorum imagines quoque fidem inveniunt. Si de suis sensibus, ergo jam sacramenta nostra imagines posteriorum habebuntur, quod rerum forma non sustinet. nunquam enim corpus umbra, aut veritatem imago præcedit.

CAP. XLVIII.

De resurrectione Corporum.

AGE jam si quis philosophus affirmet, ut ait Laberius, de sententia Pythagoræ, hominem fieri ex mulo, colubrum ex muliere, & in eam opinionem omnia argumenta eloquii virtute detorserit, nonne & sensum movebit, & fidem infiget etiam ab animalibus abstinendi? Propterea persuasum quis habeat, ne forte bubulam de aliquo proavo suo opsonet. At enim Christianus, si de homine hominem, ipsumque de Caio Caium reducem repromittat, lapidibus magis, nec saltem cædibus à populo exigetur? si quæcunque ratio præest animarum humanarum reciprocandarum in corpora, cur non in eandem substantiam redeant, cum hoc sit restitui, id esse quod fuerat? Jam non ipsæ sunt, quæ fuerant, quia non poterunt esse quod non erant, nisi desinant esse quod fuerant. Multis etiam locis ex otio opus erit, si velimus ad hanc partem lascivire. Quis inquam bestiam reformari vidit? sed de nostra magis defensione, qui proponimus multo utique dignius credi hominem ex homine

mine rediturum, quemlibet pro quolibet, dum eadem qualitas animæ in eandem restauretur conditionem, & si non effigiem, certe quia ratio restitutionis destinatio iudicii est, necessario idem ipse, qui fuerat, exhibebitur, ut boni, seu contrarii meriti iudicium, à Deo referat. Ideoque repræsentabuntur, & corpora, quia neque pati quicquam potest anima sola sine materia stabili, id est carne; Et quod omnino de iudicio Dei pati debent animæ, non sine carne meruerunt, intra quam omnia egerunt. Sed quomodo, inquis. dissoluta materia exhiberi potest? Considera temetipsum ô homo, & fidem rei invenies. Recogita quid fueris antequam esses, utique nihil, meminisses enim, siquid fuisses. Qui ergo nihil fueras, prius quàm esses, idem nihil factus cum esse defueris, cur non posses esse rursus de nihilo ejusdem ipsius auctoris voluntate, qui te voluit esse ex nihilo? Quid novi tibi eveniet? qui non eras, factus es; cum iterum non eris, fies. Redde rationem, si potes, qua factus es, & tunc require qua fies. Et tamen facilius utique fies, quod fuisti aliquando, quia æque non difficile factus es, quod nunquam fuisti aliquando. Dubitabitur, credo, de Dei

viribus, qui tantum corpus hoc mundi de eo, quod non fuerat, non minus quàm de morte vacationis, & inanitatis, imposuit animatum spiritu omnium animarum animatore, signatum & ipsum humanæ resurrectionis exemplum in testimonium nobis. Lux quotidie interfecta resplendet, & tenebræ pari vice decedendo succedunt, sidera defuncta vivescunt, tempora ubi finiuntur, incipiunt, fructus consummantur, & redeunt, certe semina non nisi corrupta, & dissoluta foecundius surgunt, omnia pereundo servantur, omnia de interitu reformantur. Tu homo tantum nomen, si intelligas te, vel de titulo Pythiæ discens Dominus omnium morientium, & resurgentium, ad hoc morieris, ut pereas ubicunque resolutus fueris, quæcunque te materia destruxerit, hauserit, abolerit, in nihilum prodegerit, reddet te. ejus est nihilum ipsum, cujus & totum. Ergo, inquitis, semper moriendum erit, & semper resurgendum. Si ita rerum Dominus destinasset, ingratis experireris conditionis tuæ legem. At nunc non aliter destinavit, quàm prædicavit, quæ ratio universitatem ex diversitate composuit, ut omnia æmulis substantiis sub unitate constarent ex vacuo,

euo, & solido, ex animali, & inanimabili, ex comprehensibili, & incomprehensibili, ex luce, & tenebris, ex ipsa vita, & morte, eadem ævum quoque ita destinata ac distincta conditione conseruit, ut prima hæc pars ab exordio rerum quam incolimus, temporali ætate ad finem defluat: sequens vero, quam expectamus, in infinitam æternitatem propageretur. Cum ergo finis, & limes medius, qui interhiat, affuerit, ut etiam mundi ipsius species transferatur æque temporalis, quæ illi dispositioni æternitatis aulæi vice oppansa est, tunc restituetur omne humanum genus ad expungendum, quodd in isto ævo boni, seu mali meruit, & exinde in immensam æternitatis perpetuitatem. Ideoque nec mors jam, nec rursus ac rursus resurrectio, sed erimus iidem, qui nunc, nec alii post: Dei quidem cultores apud Deum semper, superinduti substantia propria æternitatis. Profani vero, & qui non integri apud Deum, in poenæ æque jugis ignis, habentes ex ipsa natura ejus divinam scilicet subministrationem incorruptibilitatis. Noverunt & Philosophi diversitatem arcani, & publici ignis. Ita longe alius est qui usui humano, alius, qui judicio Dei apparet,

sive de coelo fulmina stringens, sive de terra per vertices montium eructans, non enim assumit, quod exurit, sed dum erogat, reparat. Adeo manent montes semper ardentes, & qui de coelo tangitur saluus est, ut nullo jam igni decinerescat. Et hoc erit testimonium ignis æterni. Hoc exemplum jugis iudicii poenam nutrientis. Montes uruntur, & durant. Quid nocentes, & Dei hostes?

CAP. XLIX.

Quòd in Christianis præsumptiones vocantur, quæ in philosophis & poetis summa scientiæ.

HÆC sunt, quæ in nobis solis præsumptiones vocantur, in philosophis & poëtis summæ scientiæ, & insignia ingenia. Illi prudentes, nos inepti. Illi honorandi, nos irridendi. immo eo amplius & puniendi. Falsa nunc sint, quæ tuemur, & merito præsumptiones, attamen necessaria; inepta, attamen utilia. Siquidem meliores fieri coguntur, qui eis credunt metu æterni supplicii, & spe æterni refrigerii. Itaque non expedit falsa dici, nec inepta haberi, quæ expedit vera præsumi. Nullo titulo

titulo damnari licet quæ profunt omnino. In vobis itaque præsumptio est hæc ipsa, quæ damnat utilia. Proinde nec inepta esse possunt. certe & si falsa, & inepta, nulli tamen noxia, nam & multis aliis similia, quibus nullas poenas irrogatis, vanis, & fabulosis, inaccusatis, & impunitis, ut innoxiiis. Sed in ejusmodi error si utique irrisioni judicandum est, non gladiis, & ignibus, & crucibus, & bestiis, de qua iniquitate sævitæ non modo cæcum hoc vulgus exultat, & insultat, sed & quidam vestrum quibus favor vulgi de iniquitate captatur, gloriantur, quasi non totum, quod in nos potestis, nostrum sit arbitrium. Certe, si velim Christianus sum, tunc ergo me damnabis, si damnari velim. Cum vero quod in me potes, nisi velim, non potes, jam meæ voluntatis est, quod potes, non tuæ potestatis. Proinde & vulgus vane de nostra vexatione gaudet. Proinde enim nostrum est gaudium, quod sibi vindicant, qui malumus damnari, quam à Deo excidere. Contra illi, qui nos oderunt, dolere non gaudere debebant consecutis nobis quod elegimus.

CAP. L.

De victoria Christianorum in suppliciis.

ERgo, inquitis, cur querimini, quod vos insequamur, si pati vultis, cum diligere debeatis, per quos patimini? quod vultis, plane volumus pati; verum eo more, quo & bellum miles. Nemo quippe libens patitur, cum & trepidare, & periclitari sit necesse, tamen & præliatur omnibus viribus, & vincens in prælio gaudet, qui de prælio querebatur, quia & gloriam consequitur, & prædam. Prælium est nobis, quod provocamur ad tribunalia, ut illic sub discrimine capitis pro veritate certemus. Victoria est autem pro quo certaveris, obtinere. Ea victoria habet & gloriam placendi Deo, & prædam vivendi in æternum. Sed obducimur certe, cum obtinuimus, ergo vicimus, cum occidimur, denique evadimus, cum obducimur. Licet nunc sarmenticios, & semarios appelletis, quia ad stipitem dimidii axis revincti sarmentorum ambitu exurimur. Hic est habitus victoriæ nostræ. Hæc palmata vestis. Tali curru triumphamus. Merito itaque victis non placemus.

placemus. Propterea enim desperati,
& perditī existimamur. Sed hæc de-
speratio, & perditio penē vos in causa
gloriæ, & famæ vexillum virtutis ex-
tollunt. Mutius dextram suam libens
in ara reliquit. O sublimitas animi!
Empedocles totum sese Catanensium Æt-
næis incendiis donavit. O vigor men-
tis! Aliqua Carthaginis conditrix ro-
go se secundum matrimonium dedit. O
præconium castitatis! Regulus ne unus
pro multis hostibus viveret, toto cor-
pore cruces patitur. O virum fortem,
& in captivitate victorem! Anaxarchus
cum in exitum Prisanæ pilo contunde-
retur; tunde, tunde, aiebat, Anaxar-
chi follem, Anaxarchum enim non tun-
dis. O philosophi magnanimitatem,
qui tali de suo exitu etiā jocabatur!
Omitto, qui cum gladio proprio, aliō-
ve genere mortis mitiore de laude pe-
pigerunt. Ecce enim & tormentorum
certamina coronantur à vobis. Attica
meretrix carnifice jam fatigato, postre-
mo linguam suam commestam in faci-
em tyranni savientis expuit, ut expueret
& vocem, ne conjuratos confiteri posset,
si etiam victa voluisset. Zeno Eleates
consultus à Dionysio, quidnam Philo-
sophia præstaret, cum respondisset con-
temptum.

temptum mortis, impassibilibus flagellis tyranni objectus, sententiam suam ad mortem usque signabat. Certe Lacorum flagella sub oculis etiam hortantium propinquorum acerbata tantum honorem tolerantiae domui conferunt, quantum sanguinis fuderint. O gloriam licitam, quia humanam, cui nec praesumptio perdita, nec persuasio desperata reputatur in contemptu mortis, & atrocitatis omnimodae, cui tantum pro patria, pro imperio, pro amicitia pati permissum est, quantum pro Deo non licet ! Et tamen illis omnibus & statuas defunditis, & imagines inscribitis, & titulos inciditis in aeternitatem : quantum de monumentis potestis scilicet praestatis & ipsis quodammodo mortuis resurrectionem. Hanc qui veram à Deo sperat, si pro Deo patiatur, insanus est. Sed hoc agite boni praesides, meliores multo apud populum, si illis Christianos immolaveritis. Cruciate, torquete, damnate, atterite nos. Probatio est enim innocentiae nostrae iniquitas vestra. Ideo nos haec pati Deus patitur. Nam & proxime ad leonem damnando Christianam, potius quam ad leonem, confessi estis labem pudicitiae apud nos atrociorē omni poena, & omni morte reputari.

tari. nec quicquam tamen proficit exquisitior quæque crudelitas vestra, illecebra est magis sectæ. Plures effici-mur, quoties metimur à vobis. semen est sanguis Christianorum. Multi apud vos ad tolerantiam doloris, & mortis hortantur, ut Cicero in Tusculanis, ut Seneca in Fortuitis, ut Diogenes, ut Pyrrhon, ut Callinicus. Nec tamen tantos inveniunt verba discipulos, quantos Christiani factis docendo. Illa ipsa obstinatio, quam exprobratis, magistra est. Quis enim non contemplatione ejus concutitur ad requirendum quid intus in re sit? Quis non ubi requisivit, accedit? ubi accessit, pati exoptat? ut Dei gratiam redimat, ut omnem veniam ab eo compensatione sanguinis sui expediat? omnia enim huic operi delicta donantur. Inde est, quod ibidem sententiis vestris gratias agimus, ut est æmulatio divinæ rei, & humanæ, cum damnamur à vobis, à Deo absolvimur.

F I N I S.

201

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

1900-1901

Q. SEPTIMII FLORENTIS
TERTULLIANI
A D
SCAPULAM
LIBER.



CANTABRIGIÆ,
Ex Officina Johannis Hayes.



ARGUMENTUM.

Quum suo Apologetico Romam
misso, adeò nihil se profecisse vi-
deret Tertullianus, ut Scapula
Africae Præses Carthagini cæ-
teris crudeliùs in Christianos
grassaretur, Hunc Libellum ve-
lut deprecationum ad illum
miser.





Q. SEPTIMII FLORENTIS
 TERTULLIANI
 A D
 SCAPULAM
 LIBER.

CAP. I.

Praefatio ad Scapulam.

NOS quidem neque expa-
 vescimus, neque perti-
 mescimus ea, quæ ab ig-
 norantibus patimur: cum
 ad hanc sectam utique
 susceptâ ejus conditione, pacti venerimus,
 ut etiam animas nostras auctoritati in
 has pugnas accedamus, ea quæ Deus
 repromittit, consequi optantes; & ea
 quæ diversæ vitæ comminatur, pati ti-
 mentes.

mentes, Denique cum omni sævitia vestra concertamus, etiam ultrò erumpentes: magisq̃ue damnati, quam absoluti, gaudemus. Itaque hunc Libellum non nobis timentes misimus, sed vobis & omnibus inimicis nostris, nedum amicis: ita enim disciplinâ jubemur diligere inimicos quoque, & orare pro eis qui nos persequuntur: ut hæc sit perfecta & propria bonitas nostra, non communis. Amicos enim diligere, omnium est; inimicos autem, solum Christianorum. Qui ergo dolemus de ignorantia vestra, & miseremur erroris humani, & futura prospicimus, signa eorum quotidie intentari videmus; necesse est vel hoc modo erumpere ad proponenda vobis ea quæ palàm non vultis audire.

CAP. II.

De Christianorum innocentia.

NOS unum Deum colimus, quem omnes naturaliter nostis, ad cuius fulgura & tonitrua contremiscitis, ad cuius beneficia gaudetis. Ceteros & ipsi putatis Deos esse, quos nos Dæmonas scimus. Tamen humani juris & naturalis potestatis est, unicuique quod puta-

putaverit, colere; nec alii obest, aut prodest alterius religio. Sed nec religionis est cogere religionem, quæ sponte suscipi debeat, non vi: & cum hostiæ ab animo libenti exposculentur. Ica etsi nos compuleritis ad sacrificandum, nihil præstabitis Diis vestris; ab invicis enim sacrificia non desiderabunt, nisi contentiosi sint: contentiosus autem Deus non est. Denique qui est verus, omnia sua ex æquo, & profanis, & suis præstat. Ideoque & iudicium constituit æternum de gratis & ingratis. Tamen nos, quos sacrilegos existimatis, nec in furto unquamprehendistis, nec dum in sacrilegio, Omnes autem qui templa despoliant, & per Deos jurant, & eosdem colunt, & Christiani non sunt, & sacrilegi tandemprehenduntur. Longum est, si retexamus quibus aliis modis, & derideantur & contemnantur omnes Dii ab ipsis cultoribus suis. Sic & circa Majestatem Imperatoris infamamur, tamen nunquam Albiniani, nec Nigriani, vel Cassiani inveniri potuerunt Christiani: sed iidem ipsi, qui per genios in pridie usque juraverant, qui pro salute eorum hostias & fecerant & voverant, qui Christianos sæpe damnaverant, hostes eorum sunt reperti. Christianus

stianus nullius est hostis, nedum Imperatoris: quem sciens à Deo suo constitui, necesse est ut & ipsum diligat, & revereatur, & honoret, & saluum velit, cum toto Romano Imperio, quousque seculum stabit; tamdiu enim stabit. Colimus ergo & Imperatorem sic, quo modo nobis licet, & ipsi expedit, ut hominem à Deo secundum, & quicquid est, à Deo consecutum, & solo Deo minorem. Hoc & ipse volet. Sic enim omnibus major est, dum & ipsi in potestate sunt ejus. Itaque & sacrificamus pro salute Imperatoris, sed Deo nostro & ipsius: sed quomodo præcepit Deus, purâ prece. Non enim eget Deus conditor universitatis, odoris, aut sanguinis alicujus. Hæc enim dæmoniorum pabula sunt. Dæmonas tamen non tantum respuimus, verum & revincimus, & quotidie traducimus, & de hominibus expellimus, sicut plurimis notum est. Ita nos magis oramus pro salute Imperatoris, ab eo eam postulantes, qui præstare potest. Et utique ex disciplina patientiæ divinæ agere nos satis manifestum esse vobis potest, cum tanta hominum multitudo, pars pene major civitatis cujusque, in silentio & modestiâ agimus, singuli fortè noti magis quam

quàm omnes, nec aliunde noscibiles
quàm de emendatione vitiorum pristi-
norum. Absit enim ut indignè feramus
ea nos pati quæ optamus, aut ultionem
à nobis aliquam machinemur, quam à
Deo expectamus.

C A P. III.

*Quòd nulla civitas impune latura
sit Christiani sanguinis effusi-
onem.*

TAmen (ut suprà diximus) dolea-
mus necesse est, quòd nulla civitas
impune latura sit sanguinis nostri effusio-
nem : sicut & sub Hilariano præside, cum
de areis sepulturarum nostrarum adcla-
massent, Areæ non sint, Areæ ipsorum
non fuerunt. Messes enim suas non e-
gerunt. Cæterùm & imbre anni præ-
teriti, quid commeruerit genus huma-
num, apparuit : cataclysmum scilicet &
retro fuisse propter incredulitatem &
iniquitates hominum. Et ignes, qui su-
per moenia Carthaginis proximè pe-
penderunt per noctem quid minati sint,
sciunt qui viderunt, & pristina tonitrua
quid sonayerint, sciunt qui obduruerunt.
Omnia hæc signa sunt imminantis iræ
Dei,

Dei, quam necesse est quomodo possumus, ut & annuntiemus, & prædicemus, & deprecemur, interim localem esse. universalem enim & supremam suo tempore sentient, qui exempla ejus aliter interpretantur. Nam & Sol ille in conventu Uticensi extincto penè lumine adeò portentum fuit, ut non potuerit ex ordinario deliquio hoc pati, positus in suo hypsomate & domicilio. Habetis Astrologos. Possumus æquè & exitus quorundam Præsidum tibi proponere, qui in fine vitæ suæ recordati sunt deliquisse, quòd vexassent Christianos. Vigellius Saturninus, qui primus gladium in nos egit, lumina amisit. Claudius Herminianus in Cappadocia, cum indignè ferens uxorem suam ad hanc sectam transisse, Christianos crudeliter tractasset, solusque in Prætorio suo vastatus pelle, cum vivus vermibus ebullisset; Nemo sciat, aiebat, ne spe gaudeant Christiani. Postea errore cognito suo, quòd tormentis quosdam à proposito suo excidere fecisset, penè Christianus decessit. Cæcilius Cappella in illo exitu Byzantino, Christiani gaudete, exclamavit. Sed qui videntur sibi impunè tulisse, venient in diem divini judicii. Tibi quoque optamus

tamus admonitionem solam fuisse, quòd cum A drumeticum Mavilam ad bestias damnasses, & statim hæc vexatio subsecuta est, & nunc ex eadem causa, hæc interpellatio sanguinis. Sed memento de cætero.

C A P. IV.

Quòd possit iudex officio jurisdictionis suæ fungi, & humanitatis meminisse.

NON te terremus, qui nec time-
mus : sed velim ut omnes salvos
facere possimus monendo, *μὴ δρομα-
χεῖν*. Potes & officio jurisdictionis
tuæ fungi, & humanitatis meminisse :
vel quia & vos sub gladio estis. Quid
enim amplius tibi mandatur, quàm no-
centes confessos damnare, negantes au-
tem ad tormenta revocare ? Videtis er-
go quomodo ipsi vos contra mandata
faciatis, ut confessos negare cogatis.
Adeo confitemini innocentes esse nos,
quos damnare statim ex confessione non
vultis. Si autem contenditis ad eliden-
dos nos, jam ergo innocentiam expug-
natis. Quanti autem Præsides & con-
stantiores & crudeliores, dissimulave-
runt ab hujusmodi causis ? ut Cincius

G

Seve-

Severus, qui Thristri ipse dedit remedium quomodo responderent Christiani, ut dimitti possent : ut Vespronius Candidus, qui Christianum, quasi tumultuosum, civibus suis satisfacere, dimisit : ut Asper, qui modicè vexatum hominem, & statim dejectum, nec sacrificium compulit facere, antè professus inter Advocatos & Assessores, dolere se incidisse in hanc causam. Pudens etiam missum ad se Christianum, in elogio concussione ejus intellectà, dimisit, scisso eodem elogio, sine accusatore negans se auditurum hominem, secundum mandatum. Hæc omnia tibi & de officio suggeri possunt, & ab eisdem Advocatis, qui & ipsi beneficia habent Christianorum, licet adclament quæ volunt. Nam & cujusdam notarius cum à Dæmone præcipitaretur, liberatus est : & quorundam propinquus & puerulus. Et quanti honesti viri (de vulgaribus enim non dicimus) aut à Dæmoniis, aut valetudinibus remediati sunt ? Ipse etiam Severus pater Antonini, Christianorum memor fuit. Nam & Proculum Christianum, qui Torpacion cognominabatur, Euhodæ procuratorem, qui eum per oleum aliquando curaverat, requisivit, & in Palatio

Palatio suo habuit usque ad mortem ejus: quem & Antoninus optimè no-
verat, lacte Christiano educatus. Sed
& clarissimas foeminas, & clarissimos
viros, Severus sciens hujus sectæ esse,
non modò non læsit, verùm & testimo-
nio exornavit, & populo furenti in nos
palàm restitit. Marcus quoque Aure-
lius in Germanica expeditione Christi-
anorum militum orationibus ad Deum
factis, imbres in siti illâ impetravit.
Quando non geniculationibus & jeju-
nationibus nostris etiam siccitates sunt
depulsæ? Tunc & populus adclamans
Deo deorum, & qui solus potens, in
Jovis nomine Deo nostro testimonium
reddidit. Præter hæc, depositum non
abnegamus, Matrimonium nullius adul-
teramus, Pupillos piè tractamus, Indi-
gentibus refrigeramus, Nulli malum
pro malo reddimus. Viderint qui se-
ctam mentiuntur, quos & ipsi recusa-
mus. Quis denique de nobis alio no-
mine quæritur? Quid aliud negotium
patitur Christianus, nisi suæ sectæ?
quam incestam, quam crudelem, tanto
tempore nemo probavit? Pro tanta in-
nocentia, pro tanta probitate, pro justitia,
pro pudicitia, pro fide, pro veritate,
pro Deo vivo cremamur. quod nec

sacrilegi, nec hostes publici veri, nec tot majestatis rei pati solent. Nam & nunc à Præsìde Legionis, & à Præsìde Mauritaniæ vexatur hoc nomen, sed gladio tenus, sicut & à primordio mandatum est animadverti in hujusmodi. Sed majora certamina, majora sequuntur præmia.


CAP. V.

Quòd Christianis parcendum vel ob multitudinem.

CRudelitas vestra, gloria est nostra. Vide tantùm ne hoc ipso, quòd talia sustinemus, ad hoc solum videamur erumpere, ut hoc ipsum probemus, nos hæc non timere, sed ultrò vocare. Arrius Antoninus in Asia cùm persequeretur instanter, omnes illius civitatis Christiani ante tribunalia ejus se manu factâ obtulerunt : cùm ille paucis duci jussis, reliquis ait, *ὦ δειλοὶ, εἰ δέλετε ἀποθνήσκειν, κρημνὸς ἢ βέλος ἔχετε.* Hoc si placuerit & hîc fieri, quid facias de tantis millibus hominum, tot viris ac foeminis, omnis sexûs, omnis ætatis, omnis dignitatis, offerentibus se tibi? Quantis ignibus, quantis gladiis opus erit? Quid ipsa

ipia Carthago passura est decimanda à te, cùm propinquos, cùm contubernales suos illic unusquisque cognoverit; cùm viderit illic fortasse & hâc ordinis viros, & matronas, & principales quasque personas, & amicorum tuorum vel propinquos, vel amicos. Parce ergo, si tibi, non nobis. Parce Carthagini, si non tibi. Parce provinciæ quæ visâ intentione tuâ obnoxia facta est concussionibus & militum & inimicorum suorum cujusque. Magistrum neminem habemus, nisi Deum solum. Hic ante te est, nec abscondi potest, sed cui nihil facere possis. Cæterum quos putas tibi magistros, homines sunt, & ipsi morituri quandoque. Nec tamen deficiet hæc secta, quam tunc magis ædificari scias, cùm cædi videtur. Quisque enim tantam tolerantiam spectans, ut aliquo scrupulo percussus, & inquirere accenditur, quid sit in causa; & ubi cognoverit veritatem, & ipse statim sequitur.

Finis Libri ad Scapulam.



M.
MINUCII
FELICIS
OCTAVIUS.



CANTABRIGIÆ,
Ex Officina Johannis Hayes.

9
C
n
C
n
a
9



P R Æ F A T I O

FR. BALDUINI

I N

M. MINUCII

FELICIS OCTAVIUM

L E C T O R I.

U^T hunc sive Libellum,
sive Dialogum, qui
multis jam seculis fal-
sò creditus est, dictus-
que esse octavius Arnobii adversus
Gentes, & inscriberem, & esse pla-
nè liquidòque affirmarem M. Minu-
cii Felicis OCTAVIUM, facile
mihi persuaserunt duo & boni &
antiqui, & graves testes auctores-
que, Lactantius atque Hieronymus.

Præfatio Fr. Balduini

Ille enim suarum Institutionum Lib. 1. Cap. 11. citat Minucium Felicem in eo, ut ait, libro, qui OCTAVIUS inscribitur: & ex eo verba quadam descripta recitat, quæ non patiuntur nos aut alium aliquem, aut alterius cujusquam OCTAVIUM fingere. Idem lib. 5. cap. 1. loquens de Christianorum, quos legerat, eloquentiâ, primo loco hunc Minucium laudat. Minucius (inquit) Felix, non ignobilis inter causidicos loci fuit. Hujus liber cui OCTAVIUS titulus est, declarat, quàm idoneus veritatis assertor esse potuisset, si se totum ad id studium contulisset. Testis alter est Hieronymus, qui hunc (sicut ipse fatetur) Lactantium secutus, in Catalogo scriptorum Ecclesiasticorum ait: Minucius Felix Romæ insignis causidicus scripsit Dialogum Christiani & Ethnici disputantium, qui OCTAVIUS inscribitur. Idem
in

in M. Minuc. Felic. Octav.

in epist. ad Magnum Oratorem Roman. Minucius (inquit) Felix causidicus Romani fori, in libro cui titulus OCTAVIUS est, quid Gentilium Scripturarum dimisit intactum? Jam autem non esse hunc librum Arnobii, satis patet, cum Minucii esse apparet. Et verò quod Hieronymus in eadem epistola subjicit, indicare alioqui poterat Arnobii non esse, cum quidem non nisi septem, qui etiamnum extant, libros adversus Gentes Arnobium scripsisse testetur. Cumque alterum quendam librum Minucio nostro falso inscriptum fuisse narret, tantò miror doleoque magis, hunc qui ejus erat unicus καὶ ὕμνος, fuisse illi surreptum, alterique non domino iniuste ascriptum: ut & plagio & partu supposito facta nostro Minucio duplex injuria esse videatur. Sed hæc frequens est querela de librariorum nihil non temerè miscentium facinoribus. Fortasse, ut
hunc

Præfatio Fr. Balduini

hunc libellum Arnobio quidam ascriberent, quadam styli & argumenti similitudo, quæ imperitos persapè fallit, fecit: & cum legerent OCTAVIUM, statim somniarunt octavum aliquem esse librum. Ridiculè profecto & ineptè. Saltem Arnobio perpetuâ oratione utenti, Dialogum temerè ascribendum non esse cogitassent. Verùm inscitia tam ceca, quàm confidens est audacia.

Sanè Hieronymus scribit, Nepotianum suum tam in scriptoribus Ecclesiasticis diligenter versatum fuisse, ut si quid ex iis proferretur, statim agnosceret atque discerneret, quid Tertulliani, quid Cypriani, quid Lactantii, quid Minucii, quid Victorini, quid Arnobii esset. Ceterùm tantò magis miror Erasmus eo loco, illum dico Erasmus, hominem acerrimo judicio præditum, & talium scriptorum minimè obtusum censorem, annotasse, hujus Minucii nihil nunc extare.

Cujus

in M. Minu. Felic. Octav.

Cujus potissimum Imperatoris temporibus Romæ vixerit noster Minucius, nondum mihi satis liquet. Hieronymus in suo Catologo, quo scriptores Ecclesiasticos, eo quo vixerunt ordine recensere videtur, illum Origeni proximum, Cypriano priorem fuisse, obscure significat. Sed ejus alioqui vel seculum vel ætatem non indicat. Certè in Cypriani de idolorum vanitate libello plurima sunt, quæ totidem verbis in Octavio Minucii leguntur : necesse ut sit, aut hunc ab illo, aut illum ab hoc ea sumpsisse.

Hieronymus verò in Epistola ad Magnum, loquens de Latinis scriptoribus Ecclesiæ, etsi Minucium ante Cyprianum laudet, tamen illam de idolis Orationem ascribere Cypriano magis videtur. Sed & in Apologia pro suis adversus Jovinianum libris, primo loco Tertullianum, secundo Cyprianum, tertio Minucium commemorat. Sabellicus, sed sine teste,

Præfatio Fr. Balduini

teste, affirmat eum Romæ floruisse, quo tempore Urbanus ibi erat Episcopus : hoc est, temporibus Alexandri Severi Imperatoris. Si ita esset, esset Minucius antiquior Cypriano, aqualis Tertulliano, nostrisque adeo juriscons. Ulpiano & Paulo. Verum etsi posteriorem fuisse credam, tamen proximè illa tempora secutum esse existimo : nostra verò non attingere nisi intervallo longissimo, hoc est, annorum prope M. CCC.

Minuciam gentem olim Romæ nobilem fuisse memini, in qua quatuor Consules Minucii Augurini intra annos quadraginta numerari possunt. Sed & Minucios Rufos, & Minucios Thermos in Fastis Consularibus lego. Denique & Minucius Fundanus Asiæ Præses fuit illustris, ad quem Adrianus Imperator non iniquam de Christianis legem misit : ut jam nihil dicam de eo, cujus in Epistolis meminit Plinius, vel quem ille noster laudat
Juli-

in M. Minu. Felic. Octav.

*Julianus, cujus ad Minucium N-
talem libri de jure Civili lau-
dantur.*

*His vero omnibus unum Minu-
cium Felicem, etsi non fuerit ejus-
dem aut gentis aut familiae, facile
antepono, etate quidem posteriorem,
doctrinâ tamen, virtute, & (quod
primo loco numerandum est) pie-
tate multò superiorem. Fuit enim
non modò Jurisconsultus magnus,
& excellens suo tempore orator :
sed & (quod majus est) fuit se-
riò Christianus. Afrum fuisse su-
spicor, licèt id affirmare non ausim.
Certè Frontonis Cirtensis (Cirta
autem fuit nobilissima Numidia ci-
vitas, cujus & in Pandectis men-
tio fit) ita meminit, ut in Africa
versatum se esse significet. Estque
genus dicendi scribendique secutus,
quale Afri illi, Tertullianus, Cy-
prius, Arnobius : ut jam de po-
sterioribus non loquar, quos eadem
olim aluit Africa, illa (inquam)
felix*

Præfatio Fr. Balduini

*fœlix fœcundaque Africa, quæ ut
semper aliquid novi proferre di-
cebatur, sic etiam religionis nostræ
vindices & patronos doctissimos ac-
cerrimòsque protulit, & ad ipsius
quoque Romanæ Ecclesiæ præsidium
atque defensionem emisit. Nam
& ex eadem Africa prodibant ho-
stes minimè ignavi, neque improbi
minùs, quàm vehementes calumni-
atores. Qualis (ne longius abe-
am) fuit ille, cujus jam memini,
Fronto : quem quidem tam impu-
dentem Rhetorem, quàm impium
Christianorum adversarium fuisse,
ex Minucio intelligemus. Nolle
hunc fuisse Papirium Frontonem
Jurisconsultum, qui in Pandectis
laudatur. Suspicio potius fuisse
Cornelium Frontonem Rhetorem :
quem Capitolinus narrat fuisse præ-
ceptorem M. Antonini Philosophi
Imper. & ex cujus etiam Schola O-
ratoria accepimus prodiisse illum
nostrum Militonem, qui ad Chri-
stianorum*

in M. Minu. Felic. Octav.

stianorum defensionem Eloquentiam suam convertit : ut quod illis impius præceptor probrum aspererat maledicendo, bonus Discipulus abstergeret respondendo.

*Minucium nostrum Romæ causas egisse, paulò ante ex Lactantio & Hieronymo dictum est : neque hoc ipse dissimulat, cùm vindemiarum feriis curam judiciariam sibi remissam fuisse narrat. Sic enim & Ulpianus in Pandectis lib. 1. de fer. scribit, M. Antonini Imperat. oratione expressum fuisse, ne quis messium aut vindemiarum tempore adversarium cogeret ad iudicium venire. Sicuti & Suetonius narrat Augustum statuisse, ne Septembri Octobrive mense necesse esset in Senatum venire. Imò verò & ipse Cyprianus, tanquam alter Minucius, in sua Epistola ad Donatum, meminit ejus temporis, quo (ut ait) indulgente vindemiâ solutus animus in quietem, solennes & statas anni
fati-*

Præfatio Fr. Balduini

fatigantis inducias sortitur. Ac tum quidem secessus amœnos captare se ait, ubi de rebus divinis cogitet. Non dissimilis est narratio nostri Minucii. Felices verò illæ feriæ, quibus à foro subselliisque abductus nobilissimus causidicus est, ad religiosam sive commentationem, sive disputationem. Cicero, quod ab nostro Scaevola accepit, narrat Læliam cum Scipione solitum esse rusticari: eosque incredibiliter reputerascere esse solitos, cum rus ex Urbe tanquam ex vinculis evolassent: conchas etiam & umbilicos ad Cajetam & ad Lucrinum legere consueisse, & ad omnem animi remissionem ludumque descendere. Ejus verò exempli statim mihi in mentem venit, cum Minucium audirem relicto strepitu forensi, cum suo Octavio rusticari, & in littore Ostiensi suaviter spectare puerilem, quem describit, ludum. Sed cum deinde audio, quàm in illo secessu

&

in M. Minu. Felic. Octav.

& gravis & seria de religione disputatio fuerit, & quale sit in deserto fornice concilium; sentio nunquam coactum Romæ fuisse Senatum majori de re: nullumque forum, urbem nullam, nullum negotium, illi sive otio sive solitudini prætulerō: sapiūsq; ut Jurisconsulti eo modo feriari, secedere atque rusticari aliquando velint, optare cogor. An in eorum animos cadere non potest sancta aliqua & religiosa, & Secreto suo digna rerum divinarum cogitatio? Lactantius innuit Minucium sese totum non contulisse ad studium rerum Ecclesiasticarum. Sed tantò nobilior ejus Jurisprudentia fuit, quæ qualis esse debet, in Repub. fuit: & rerum divinarum humanarūque curam & cognitionem conjunxit: tantòque propterea magis ejus exemplum nostri ordinis hominibus commendo: ut saltem diebus nefastis in otio melioris religionis fastos excolant, iis-
que

Præfatio Fr. Balduini

que se dent atque addicant. Habebant olim feriantes Romani suam decursionem Tiberinam, cujus meminit Cicero; suamq; (ut leges nostra vocant) Majumam ad Ostiam. Sed excursio nostri Minucii quàm minimè aut otiosa aut ludicra fuit? Digna profecto, cujus vestigia libenter conspiceret Augustinus: & illum recessam, in quo habita est disputatio, salutaret, cùm in Ecclesia Ostiensi matrem suam Monicam sepeliret. Equidem religiosi ejus colloquii, quod sancta hæc matrona cum filio suo habuit ad Ostia illa Tiberina (sicuti ipse recitat Lib. ix. Confession.) meminisse soleo, quoties Dialogum hunc Minucianum lego.

Quanam esset Romani fori conditio, cum in eo versaretur Minucius, quæque Ecclesia in ea urbe tunc facies esset, ejus ætatis memoria planè ostendit: & quæ aliquando scripsi ad Ediçta veterum
Prin-

in M. Minu. Felic. Octav.

Principum Rom. de Christianis, e-
am rem illustrant. Neque ignota
est historia temporum, quibus De-
cius aut Valerianus imperavit. Be-
nè verò habet : Jurisconsultis, quo-
rum de Jure Civili responsa legi-
mus, non solum abs religione alie-
nis, sed & ejus acerrimis adver-
sariis, successisse Christianum causi-
dicum : & illud sive forum, sive
collegium Rom. togæ atque advoca-
tionis, quod tot jam annis consper-
sum fuerat sanguine & cineribus
piorum hominum, tandem aliquan-
do voce & vestigiis Christiani Ju-
risperiti expiatum atque consecra-
tum fuisse. Arnob. lib. 1. gloria-
tur, & Oratores & Jurisconsultos
magnis (ut ait) ingeniis prædi-
tos transisse ad Ecclesiam. Credo
equidem, cùm id scriberet, de Mi-
nucio eum suo cogitasse. Multos
ejus ordinis fortasse numerare vix
potuisset. Sed Minucii tamen ex-
emplum quosdam secutos esse credo :

ut

Præfatio Fr. Balduini

ut & Minucius habuit, quos in eodem stadio sequeretur. Saltem Hieronymus ad Magnum, ubi Minucium laudat, meminit duorum Rom. urbis Senatorum, Hippolyti & Apollonii, qui ut inter scriptores Ecclesiasticos referrentur, meriti sint. Quid dicam de illo Vertio Epagatho Lugdunensi, qui olim & multis quidem ante Minucium annis, & fuit, & partim ignominia, partim honoris causâ (ut varia tunc erant hominum de religione judicia) publicè appellatus est **ADVOCATUS CHRISTIANORUM**? An horum causam aliquando in foro Rom. Minucius egerit, nescio. Certè Tertull. vix hoc licuisse significat; & tam odiosa tunc erat eorum sive Religio, sive Ecclesia, cui status Reip. Imperiique Rom. adversabatur; totque jam erat publicis præjudiciis confossa, ut ipsius nominis Christiani confessio ad damnationem satis esset.

in M. Minu. Felic. Octav.

esset. *Tantum abest, ut hujus religionis esset, quæ libertatis erat, assertio. Sed tantò magis interea miror in tam profano & inimico foro consistere causidicum pium potuisse. Mirum verò, cum jam annis propè ducentis orbis Romanus & palam & publicè & liberè Christo nomen dedisset, auctoribus ipsis Imperatoribus, visam esse legem necessariam, quæ & tandem lata est, ut in nullo foro vel advocatus vel causidicus esset ullus, vel jus postulandi quisquam haberet, qui Christianus non esset. l. 8. Cod. de post. Quàm fuit itaque nobile Minucii nostri exemplum, quo bonarum partium, quantum potuit, patronus Ro. fuit, quo tempore nondum impune hoc licebat? Certè Christianis tunc erat interdictum foro, neque iis jus postulandi Prator dabat. Verum etsi magis illi palliati, quàm togati esse solerent: tamen quia iis Resp. saepe carere non poterat,*

Præfatio Fr. Balduini

poterat, aliquando togatos esse eos,
& eorum quosdam aliquod in Rep.
munus obire, passi subinde sunt eth-
nici Principes. Christiani Impe-
rat. deinde multò fuere indulgenti-
ores, qui eos & Consules & Præ-
fectos Urbi, atque etiam Prætorio
interdum creabant, quos alioqui
non ignorabant esse acerrimos hostes
religionis, quod intelligi potest vel
ex unius Symmachi conditione.
Sed facti tandem aliquando sunt
severiores, & Senatum forūque
Ro. perpurgarunt, & Minucios
quosdam esse jusserunt, quicumque
vel jus dicerent, vel causas age-
rent. Aram Victoriæ, quæ in ve-
stibulo Curie stabat, ad quam Se-
natus jurare atque sacrificare so-
lebat, jam pridem everterant, ipso
etiam Symmacho & Senatu recla-
mante. Sed effecerunt postremò, ut
non modò à tali superstitione liberi
essent omnes togati, sed etiam ut
nulla in foro nisi Christiana esset
illa

in M. Minu. Felic. Octav.

illa Jurisprudentia, cuius jam olim aliqua in Minucio nostro effigies fuerat.

Minuciani hujus libelli inscriptio, & Dialogi forma, antiquum eruditumque scribendi morem refert. Genus dicendi est argutum, acre, vehemens: Est pressum, densum, nervosum, crebris sententiis compactum, omniumque antiquitatum atque historiarum memoria refertum: & in quo plures sententias, quam periodos numerare possis. Nam neque verbosi olim fuerunt Christiani, qui verba dare nondum didicerant: & eorum patroni erant homines docti ac (ut uno verbo dicam) polyhistores. Quod ad falsa crimina attinet, non tam verbis & libellis, quam vitâ & re ipsâ refellebant adversarios.

Quæstio, quæ hîc proponitur, & cæusa, de qua agitur, magna est; de religione nempe vera aut falsa. Acerrima utrinque est actio atque

H

con-

Præfatio Fr. Balduini

contentio. Exitus & victoria est,
qualis esse debet, ubi verum cum
falso confligit. Malarum partium
vehemens patronus, & bonarum
gravis hostis est Cecilius Natalis.
Harum contra vindex, & illarum
accusator acerrimus atque justissi-
mus est Octavius Ianuarius. Me-
dius sedet bonus iudex atque arbi-
ter Minucius Felix. Contentioni
occasio fuit, quod cum hic cum du-
abus illis, quos nominavi, in litto-
re Ostiensi ambularet, ab Octa-
vio Christiano reprehensus sit Ca-
cilius ethnicus, qui occurrens ido-
lo Serapidis, illud colere se sig-
nificasset. Sanè olim Pisone & Ga-
bizio Coss. Serapidis sacra Capito-
lio & Urbe fuerant eiecta: sed po-
stea fuerunt restituta, & in sub-
urbiis facile hærebant. Reprehen-
sus Cecilius fremit, & tanquam
irritatus graviter in Christianorum
religionem invehitur: suamque si-
mul superstitionem defendens, Octa-
vium

in M. Minu. Felic. Octav.

vinum veluti laceffus. Sed imprudens)
incurrit in adversarium fortem &
acrem: & (de villa vit.) fragile
cupiens illidere dentem, infregit
solido.

Causa stans non unus est. Co-
cilius varie & confusè agit de multa-
tis. Octavius plerumque & depollit
sola infestatione, & retorquet ju-
sta recriminatione. Quaedam in-
genue confiterur: sed jure defendit.
Itaque hæc disceptatio parum facti,
parum juris questionibus constat.
Terullianus antea, & ante Ter-
tullianum Justinus & Arbenago-
ras, quorum exant apologetici li-
bri, & postea Cyprianus partim
contra Demetrianum, partim in libe-
do vici. idol. & multo deinde
magis Arnobius atque Lactantius,
hanc causam egerunt: & usi ple-
rumque sunt non iisdem modo &
sententiis & argumentis, sed &
verbis, & formulis. Sic enim
Augustinus nostri eadem de iisdem

in M. Minu. Felic. Octav.

chi & Ambrosii: ut quam causam
acriter quidem, sed privatim ta-
men, quo tempore Christianis palam
esse videretur, actam esse ex Mi-
nucio audiemus: eandem multis
post annis publice in autico Consi-
storio iterum iterumque agitatam:
in eaque nobiliori Romae sacrorum
patronum, qui & Pont. Max. &
Praefectus Urbi erat, cum ma-
ximo & acerrimo antistite Chri-
stiana religionis commissam, quo
tempore nostri liberi erant, & bonâ
aequaque conditione, audiamus:
praesertim cum iudex & arbiter se-
deret, non modo tam religiosus,
quam Minucius, sed multo majoris
auctoritatis, & qui rem bene ju-
dicatam exequi, & adversarii ca-
lumniantoris & perstantiam reprimere
atque coercere posset. Si quis de-
nique hic adjungat Augustini lib.
de Civ. Dei, ad Octavii disputa-
tionem multum lucis & splendoris
adjunxerit. Ego in talibus com-

Præfatio Fr. Balduini

mentis nunc describendis non tam
moraber. Sed breviter tamquam de-
libatæ quadam capita. Minuciani
libelli, in lectorem præmonere.

Cecilius principio laudat nescio
quæ sit Academicam aut Aristotelicam,
sive Pyrrhonicam inchoat, quasi
nulla esset religionis scientia. &
Epictetæ audaciæ exagitat. Dei
providentiam, præp. in illo. Certe
apud Ciceronem in libro de Nat.
deor. Octavius providentiam, de-
fendit. neque ibi etiam argumen-
tis uti dedignatur, quibus Plinius
apud eundem Ciceronem refellit
Cæciliæ vanitatem. Cecilius repro-
bat, Christianos Deo ut quidam
fatis, addicere quicquid agitur ge-
ritur. Abs verba Fati, tametsi
odiosa propter ineptias Stoicorum,
qui ea voce abutebantur, non abhor-
ret Octavius. Sed longioram ea de
re disputationem in aliud tempus
reficit, & eum veluti scapulum cau-
te refugit. Sanè Hieronymus in
catal.

in M. Minu. Felic. Octav.

cat. & ad Magn. testis est, quen-
dam de fato librum olim Minucio
inscriptum fuisse. Sed falsam fu-
isse inscriptionem monet. Credo illi
a quibusdam esse ascriptum, quia
hic videbatur tale aliquid esse pol-
licitus. Arnobius, quem Minucii
discipulum & imitatore[m] appellare
soleo, modo adversarios de fato ac-
cusat, modo etiam Christianos eo-
dem nomine accusatos fuisse osten-
dit: & in utraque tamen causa
cum ad rem ventum est, heret, &
nescio quomodo attonitus in-
terit. Nam (juvat enim propter Mini-
nuc. & quosdam alios obiter hoc
notare) l. 7. postquam exagita-
vit fatum, praefertim quale Stoici
fingebant: has tamen (inquit)
partes, quia res nimium longi
est multique sermonis, inexplica-
tas transcurramus atque intactas.
Idem lib. 2. cum scriberet Chri-
stianos urgeri rogatos, an sine Dei
voluntate quicquam fieret: tam se-

Præfatio Fr. Balduini

utrinque premi sentit, ut ad elabundum, deprecatione cuiusdam ignorantia utatur: Si (inquit) cuncta ejus voluntate conficiuntur, nec citra ejus nutum quidquam potest in reb. vel provenire vel cadere: necessario sequitur, mala etiam cuncta voluntate ejus intelligantur enasci. Sin autem dicere voluerimus, pessimorum ab eo rejicientes causas, mali esse conscium, generatoremque nullius: incipient videri aut eo invito res pessimæ fieri aut (quod sit immane dixisse) nesciente, ignaro, & nescio. Quid igitur tandem inter has veluti Symplegadas constrictus, questioni responderet? Respondeamus. (inquit) necesse est, nescire nos ista, &c. Justinus autem in sua apologia non dubitavit, ut in his evanidis avdylai, (ut appellat) aperte inficiari, planèque rejicere, dum scopulum verum, quem imminere alicui putat, vult

in M. Minu. Felic. Octav.

vult effugere. Atqui tunc in al-
terum incuxit, quem non minima
aut Minucius aut Arnobius refer-
midasse videtur. Tandem vero
Augustinus in eadem Africa volens
veluti persolvere, quod Minucius
pollicitus esse dicebatur, & quod
hic prestare fortasse non potuisset,
cumulate dependere. Subtiliter ex-
posuit in hac questione medium
quidpiam, quo satis fieri posse ju-
dicavit utrique difficultati. Scie-
bant & Minucius & Arnobius,
quamam olim fuisset dissensio dispu-
tatioque inter Chrysippum & Diodo-
rum de divinis & mundanis, sive
de fato. Nam & nos ex Cicer. &
Plutarcho illam utcunque cognosci-
mus. Sed ne in hujus quidem ju-
dicibus & arbitris nostri quicquam
deprehendebant, quod omnino seque-
rentur. Itaque quamdiu non lique-
bat, **AMPLIUS** pronunciare, quam
temere aliquid statimque definire
maluerunt.

H S

Redeo

Præfatio Fr. Balduini

Redeo ad Cæcilium. Is suorum
Numinum antiquitatem, passimque
receptam auctoritatem, quantum
potest, tuetur: Christianorum De-
um verum & unicum exagitat, &
eos interea tanquam abbas prosciin-
dit. Octavius idolorum fabulam
& vanitatem falsè traducit, iis-
dem etiam verbis usus, quibus Cy-
prianus in eodem argumento uti-
tur. Neque verò difficilis fuit re-
prehensio, cum quidem & ipsius Cæ-
ceronis libri de Nat. Deor. voluti
suffragarentur. Nam & Arnobi-
us testis est, propterea quasdam
Christianorum hostes aliquando
iussisse, libros illos iussu senatus
abolendos atque concremandos esse.
Quid? res ipsa, qua abs suis quo-
que cultoribus est irrisa (nulla e-
nim unquam stultius atque ineptior
fabula ultius superstitionis fuit)
ultrà sese refellebat. Sed & quod
huc pertinebat, facile describere
potuit Minucius ex Terrentiano,
Iustino,

in M. Minuc. Felic. Octav.

Justino, Athenagora, Theophilo :
in & postea ex Minucio Arnobio,
Lactantius, Ambrosius, Augusti-
nus, eum eandem causam agerent.
Certe quod Octavius de Saturno
narrat, Lactantius ipsum Minuci-
um auctorem laudans, reperit lati-
usque exponit, Lib. 1. c. 11. Ut
autem Octavius totam fabulam Ro-
mæ superstitionis falsè subsannat :
sic & ipsorum oraculorum, quibus
tantopere gloriabantur Ethnici, va-
nitatem eleganter ostendit : ac ante
suam quidem ætatem oraculum A-
pollinis Pythii defuisse significat : si-
cuti & Plutarchus fatetur tempori-
bus Adriani Imp. planè defecisse.
Sic enim cum Christiana religionis
veritas invalesceret, necesse fuit e-
vanescere imposturam illorum. Il-
lusceisse. Porro Octavius de da-
monibus, & eorum, cum ab Chri-
stianis adjuvantur, trepidatione
narrat, quod antea Justinus &
Tertullianus in Apolog. & Cypria-

nua.

Præfatio Er. Balduini

nus contra Demetrianum, & postea Lactantius Lib. 4. cap. 27. Itaque facile refellit ipsum quoque Ulpianum, Christianos ut impostores, hujus (ut vocant) exorcisationis causâ irridentem. L. I. De extraordin. cognit. Inanes non fuisse exorcismos posterioribus quoque temporibus, & fuisse frequentes in Ecclesia, intelligi quicquid patet ex Oprato Afro, & Augustino, scriptoribus à Minucio minime alienis.

Sed & de Deo unico multa Origenes inculcat, non dissimilia iis, quæ Justinus & Irenæus, & Clemens Alexandrinus collegerant. Nam & utrumque legisse noster potuit. Neque verò præterit, quod Cyrilianus urget, ipsum quoque vulgus naturaliter appellare Deum unum & singularem, cum Numen invocat: sicuti & Lactantius lib. secundo cap. primo ait, Ethnicos, cum jurarent, Deum potius quam Jovem

in M. Minu. Felic. Octav.

Jovem nominasse. In antiqua formula jurisjurandi Ro. nominatur Diespiter. Sed Cicero lib. septimo epist. ad Trebat. dixit, jurare Jovem lapidem. Sape etiam Jovis meminisse olim jurantes constat & apud Gracos Zeus ὄντων est appellatus. Mirum verò, quod Caelius gloriatur, ignotis etiam Numinibus Romanos aras extruxisse. Nam quid hoc aliud est quam errorem confiteri? Talem aram Paulus Athenis vidisse se ait, & ex ea sumit argumentum convincenda hujus ignorantia, docendorumque Atheniensium. Neque in Attica modo, sed & in Elide fuisse aras ita inscriptas, testis est Pausanias. Et fortasse postea Octavianum, cum docere Caelium instituit, Pauli exemplo inde repetit sua Catecheseos de veri Dei cognitione principium.

Illud quoque mirum videri posset, Caelium gloriari, quæ apud alios populos

Præfatio Fr. Balduini

populos singula numina coluntur,
 universa Romæ coli: nihil ut su-
 perfit, quàm ut suum Pantheon
 gloriosè ostenderet. Atqui obstabat
 lex Romuli, quæ peregrinos Deos
 coli vetabat. Obstabat Ciceronis
 sententia, qui confusionem religio-
 num aliqui fore pronuntiat. Sed
 peregrinos fortassè non judicabant,
 quia jam erant publicè acciti, &
 veluti civitate donati. Sic urbs
 illa, quæ ab Athenæo scire dicta
 erat *ἑταῖρῶν* sic *ἑταῖρῶν*, falsè ab
 Theophilo nostro ante Minucii æ-
 tatem, appellata est *ἑταῖρῶν* sic *ἑταῖρῶν*.
 Nam & Tertullianus
 dixerat, in ea consedisse conven-
 tum dæmoniorum, curiamque Deo-
 rum. Interea non temere adjecit,
 illis quidvis colere, jam fuisse, præ-
 ter Deum verum. Est quo profecto
 memorabile quod Augustinus lib. 1.
 de Consen. Evang. cap. 18. scri-
 bit, cur illum unum non coluerint
 Romani, qui colabant omnes alios.
 Quia

in M. Minu. Felio. Octav.

Quia (inquit) solum se coli vo-
luerit, illos autem Deos gentium,
quos isti jam colebant, coli pro-
hibuerit. Cum autem de ipso
Christo quæreretur, alia etiam cau-
sa fuit, cur Senatus reclamaret.
Porro ut Augustinus in eo libro
multa inculcat, quae ex nostro O-
ctavio repetita videri possent, sic
et quod eleganter respondet de ex-
cidio Hierosolymitano, Octavii de
eadem re responsionem confirmat.
Sed singula nunc describere nihil
attinet. Redeo ad Minusianum
auditorium.

Cecilius Christianos accusat quod
templa tanquam busta despiciant.
Fateretur Octavius. Nam et Cle-
mens Alexandrinus in ~~corrent.~~
antea probaverat illa esse sepulchra.
Sed et Arnob. lib. 6. templa bustis
superlata fuisse ait. Ceterum Chri-
stiani alia postea ratione ex sua-
rum Martyrum sepulchris, non in-
de templa, sed et altaria effece-
runt

Praefatio Fr. Baldoini.

nunt. Neque non potuit Minucius
ga. vidisse. Sed ita est praefatio.
Etsi Majores nostri religionis no-
mine multa facerent in speciebus si-
milia iis, quae ab ethnicis fiebant:
tamen quia aliud erat finis, aliis-
que usus, sua sacra defendi posse
sciebant, etsi aliorum rito-
rum damnarent. Sacrificiorum Roma-
norum ritus quam valde irrident?
Atqui non dissimilis eorum, quae
lege divinae Judaicae mandata erant,
forma fuit.

Etsi autem Christiani aetate no-
stri Minucii sua templa superbe
attollere ad exemplum ethnicorum
non possent, tamen suas saltem ha-
bebant cryptas, & quasdam etiam
ados & domus sacras in apertis &
editis locis, ut Tertullianus ait, &
lubenter conveniebant ad illa suo-
rum martyrum sepulchra: quae
xoventileia vocabant. Nam & haec
illis permisisse Galienum Imp. (qui
Minucii aetatem non longo intervallo
attigit)

attigit) Eusebius scribit. Ridet
autem Cacilius, quod Christiani su-
os jam vita functos, non tam mor-
tuos esse, quam dormire dicerent,
& crederent, corporumque resur-
rectionem futuram iactarent. At-
qui & apud suum Homerum lego-
rat, *καρποῖσιν ἐνύπειν*, & apud
Virgilium, Somnos adimere, cum
de mortuis in vitam revocandis agi-
tur. Quid præterea hic responde-
rit Octavius, conferre potest cum iis
quæ antea Theophilus, Athenagoras,
Justinus, Tertullianus, eadem de re
scripsere. Nam hos secutus Minu-
cius est. Ridet Cacilius Christia-
nos, quod cadavera ungant, non
coronent. Atqui & Romani, etsi
quid agerent, ignorarent, unguenta
funebria habebant. Notus est ille
Ennii versiculus, Tarquinii corpus
bona foemina lavit & unxit. Et
licet Leges duodecim Tab. servilem
uncturam cadaverum (ut ait Ci-
cero) tollerent, aliam tamen relin-
quebant :

Præfatio Fr. Balduini

quebant. & ipsi Jurisconsulti inter justos funeris sumptus unguenta referant L. 37. De relig. & sumpt. fun. Quid ad coronas cadaverum attinet, fateatur Octavius Christianis ineptus videri: & eos propterea in eo genere Ethnicos imitari nolle. Textullianus in lib. de Cor. mil. ait, à seculo coronari & ipsas libellinas: & ipse Cicero pro Placco meminit antea corona impostæ mortuo cuidam Castricio. Verum quid antiquæ leges Rom. de coronis cadaverum statuerem, dixi ad Duodecim Tab. Denique ridet & indignatur Cæcilius, apud Christianos cadavera humari, non uri. Verum est verus illud, Risu inepto nihil est ineptius. Quid Octavius? Simpliciter responder, antiquam esse suam & meliorem sepeliendi consuetudinem. Quod & Arnobius respondit. Nam & post Minucium mota iterum hæc quaestio est. Atqui Romani poterant sui saltem Cicero-

nis

in M. Minus Felici Octav.

nie librum secundum de legibus le-
 gisse, qui hanc maxam defendit, et
 perficitur. Ita Item. Vb. 7. cap. 34.
 ipsam. (inquit) et dicitur, non fuit
 veteris infirmi apud Romanos:
 tunc condabantur. Sane Tertull.
 ad cor. mil. ait, Christiani non li-
 xisse quicquam. Et in libro de reser.
 car. videtur, qui, utroque. (ut
 ait) excurrit defunctus.
 Porro Augustinus, sibi in domino
 Confess. significat in Ecclesia Osti-
 nisse peculiarem aliquam vitam fuisse
 antiquam hanc vitam unguentum.
 in quoque jam tum in usu esset, cum
 ibi ageret. Mihi quidem, nescio. Re-
 ducuntur vero, quod Caelius Scuo-
 rum scilicet Censet, Christiani ca-
 ensat quia neque arguuntur delibui,
 neque Verum redimunt essent. Ad-
 ruit, quod interea non mixatur, eas
 tamen usos jam tum fuisse oleo et
 chrismate. Sane sobriam, siccam,
 frugalemque vitam, hoc est ab un-
 guentis alienam, ipsi etiam alibi
 laudare

.v. Prefatio Fr. Baldrini

laudare solebant. Et Plato ex sua
Repubblica, quam optimam suam iudi-
cio fingit, Monitum non parum nisi
ingratis perferat. Et tunc is redi-
munt, Et per hic noster Octavius
ait) coronatum et eum significaret
se habere nolle cives tam molles.
Ne ne longius adeant, Respiciens
querentem arguentem audientem, Et
gratias agentem pro imperata pra-
fectura, abersum, Mallem (inquit)
allium oleres. Sed quid non abice-
ret Caecilium, unde etiam Chris-
tianos accusat, quia flores maribus sup-
ponerent, nec capiti coronam im-
poderant. Atqui ipse Lucianus in
suo Nigrina ipsos Romanos rectius
irridet, quod Christianos hoc non
imitentur, Et faciunt contra natu-
ram, pluraque nescit aut sapient,
aut sentiant. Adde Tertul. de Cor.
milit. do. spiritus. mut. mag. 20. 1. 1. 1.
Ceterum Caecilius, ut alter Lu-
cianus in Peregrino, Christianos
irridat, quod colant hominem ar-
bitrari

cifixum.

cifixum. Octavius breviter negat
hominem tantum esse, quem colunt.
& regunt, aduersarios potius esse
adipiscendos, qui reges, tanquam
Deos colant, & per eorum etiam
genium iurent: quinimo grauius
puniant, ita peiorantem, quam si
quis suum Deum iurando sciens fal-
leret. Suspicio hic notari quan-
dam constitutionem Alexandri Se-
veri: quæ tamen relata est in libros
Furis. L. II. Cod. de rebus credi-
tis. Sane olim Christianos noluisse
uti tali formulâ iurisjurandi, tes-
tis est Tertullianus in Apolog. Sed tanto magis miror, eam posteri-
orum Cesarum Christianorum legi-
bus commendari.

Cæcilius contumeliose objicit,
Christianus etiam ipsam crucem ad-
orare. Negat Octavius. Adver-
sarius iis, ut furciferis, maledicit.
Noster (non enim eum pudet crucis
Christiane) cruciferor suo modo
dicti, non recusat, & de suo crucis
signo

Præfatio **Fr. Balduini**

signo religioso, (quod certe majoribus olim nostris famulatus fuit) respondet, quod apud Justinum & Tertullianum scripseram, & postea Lactantius lib. 4. cap. 27. Nam & quanti illud fecerit Constantinus, notum est: certe ut vulgo res minus esset ignominiosa, edixit, ne deinceps sacrosi crucis affigerebantur. Non desit tamen Julianus Apostata, ut Cæcilius, Christianis ignominia causa exprobare crachis culem, sicut ex Cyrillo intelligi potest.

Idem est impudentia calumniant. Eo tandem evasit, ut nescio qua sacrorum monstra Christianis objicerent adversarii, & quatinus demens (ut quidam poeta dixit) Ægyptus porrenda colat. Audes etiam Cæcilius fingere illos adorare caput asini, quanquam primus hoc non sinxerit. Octavius tam putidam calumniam infectione depehit, & id porius de adversariis verò dici posse, recri-

in M. Minu. Felic. Octav.

recriminando probat, secutus suum
Tertullianum: qui & Christianos
vulgò dictos esse asinarios, & Chri-
stum ipsum auribus asininis tan-
quam aliquem Midam ab impio pi-
ctore expressum fuisse narrat. Ta-
lem autem confictam fabulam esse
significat, quod Cornelius Tacitus
mentiendo tale quippiam de Judæis
recitasset. Verum & ante Tacitum
multis annis Appio Alexandrinus
tempore Caligula in Judæam accusa-
verat quandam ovolatricem. Ce-
terum cum Josephus tale mendaci-
um jam refutasset, minus ignosce-
ndum est Tacito, qui in eo perstat:
minime verò illis qui majori etiam
impudentia Christianis hoc probrum
aspergunt.

Turpius est, quod Cæcilius eodem
pudore clamat, eos colere nescio
quæ pudenda. Ecquo ruit impura
maledicentia? Octavius suæ vera-
cundia esse intelligit, id longiori o-
ratione non refellere. Interea au-
dire

Præfatio Fr. Balduini

dire cogitur, alia non minus nefanda, cum Cecilius declamaret, nefarios esse Christianorum cœtus antelucanos, incesto & parricidio pollutos, prope ut olim erant Roma Bacchanalia. Octavius talia crimina non solum abs suis depellit, sed etiam retorquet in adversarios. Quam incesta essent Romanorum sacra, non est ignotum. Nam & eorum poeta, Nota bonæ (inquit) secreta Dæ. Diu etiam humanas victimas immolarunt: etsi in aliis gentibus hanc, non jam dico sanctam, sed sanguinariam & sceleratam feritatem reprehenderent. Est autem memorabile, quod Plutarchus in Problem. narrat eos obtendisse, ad hoc suum factum excusandum, aliorumque damnandum. Mirum verò, Christianis sacris talia objecta fuisse. Fuit tamen vetus & diuturna hæc calumnia: & quidem promissa libidinis suspicionem facile agebat quorundam credulitas, qui

in M. Minuc. Felic. Octav.

qui alios ex suo ingenio aestimant,
& nocturna promiscua multitudinis
coitio; & quia Christiani sese fra-
tres sororesque appellarent, atque
etiam osculo sese invicem excipe-
rent. Quid dicam, osculo quosdam
impudicè abusos esse, ut & fatetur
& conqueritur Clemens Alexan-
drinus in *Padagog.* Christiani sa-
tis multa castissimi sui pudoris te-
stimonium opponebant. Sed nihil au-
dit impudens malevolentia, quæ ut
linguam habet intemperantem, sic
neque frontem, neque aures habet.
Sanè & olim Appionem tale quip-
piam de Iudeorum cætibz confu-
xisse narrat Iosephus. Ergo nihil
nostris tali infamiâ oppressis aliud
superfuit, quàm, quod scitè & e-
leganter *Æschylus* ait, *τιὸν ἀνδρῶν*
ἢ ἀνανδρῶν τὸ χεῖρον. Non erant
impostores, qui verba darent: non
homines clamosi & impotentes, qui
conviciis, maledictis, libellis famo-
sis adversarios vicissim opprimere
I vellent.

Præfatio Fr. Balduini

vellent. Rebus ipsis falsum refelle-
re, & eo tandem modo vincere se-
dendo & silendo, malebant: &
bonâ interea conscientia sese susten-
tabant atque consolabantur. Sic bo-
nam causam agebant benè.

Mirum rursus, Cæcilio tam in-
solentem visam esse illam inter eos
fraterni nominis communionem, cum
& ipse Ulpianus scripserit, eum
qui fraternâ charitate diligitur,
etsi frater non sit, rectè tamen fra-
trem simpliciter appellari: quod &
in libros Juris relatum est, L. 58.
De hered. instit. Quinimò & olim
ipsos Essæos, ante tempora Christi-
anorum, ita sese invicem compellasse
didici ex quodam Philonis frag-
mento, quod extat apud Eusebium
in *hæc* *regum*.

Horribilius est alterum, quod
objiciebat, crimen infanticidii:
cuiusque hoc calumnia paulò post
tempora Trajani, & ad Constantini
aetatem perduravit, & quidem cum
tragica

tragica suspitione cujusdam cœne
 Thyestæ. Sed unde hac suspicio?
 An quia Christiani dicere solerent
 se vesci corpore & sanguine Christi,
 sicut è diverso narrat Augustinus
 quosdam aliquando existimasse, ab
 Christianis adorari Cererem & Bac-
 chum, cum audirent in eorum my-
 steriis tanti fieri panem & vinum:
 neque alioqui rem intelligerent?
 Quid dicam, quod Epiphanius nar-
 rat, quosdam hereticos, qui Gno-
 stici & Cataphryges & Pepuziani
 appellabantur, se verò Christianos
 esse mentiebantur, commisisse, quod
 hic Cecilius omnibus Christianis
 objicit? Sed an æquum fuit, ut
 viris bonis propterea affingeretur,
 quod ab iis erat alienissimum?
 Adversarii loco probationis obten-
 debant famam & rumorem. Sed
 nullo quoque jure id fieri, leges ci-
 viles pro nostris respondebant; &
 ipse Quintilianus dixit, nulli non
 etiam innocentissimo necidere posse
 fraude

Præfatio Fr. Balduini

fraude inimicorum falsa vulgantium, ut sinistro rumore laboret. Quàm verò procul abessent Christiani abs omni homicidio, satis Octavius ostendit, cum ne homicidium quidem in ludis gladiatorii spectare eos per suam religionem potuisse narrat; quod & antea Theophilus dixit contra Antolyc. & eodem tempore Athenagoras in apologia, & latius Tertullianus in libro de Spectacul. & postea Lactantius libro sexto, capite vigesimo. Sed neque case pecudis sanguinem gustasse nostros Minucius affirmat, sicuti & Tertullianus. Sic enim quam Apostoli repetitam Noe legem rursus tulerant, multis seculis nostri diligenter observarunt, non minus quam Apostolicum in eadem Synodo decretum dei iugis. Certe quàm honestum, religiosum, pudicum, castumque fuerit Christianorum solenne convivium, quod Ἀγῆπῳ appellabant, Cecili-

in M. Minu. Felic. Octav.

us, si verum ingenue dicere, quam improbe mentiri noluiſſet, intelligere potueras non ſolum ex Tertulliani noſtri apologia, ſed & ſui Plinii quadam ad Trajanum epiſtolâ. Sed perulantiam projecta maledicentie quid refranare poſſet? Dixi de ea convivio plura in annotationibus ad illam epiſtolam, que jam repetere nihil urtinet. Ut autem nocturni Chriſtianorum cœtus innoxii eſſent, tamen obſtabat lex duodecim Tab. multis decretis confirmata, & gravia erant judicia de collegiis illicitis. Noſtri vero respondebant, nihil Reipub. eſſe periculi à ſuis coitionibus, quia eſſent alieniſſimi ab omni vel ambitione vel ullius dignitatis cogitatione, nihilque eſſet in repub. quod affectarent, ſed ſua eſſent privata conditio contenti, ut Tertullianus in Apolog. reſpondet.

Ceterum ut jam præteream reliqua capita vel accuſationis Cecilia-

Præfatio Fr. Balduini

na, vel Octaviana defensionis, illud observare juvat : cum calumniator ingeniosus & acer nihil non vel confingat vel exaggeret, & majestatis quadam leviora crimina adjungat ; præterisse crimen perduellionis, quod & alii antea objecerant, & ad reos statim opprimendos imprimis idoneum esse videbatur. Aut id dissimulavit, quia ne tenuis quidem ejus esset suspicio ? Fuit certe perpetua hæc majorum nostrorum gloria, quod nullis injuriis tam irritari potuerint, ut in principes aut tyrannos, etsi ab iis indignissime vexarentur, hostili animo essent, aut ullis adversus eos conjuratis conspirationibus (quæ tamen aliqui & speciosa & frequentes tunc erant) assentirentur ; aut quid suâ patientia, tolerantia, modestia, continentia dignum esset, non meminissent. Tantum abest ut essent aut turbulenti aut seditiosi ; aut inanimi cupiditate ultionis abriperentur.

Nam

Nam etsi eâ multitudine septi essent,
 ut facile possent conficere quod in
 hoc genere instituissent, tamen fas
 non esse putabant. Et verò sue
 atque religionis & principia sustu-
 lissent, & fundamenta evertissent.
 Imo verò humane societatis vincu-
 la omnia dissolverent. Quid multi
 etiam philosophi ambitiosè predica-
 rent de tyrannicidis, notum erat.
 Sed nostri talibus flabellis incendi
 se non patiebantur; quantum abest
 ut religionis nomine ad publicum
 parricidium incitarentur. Nihil
 est prætermissum quod eas inflame-
 rare posset, & furor fieri dicitur
 lætâ sepius patientia. Sed eas re-
 ligio continuit, & ad invictam mo-
 do patientiam armavit. Id verò, de
 quo etiam quæri hoc tempore adesto
 & miror, perpetuâ plurimum secu-
 lorum historiâ nos aliâs confirma-
 bimus. Illud modo breviter attingam,
 quod Minucius dicere potuit,
 ac paulò ante ejus etatem accidit.

Præfatio Fr. Balduini.

Tertullianus ad Scapulam, Circa Majestatem, inquit, Imperatoris infamamur: tamen nunquam Albiniani vel Nigriani vel Cassiani inveniri potuerunt Christiani. Juvat & alterum ejusdem Tertulliani locum, cujus memoriam veterem hisce temporibus renovari plurimum interest, ascribere. Unde, inquit in Apolog. & Cassii & Nigri & Albinii? unde qui inter duas lauros obsident Cæsarem? Unde qui faucibus ejus exprimendis palæstricam exercent? Unde qui armati palatium irrumpunt, omnibus Stephanis atque Partheniis audaciōres? De Romanis (ni fallor) id est, de non Christianis. Ne hunc quidem locum ex historia illustrare gravabor. Avidius Cassius, Syria Legatus, adversus M. Antoninum Imp. surrexerat, cum prætuleret se rempub. restituere atque conservare velle, quam Marci dissoluta indulgentia pessundaret.
-OT- Christi-

in M. Minu. Felic. Octav.

Christiani tamen qui in Marci exercitu adversus Marcomannos tam frequentes fuerunt, Cassiana factionis nulli fuerunt. Commodum impurum tyrannum & nostris infestissimum domi strangulari Romani curarunt, qui illi maxime erant familiares. An hic Christianus ullus adfuit? Septimio Severo, qui ad imperium gladiatoris animo viam affectabat, sese opposuit. Pescennius Niger et Syrus, & deinde Clodius Albinus in Britannia Galliaque, cum uterque tam bono jure armatus, quam Severus, sibi esse videretur. Nam & ipse Tertullianus in libro de Pallio, hosce non minus quam Severum, Augustos aliquando agnovit atque appellavit. Christiani tamen in eorum vel exercitu vel factione nulli inventi sunt. Plautianus, qui Principi proximus erat, & post eum maxima auctoritatis, ut Severus & Caracalla, à quibus fiebant multa crudeliter, jugularentur,

Præfatio Fr. Baldani

rentur, immittit in curiam suum
Præfectum, & eodem paulo post
irrumpt. An Plantianum Christi-
ani secuti sunt, quorum interesse
videbatur tyrannos illos tolli? Imò
verò potius Severum jam decum-
bentem illi suo etiam oleo curarunt,
sanaruntque, ut testis est Tercullia-
nus ad Scapulam, ubi & solennes
Ecclesiæ præces pro Principibus com-
memorat. Tum addit: Ex regula
patientiæ divinæ agere nos satis
manifestum est, cum tanta homi-
num multitudo, pars penè major
civitatis cuiusque, in silentio &
modestia agimus. Absit enim,
ut indignè feramus ea nos pati,
quæ optamus: aut ultionem à
nobis aliquam machinemur, quam
à Deo expectamus. Non dissimi-
lia sunt, quæ repetit in Apolog. &
digna sunt, quæ his quoque tempo-
ribus inculcentur. Certè ait, Chri-
stianos facitè paucis facilius vel u-
nâ nocte potuisse sese ulcisci, si aut
fuissent

in M. Minu. Felic. Octav.

fuiſſent aut eſſe voluiſſent (quod
tamen jam à temporibus Neronis
dicebantur) incendiarii. Sed abſit,
inquit, ut aut igni humano vin-
dicetur divina ſecta, aut doleat
pati, in quo probatur. At, illis,
ſi aperte agere & vim vi repellere
voluiſſent, minime deſuiſſe vim nu-
merarum & copiarum. Sed, inquit,
apud iſtam diſciplinam magis oc-
cidi licet, quam occidere. At,
illos etiam ſine armis potuiſſe vin-
cere ſecedendo, & vacuum Romanis
ſanctum orbem relinquendo, ſi alio mi-
grare voluiſſent. Tum enim deſui-
ſſent quibus imperaſſet Rom. Imp.
Ad eos pauci ſupererant, qui non eſſent
Chriſtiani. Sed noſtros & viros
manere voluiſſe, & ad hoſtes Ro-
manorum tranſire noluiſſe ſignificat,
& interea tamen à Romanis appella-
tos eſſe non hoſtes modo, ſed &
principum & humani generis hoſtes.
Ceterum tam iniuſta & aperta ſit
hec iniuria, ut ipſos tandem ho-
ſtes

stes Christianorum puduerit tam &
 ingratè agere, & loqui impuden-
 ter. Ergo Cecilius, quantumvis es-
 set impudens, erubuit iis aliquod
 perducillionis crimen asserere. Quid-
 viz aliud obicere, carpere, menti-
 ri, calumniari maluit. Sed ne-
 que Christianis ascribit causam pub-
 licarum calamitatum: quod tamen
 eo tempore alii adversarii adique
 facere impudens solebant. Tristis-
 sima sane, ætate Minucii, erat
 facies Romani imperii, horribilis-
 que dilaceratio atque confusio. Quid
 dæmon, genus Æne, metarum tunc
 inuadasset? orbemque & scopacissum
 & permixtum bellis, inuadissis, in-
 undationibus, terre motu, civitatum
 cæcis, gentium regnorumque exci-
 diis, denique confectum & fama
 & peste publicâ? Non committis
 rationem Cecilius, ut (quod vulgus
 rursus clamitabat, & ante postque
 multis seculis jactatum est) calum-
 niaretur, Christianis ratum illud
 chaos

in M. Minu. Felic. Octav.

ob hoc acceptum ferri debere, corumque sanguine esse expiandum. Ante Minucii atatem Tertullianus, Si, inquit, Tyberis ascendit in arva, si coelum stetit, si terra movit, si fames, si lues, statim CHRISTIANOS AD LEONEM acclamatur. Non minus odiosa & immanis erat acclamatio tempore Cyprianique, ut ex hujus ad Damianum epistola satis appareat. Eadem & tempore Arnobii. Nam & hic in suis adversus gentes libris laborat, ut hac publicinodii & invidia flammam nostras liberet. Quid ipse postea Symmachus in Nove audet talem rursus consilium canere? Certè dignus erat, qui audiret, quod aliquando Roma post mortem Commodi Imp. acclamatum est. DELATORES AD LEONEM. Sed nostri ab sanguine & ultionis cupiditate erant alieni. Ambrosius non passus est eum in crimine tam falso diutius exultare. Sed cum
non

Præfatio Fr. Balduini

non multò post urbs ipsa capta at-
que direpta fuisset, non erubuerunt
impij calumniatores talem postrema
cladem religioni Christiana ascri-
bere: coactisque est rursus Augu-
stinus tam tetra maledicentia oc-
currere. Nam & propterea se su-
os de Civitate Dei libros scripsisse
fateretur. Agit ergo minis malitiosa
Cecilia, qui aliorum exemplo ta-
tem faciem nostrorum non conserquet,
neque eorum innocentiam tam indig-
nè onerat. Imò vero iis, ut mise-
ris, ut victis, ut servis, ipse tam-
quam magnis victoriis statuas, &
summam felicitate cubantibus superbi
insulet: & hoc nomine tam alto-
rum religionem fastidiosè deprimat,
quam suam gloriosè attollit super-
stitionem. Sic enim prophani homi-
nes ex fortuna & rerum successu
pendunt. Sic ipsi Cicero pro Flacco
contumeliosè et agitat Iudæorum
& gentem & sacra. Sed & Ap-
pionem Iudæis servitutem, & a-
lium rumas,

in M. Minu. Felic. Octav.

rumnas, tanquam falsa religionis
testimonia, confidenter objecisse, ex
Iosepho intelligimus. Mirum ve-
rò, post tempora quoque Constantini,
Iulianum Imp. nostros eadem rati-
one impetisse, sicuti ex Cyrilli re-
sponsionibus cognoscimus. Quamò-
dò magis potuit Cecilius, qui Chri-
stianos, nisi afflictos, miseros, pau-
peres, nullos videret? Itaque mag-
no supercilio & fastu & contemp-
tu eos despuit, & tanquam ne-
quissimi & infirmi (uton Apostoli vero-
bis) proculcat. Sed Thrafonicos
ejus spiritus ulteriori animo despiciit
Octavius, usque sanctam quandam
superbiam opponit, quã & in pa-
upertate divites, & in servitute li-
beri, & in media denique morte
victores essent nostri. Vixit autem
Cecilius incho despumans, & intem-
peranter convitia profundere, &
minas efflaret, & ampullas horribi-
les projiceret, denique Christo in-
sultaret: tamen veris victis, paulò
post

Præfatio Fr. Balduini

post cedit, neque arbitri, iudicisque
Minucii sententiam expectat, sed
ultrò illi occurrit. Admirabilis
profectò conversio, præsertim tam
repentina. Sed ea ostendit, sanabi-
les multos Roma fuisse, qui vide-
bantur alioqui depositi & deplora-
ti. Veritati vero errorem facile
cedere. Ergo Ceciliæ quadam ve-
luti in iure cessione Octavio vindic-
tæ addicere poterat. Certe Vinci
dedique non recusat, & Octaviana
orationis quodam quasi fulmine per-
cussus, tanquam alter quidam Pau-
lus subito religionem, quam igno-
rans oppugnauerat, admonitus com-
plectitur. Vellem autem, Minucius
nobis quoque exposuisset totam hu-
jusce uirgilis historiam: ut &
qua lege, qua conditione, quibus
sponsoribus, quo ritu, qua ceremo-
nia, Ceciliæ Romam reversus, in
Ecclesie collegium & communionem
cooptatus fuerit, intelligeremus. Nam
antiqui illius moris memoria
expe-

in M. Minu. Felic. Octav.

experenda est. Sed quod Hieronymus ad Chronica Eusebii, & Augustinus libro octavo Confession. narrant de duobus aliis ejusdem conditionis & ordinis, & gentis, & ingenii viris, Arnobio & Victorino, cogitemus factum quoque esse de Cecilio. Imò verò hic Cecilius fatetur, sese, posteaquam intellexit, quid non sit vera religio, desiderare intelligentiam, cognitionem, institutionem religionis verae; eam vero catechesin in diem sequentem fuisse rejectam Minucius scribit. Sed tanto magis doleo, alteram hanc scholam, quae Minuciani libri optima & maxima pars fuisset, non editam esse: saltem non extare. Nam neque satis est, falsum refellere: verum etiam docere oportet: ut & quid non sit, & quid sit Deus aut religio, exponatur. Sed bene habet: quod hic desideramus, sarcire potest Augustini liber de Catechizand. rudib. qui & leges & formulam veteris

Praefatio Fr. Balduini

teris Catecheseos eleganter describit :
 & quomodo sit agendum cum doctis
 & literatis, etiam monet : neque
 dissimilem Minucii aetate credo ca-
 techesein fuisse : & his quoque tem-
 poribus non observari miror. Juvat
 autem, ut Caelium audivimus ac-
 cusatorem & adversarium, nunc re-
 bus conversis spectare catechumen-
 num. Catechumoni tunc etiam ap-
 pellabatur auditor, vel audientes,
 sicuti ex multis Tertulliani locis ap-
 paret : et antequam in primis dociles, mi-
 nimèq; refractarii : quod & ipse Lu-
 cianus in Philopat. indicat. Contem-
 ptiose itaque dissertationes nulla cum
 eis erant, sed placidis monitionibus
 religio docebatur. Post catechesin,
 qui jam sua nomina Ecclesiae dede-
 rant, ut baptismo initiarentur, ap-
 pellati sunt competentes : eorumque
 rursus in ordine Caelium jam no-
 strum conspiciere juvat. Post bap-
 tismum candidatus denique particeps
 fiebat. ~~His~~ ^{is} ~~provenit~~, à quibus antea
procul

in M. Minu. Felic. Octav.

procul abesse iubebatur. Neque sane de iis, aut promiscue disputare, aut coram profanis hominibus disserere, maiores nostri solebant. Testis est Theodor. in Iran. Nam illi religiosius atque adeo timidius tractanda esse sentiebant: & quorsum alioqui res evaderet, longè prospiciebant. Itaque licet, cum accusarentur corum Cunctis magna causa esse videretur, cur exponere deberent quicquid in iis ageretur; tamen de mysteriis nihil dicunt in foro, neque de iis cum adversariis aut contendunt aut litigant.

Atque hac quidem bartenus breviter promovere visum fuit, ut ad Octavii Minuciani lectionem viam veluti prae munirem, qua & Christianarum antiquitatum memoriam nobis commendat, & ad eas renovandas nos excitat, qui & alioqui Romanas tanto studio persequimur. Atque minam qui Rome sunt docti homines, & nullum non etiam lapidem

Præfatio Fr. Balduini

dem revolvunt, nullamque non in
 ipsis lapidibus litteram observant,
 ut antiquæ Reipub. aliquid eruant,
 veteris quoque Ecclesiæ monumenta
 (quibus eadem urbs abundat) col-
 ligerent, pluresque, qui in ea &
 vixerunt, & sepulti sunt, Minu-
 cias excitarent. Satis jam, satis
 est novorum de religione libellarum.
 Veteribus potius in lucem revocandis
 hujus generis reliquiis operam de-
 mus: & simus aliquando doctæ an-
 tiquitatis potius, quam inanis novi-
 tatis studiosi. majorumque nostro-
 rum imagines & intueamur, &
 aliis, non novi homines esse fortè vi-
 deamus, ostendemus. Neque tamen,
 etsi eadem eorum religio, animusque
 idem fuerit, eadem quoque semper
 facies fuit, idemve status. Non
 enim semper vexati abjectique jaci-
 unt, neque tam aut ingrati aut in-
 epti fuerunt, ut optimo jure opti-
 mæque conditione esse recusarint, cum
 hac iis licuit per Principes Christi-
 anos:

in M. Minu. Felic. Octav.

anos : neque tam fatui, ut hoc beneficio non uterentur : neque tam iniqui, ut sit quid in suis Imperatoribus desiderarent, paganorum (ut loquimur) tyrannorum loco eos haberent : neque tam morosi, ut publica tranquillitati nihil quicquam condonarent. Loquor de iis, qui non fuerunt degeneres. Sed libera Ecclesia splendorem non vidit Minucius. Servientis modò squallorem vidit. Nostrium verò est, utrumque statum, & utriusque temporis conditionem rectè considerare atque discernere : & hoc externa (ut ita liquar) forma temporumque discrimen prudenter observare, ut & antiquitatis memoriâ, & majorum nostrorum exemplis rectè utamur. Hic enim & prudentiâ magnâ & cautione maximâ opus esse fateor : & cum lex nova rogatur fertur, sæpè illud UTI ROGAS, sæpius istud ANTIQVO, nobis ut occurrat atque placeat, necesse est, resque postulat.

In-

Præfatio Fr. Balduini

Insculptum Roma in veteri marmore esse dicitur, **CANDIDA FULVO NOBILIOR AURO FELIX ANTIQUITAS.** Sed ejus præjudiciis infelicitè abuteremur, nisi liberam integrumque judicium in iis discernendis atque deligendis adhibeamus: ne vel confuse omnia misceamus, vel malitiosè prætereamus, quæ imitari nos oportet; vel etiam quæ huic ætati non conveniunt, intemperanter urgeamus. Cùm olim de testamentis ageretur, lex quedam civilis respondit, retinendum esse morem fidelissima vetustatis. L. 18. Cod. de testam. Cùmque de finibus & ordine gubernationis Ecclesiasticæ quæreretur, audita in Nicæno concilio est illa vox: **ΤΑ ΑΡΧΑΙΑ ΕΩΗ ΚΡΑΤΕΣΤΟ.** Nulla tamen fuit Superstitio, quæ intemperanter atque impotenter urgeret, quod Reipub. salus repudiaret. Et ut sapientes Jurisconsulti, ubi de Magistratum jure quæstio esset, gravi-
ter

in M. Migu. Felic. Octav.

ter respondebant, non solum spectandum esse, quid Roma factum sit, sed etiam quid fieri debeat. L. 12. de offic. Praef. Sic etiam spectare debemus, non solum quid maiores nostri fecerint, sed & quo tempore, & quâ conditione, quâve fini. Neque non meminisse quoque oportet, quod Lex quaedam monet, non tam exemplis, quàm legibus judicandum esse. Ergo facio perlubenter, ut & jurisprudentiam, & historiam conjunctim aut colam, aut saltem colendam esse saepe profutear: & quidem utramque in utroque genere, humanarum dico & divinarum rerum, siue civilium & Ecclesiasticarum. - Nam & earum intelligentia atque memoria talem horum studiorum conjunctionem requirit, ut si Tiberius Imperator rectè judicavit militarem disciplinam (quod ait Suetonius) ex antiquitate esse repetendam; nos multò magis sentiamus, rectiusque dicamus, civilem & Ecclesiasticam
bonâ

Præfatio Fr. Balduini

bonâ fide judicioque bono inde repeti debere. Intered verò, quia variè & periculose hîc errari posse sentio, iterum iterumque obtestabor omnes bonos & cordatos, ut à factionibus averfi, & à studio partium alieni, primum vetustati tantum auctoritatis tribuant, quantum illi debetur: deinde placidè cogitent atque observent, non solum quid veteres Christiani, tempore Minucii, facerent, cum aliud non possent: sed & quid optarent, & ubi possent, faciendum esse statuerent: & verò, quid tandem, cum liberi fuerunt, fecerint; ut & Rempub. & Ecclesiam rectè constituerent.

M. MINU-



M.

MINUCII

FELICIS

OCTAVIUS.

Cogitanti mihi, & cum animo meo Octavii boni & fidelissimi contubernalis memoriam recensenti, tanta dulcedo & affectio hominis inhaesit, ut ipse quodammodo mihi viderer in praeterita redire, non ea quae jam transacta & decursa sunt recordatione revocare. Ita ejus contemplatio; quantum subtracta est oculis, tantum pectori meo, ac pene intimis sensibus

K

sibus implicata est. Nec immerito discedens vir eximius & sanctus; immensum sui desiderium nobis reliquit: utpote cum & ipse tanto nostri semper amore flagraverit, ut & in ludiciis & seriis, pari mecum voluntate concineret: eadem vellet, vel noller: crederes unam mentem in duobus fuisse divisam. Sic solus in amoribus conscius ipse, socius in erroribus: & cum discussa caligine de tenebrarum profundo in lucem sapientiæ & veritatis emergerem, non respuit comitem, sed quod est gloriosius præcucurrit. Itaque cum per universam convictus nostri & familiaritatis ætatem mea cogitatio volveretur, in illo præcipue sermone ejus mentis meæ resedit intentio, quo Cæcilium superstitiosis vanitatibus etiam nunc inhaerentem disputatione gravissima ad veram religionem reformavit. Nam negotii, & visendi mei gratia Romam contenderat, relicta domo, conjugē, liberis, & quod est in liberis amabilius, adhuc annis innocentibus, & adhuc dimidiata verba tentantibus, loquelam ipsius offensantis linguæ fragmine dulciorem. Quo in adventu ejus non possum exprimere sermonibus, quanto, quamque impatienti gaudio exultaverim: cum

cum augeret maxime lætitiā meā
amicissimi hominis inopinata præsentia.
Igitur post unum & alterum diem, cum
jam & aviditatem desiderii frequens
assiduitatis usus impleisset; & quæ per
absentiam mutuam de nobis nescieba-
mus, relatione alterna comperissemus,
placuit Ostiam petere amoenissimā ci-
vitatem, quod esset corpori meo siccan-
dis humoribus de marinis lavacris blan-
da & apposita curatio. Sane & ad vin-
demiā feriæ judiciariam curam rela-
xaverant. Nam id temporis post æsti-
vā diem in temperiem semet autum-
nitas dirigebat. Itaque cum diluculo ad
mare inambulando littore pergeremus,
ut & aura aspirans leniter membra ve-
getaret, & cum eximia voluptate molli
vestigio cedens arena subsideret, Cæci-
lius simulacro Serapidis denotato (ut
vulgus superstitiosus solet) manum o-
ni admovens, osculum labiis pressit.
Tunc Octavius ait: Non boni viri est,
Marce frater, hominem domi forisque
latenti tuo inhaerentem, sic in hac im-
peritiæ vulgaris cœcitate deserere, ut
tam luculento die in lapides eum pati-
aris impingere, effigiatos sane, & un-
ctos, & coronatos: cum scias huius er-
roris non minorem ad te, quam ad ipsum

infamiam redundare. Cum hoc sermone ejus medium spatium civitatis emensi, jam liberum litus tenebamus. Ibi arenas extimas velut sterneret ambulacro perfundens lenis unda tendebat. Et ut semper mare etiam positis flatibus inquietum est, etsi non canis spumosisque fluctibus exhibat ad terram, tamen crispis, torosisque. ibidem erroribus delectati perquam sumus, cum in ipso æquoris limine plantas tingeremus, quod vicissim nunc ad pulsum nostris pedibus alluderet fluctus, nunc relabens, ac vestigia retrahens in sese resorberet. Sensim itaque tranquillæque progressi, oram curvi molliter litoris, ita fabulis fallentibus legebamus. Hæ fabulæ erant Octavii differentis de navigatione narratio. Sed ubi eundi spatium satis justum cum sermone consumpsimus, eandem emensi viam rursus versus vestigiis terebamus. Et cum ad id loci ventum est, ubi subductæ naviculæ substratis roboribus, à terrena labe suspensæ quiescebant, pueros videmus certatim gestientes, testarum in mare jaculationibus ludere. Is lusus est testam teretem jactatione fluctuum levigatam legere de litore, eam testam plano situ digitis comprehensam, inclinem ipsum, atque humilem,

humilem, quantum potest super undas irrotare : ut illud jaculum vel dorsum maris raderet, vel enataret, dum leni impetu labitur : vel summis fluctibus confis emicaret, emergeret, dum assiduo saltu sublevatur. Is se in pueris victorem ferebat, cujus testa & procurreret longius, & frequentius exiliret. Igitur cum omnes hac spectaculi voluptate caperemur, Cæcilius nihil intendere, neque de contentione ridere, sed tacens, anxius, segregatus dolere nescio quid vultu fatebatur. Cui ego : Quid hoc est rei ? cur non agnosco, Cæcili, alacritatem tuam illam ? & illam oculorum etiam in seriis hilaritatem requiro ? Tum ille : Jamdudum me Octavii nostri acriter angit & remordet oratio : qua in te invecus objurgavit negligentia, ut me dissimulanter gravius argueret inscientia. Itaque progrediar ulterius : de toto & integro mihi cum Octavio res est. Si placet ut ipsius sectæ homo cum eo disputem, jam profecto intelliget facilius esse in contubernali- bus disputare, quam conferere sapientiam, modo in istis ad tutelam balnearum jactis, & in altum procurrentibus petrarum obicibus residamus, ut & requiescere de itinere possimus, & intentius dispu-

disputare. Et cum dicto ejus affedimus, ita ut me ex tribus medium lateris ambitione pretererent: nec hoc obsequii fuit, aut ordinis, aut honoris, quippe cum amicitia pares semper aut accipiat aut faciat: sed ut arbiter, & utrisque proximus aures darem, & discerpantes duos medius segregarem. Tum sic Cæcilius exorsus est: Quanquam tibi, Marce frater, de quo cum maxime quarimus non sit ambiguum; utpote cum diligenter in utroque vivendi genere versatus, repudiaris alterum, alterum comprobaris: in præsentiarum tamen ita tibi informandus est animus, ut libram tenens æquissimi judicis, nec in alteram partem propensus incumbas, ne, non tam ex nostris disputationibus nata sententia, quam ex tuis sensibus prolata videatur: proinde si mihi quasi novus aliquis, & quasi ignarus partis utriusque confidas, nullum negotium est patefacere, omnia in rebus humanis dubia, incerta, suspensa: magisque omnia verisimilia, quam vera. Quò magis mirum est, nonnullos tædio investigande penitus veritatis cuilibet opinioni temere succumbere, quam in explorando pertinaci diligentia perseverare. Itaque indignandum omnibus, indolendumque est, audere

audere quosdam, & hoc studiorum rud-
des, litterarum profanos, expertes arti-
um, etiam sordidarum, certum aliquid
de summa rerum, ac maiestate decerne-
re, de qua tot omnibus seculis sectarum
plurimarumque adhuc ipsa philosophia
deliberat: nec immerito, cum tantum
absit ab exploratione divina humana
mediocritas, ut neque quæ supra nos
caelo suspensa sublata sunt, neque quæ
infra terram profunda demersa sunt,
aut scire sit datum, aut scrutari permis-
sum, aut stuprari religiosum: & beati-
fatis, satisque prudentes jure videamur,
si secundum illud vetus sapientis oracu-
lum, nosmetipsos familiariter noverimus.
Sed quatenus indulgentes infano atque
inepto labori, ultra humilitatis nostræ
terminos evagamur, & in terram pro-
jecti, coelum ipsum, & ipsa sidera au-
daci cupiditate transcendimus: vel hunc
errorem saltem non vanis & formidolo-
sis opinionibus implicemus. Sint prin-
cipio omnium semina natura in se coe-
unte densata: quis hic auctor Deus?
Sint fortuitis concursuibus totius mun-
di membra coalita, digesta, formata:
quis Deus machinator? Sidera licet ignis
accenderit, & coelum licet sua materia
suspendere: licet terram fundaverit pon-
dere,

dere, & mare licet influxerit è liquore : unde hæc religio, unde formido, quæ superstitio est? Homo & animal omne quod nascitur, inspiratur, attollitur elementorum ut voluntaria concretio est ; in quæ rursum homo, & animal omne dividitur, solvitur, dissipatur, ita in fontem refluunt, & in semet omnia revolvuntur, nullo artifice, nec iudice, nec auctore. sic congregatis ignium seminibus soles alios, atque alios semper splendere. sic exhalatis terræ vaporibus nebulas semperadolescere ; quibus densatis coactisque nubes altius surgere ; iisdem labentibus pluvias fluere, flare ventos, grandines increpare, vel nimbis collidentibus tonitrua mugire, rutilare fulgura, fulmina præmicare : adeo passim cadunt, montes irruunt, arboribus incurrunt, sine delectu tangunt loca sacra & profana, homines noxios feriunt, & sæpe religiosos. Quid tempestates loquar varias & incertas ? quibus nullo ordine, vel examine rerum omnium impetus volutatur, in naufragiis bonorum, malorumque fata mixta, merita confusa, in incendiis interitum convenire infontium, nocentiumque ; &, cum tabe pestifera coeli tractus inficitur, sine discrimine omnes

omnes deperire: & cum belli ardore
sævitur, meliores potius occumbere. In
pace etiam non tantum æquatur nequi-
tia melioribus, sed & colitur: ut in
pluribus nescias, utrum sit eorum dete-
standa pravitas, an optanda felicitas.
Quod si mundus divina providentia, &
alicujus numinis auctoritate regeretur,
numquam mereretur Phalaris & Diony-
sius regnum; nunquam Rutilus & Ca-
millus exilium, numquam Socrates ve-
nenum. Ecce arbuta frugifera, ecce
jam seges cana, jam temulenta vinde-
mia, imbri corrumpitur, grandine cæ-
ditur: adeo aut incerta nobis veritas
occultatur & premitur: aut, quod ma-
gis credendum est, variis & lubricis
casibus, soluta legibus fortuna dominatur.
Cum igitur aut fortuna certa, aut in-
certa natura sit; quanto venerabilius
ac melius antistites veritatis majorum
excipere disciplinam, religiones traditas
colere, deos, quos à parentibus ante
imbutus es timere quam cognosse fami-
liarius, adorare; nec de numinibus fer-
re sententiam, sed prioribus credere:
quia adhuc rudi seculo in ipsius mundi
natalibus, meruerunt deos vel faciles
habere, vel reges. Inde adeo per uni-
versa imperia, provincias, oppida, vi-

ro *M. Minucii Felicis*

demus singulos sacrorum ritus gentiles habere, & deos colere municipales, ut Eleusinos Cererem, Phrygas Matrem, Epidaurios Æsculapium, Chaldaeos Belum, Astarten Syros, Dianam Taurios, Gallos Mercurium, universa Romanos. Sic eorum potestas & auctoritas, totius orbis ambitus occupavit: sic imperium suum ultra solis vias, & ipsius Oceani limites propagavit, dum exercent in armis virtutem religiosam, dum urbem muniunt sacrorum religionibus, castis virginibus, multis honoribus, ac nominibus sacerdotum: dum obsessi, & citra solum Capitolium capti, colunt Deos, quos alius jam sprevisset iratos; & per Gallorum acies mirantium superstitionis audaciam pergunt telis inermes, sed cultu religionis armati: dum capti in hostilibus moenibus adhuc ferociente victoria numina victa venerantur: dum undique hospites deos quærunt, & suos faciunt: dum aras extruunt etiam ignotis numinibus, & manibus. Sic dum universarum gentium sacra suscipiunt, etiam regna meruerunt. Hinc perpetuus venerationis tenor mansit, qui longa ætate non infringitur, sed augetur: quippe antiquitas ceremoniis atque fanis tantum fan-

sanctitatis tribuere consuevit, quantum
adstruxerit vetustatis. Nec tamen te-
mere (ausim enim interim & ipse con-
cedere, & sic melius errare.) majores
nostri aut observandis auguriis, aut ex-
tis consulendis, aut instituendis sacris,
aut de ubris dedicandis operam navave-
runt. Specta de libris memoriam, jam
eos deprehendes initiasse ritus omnium
religionum, vel ut remuneraretur divina
indulgentia, vel ut averteretur immi-
nens ira, aut ut jam tumens & sæviens
placaretur. Testis mater Idæa, quæ
adventu suo & probavit matronæ casti-
tatem, & urbem metu hostili libera-
vit. Testes equestrium fratrum in lacu
sicut ostenderant statuæ consecratæ, qui
anhelis, spumantibus equis atque fu-
mantibus de Perse victoriam eadem die
qua fecerant nuntiaverunt. Testis lu-
dorum offensio Jovis de somno plebei
hominis iteratio: & Deciorum devotio
rata testis est: testis & Curtius, qui
equitis sui vel mole, vel honore hiatum
profundæ voraginis coæquavit: frequen-
tius etiam quam volebamus, deorum
præsentiam contempta auspicia conte-
stata sunt. Sic Allia nomen infausum,
sic Claudii, & Junii, non prælium in
Poenos, sed ferale naufragium est. Et
ut

ut Thrasymenus Romanorum sanguine
& major esset & decolor, spreuit au-
guria Flaminius: & ut Parthos signa
repetamus, dirarum imprecationes Craf-
sus & meruit, & irrisit. Omitto ve-
tera, quæ multa sunt, & de deorum
natalibus, donis, muneribus: negligo
carmina poetarum: prædicta etiam de
oraculis fata transiio, ne vobis anti-
quitas nimium fabulosa videatur: in-
tende templis, ac delubris deorum, qui-
bus Romana civitas & protegitur, &
ornatur; magis sunt augusta numinibus
incolis, præsentibus, inquilinis, quam
cultu insignia, & muneribus opulenta.
Inde adeo pleni & mixti Deo vates fu-
tura præcerpunt, dant cautelam periculis,
morbis medelam, spem afflictis, opem
miseris, solatium calamitatibus, labori-
bus levamentum: etiam per quietem
Deos videmus, audimus, agnoscimus,
quos impie per diem negamus, nolumus,
pejeramus. Itaque cum omnium gen-
tium de diis immortalibus, quamvis in-
certa sit vel ratio, vel origo, maneat ta-
men firma consensio, neminem fero tan-
ta audacia, tamque irreligiosa nescio
qua prudentia tumescentem, qui hanc
religionem tam vetustam, utilem, tam
salubrem dissolvere, aut infirmare ni-
tatur.

tatur. Sit licet ille Theodoris Cyrenæus, vel qui prior Diagoras Melius, cui Atheon cognomen apposuit antiquitas, qui uterque nullos deos asseverando, timorem omnem, quo humanitas regitur, venerationemque penitus sustulerunt: nunquam tamen in hac impietatis disciplina simulatæ philosophiæ nomine atque auctoritate pollébunt. Cum Abderitem Protagoram Athenienses viri, consulte potius, quam profane de divinitate disputantem, & expulerint suis finibus, & in concione ejus scripta deusserint: quid homines (sustinebitis enim me impetum susceptæ actionis liberius exerentem) homines, inquam, deploratæ, illicitæ, ac desperatæ factionis grassari in deos non ingemiscendum est, qui de ultima fæce collectis imperitioribus & mulieribus credulis sexus sui facilitate labentibus, plebem profanæ conjurationis instituunt; quæ nocturnis congregationibus, & jejuniis solemnibus, & inhumanis cibis, non sacro quodam, sed piaculo foederantur, latebrosa & lucifugax natio, in publico muta, in angulis garrula, templa ut busta despiciunt, deos despuunt, rident sacra, misereantur miseri, si fas est, sacerdotum honores, & purpuras despi-
ciunt

eiunt ipsi seminudi (pro mira stulticia,
& incredibili audacia) spernunt tor-
menta præsentia, dum incerta metuunt
& futura, & dum mori post mortem
timent, interim mori non timent ; ita
illis pavor & fallax spes solatio redivivo
blanditur. Ac jam, ut fecundius nequi-
ora proveniunt, serpentibus indies per-
ditis moribus, per universum orbem sa-
craria ista teterrima impiæ coitionis ad-
olescunt : eruenda prorsus hæc, & exe-
cranda confensio. Occultis se notis &
in signibus noscunt, & amant mutuo
pæne antequam noverint : passim etiam
inter eos velut quædam libidinum re-
ligio miscetur : ac se promiscue appel-
lant fratres, & sorores, ut etiam non
insolens stuprum intercessione sacri no-
minis fiat incestum, ita eorum vana &
ademens superstitio sceleribus gloriatur.
Nec de ipsis, nisi subsisteret veritas,
maxima & varia & honore præfanda
sagax fama loqueretur. Audio eos tur-
pissimæ pecudis caput asini consecratum
inepta nescio qua persuasione venerari :
digna & nata religio talibus moribus,
alii eos ferunt ipsius antistitis ac sa-
cerdotis colere genitalia, & quasi pa-
rentis sui adorare naturam. nescio an
falsa, certe occultis ac nocturnis sacris
appo-

apposita suspicio: & qui hominem
summo supplicio pro facinore punitum,
& crucis ligna feralia eorum ceremoni-
as fabulatur, congruentia perditis scele-
ratisque tribuit altaria, ut id colant
quod merentur. Jam de iniciandis ti-
runculis fabula tam detestanda, quam
nota est. infans faire coniectus, ut de-
cipiat incautos, apponitur ei qui sacris
imbuatur. is infans à tirunculo farris su-
perficie quasi ad innoxios ictus provo-
cato cæcis occultisque vulneribus occi-
ditur: hujus (proh nefas) sitienter san-
guinem lambunt, hujus certatim mem-
bra dispartiunt. hac foederantur hostia:
hac conscientia sceleris ad silentium mu-
tuum pignerantur. hæc sacra sacrilegiis
omnibus tetriora. Et de convivio no-
tum est, passim omnes loquuntur, id eti-
am Cirtensis nostri testatur oratio: ad
epulas foleami die coeunt, cum omnibus
liberis, sororibus, matribus, sexus om-
nis homines, & omnis ætatis. illic post
multas epulas, ubi convivium caluit,
& incestæ libidinis ebrietate fervor ex-
arsit, canis qui candelabro nexus est,
jactu offulæ ultra spatium lineæ qua
vinctus est, ad impetum & saltum pro-
vocatur: sic everso & extincto conscio
lumine, impudentibus tenebris nexus
infandæ

infandæ cupiditatis involvunt per incertum fortis: etsi non omnes opera, conscientia tamen pariter incesti; quoniam voto univerforum appetitur, quidquid accidere potest in actu singulorum. Multa prætereo consulto, nam & hæc nimis multa sunt, quæ aut omnia, aut pleraque omnium vera declarat ipsius pravæ religionis obscuritas. Cur etenim occultare & abscondere quidquid illud colunt magnopere nituntur, cum honesta semper publico gaudeant, scelera secreta sint? cur nullas aras habent, templâ nulla, nulla nota simulacra, nunquam palam loqui, nunquam libere congregari, nisi illud quod colunt & interpretantur, aut puniendum est, aut pudendum? Unde autem, vel quis ille, aut ubi Deus unicus, solitarius, destitutus, quem non gens libera, non regna, non saltem Romana superstitio noverunt? Judæorum sola & misera gentilitas unum & ipsi Deum, sed palam, sed templis, aris, victimis, ceremoniisque coluerunt, cujus adeo nulla vis, nec potestas est, ut sit Romanis hominibus cum sua sibi natione captivus. At etiam Christiani quænam monstra, quæ portenta confingunt? Deum illum suum, quem nec ostendere possunt, nec videre, in omnium mores,

mores, actus omnium, verba denique, & occultas cogitationes diligenter inquirere: discurrentem scilicet, atque ubique præsentem: molestum illum volunt, inquietum, impudenter etiam curiosum. siquidem adstat factis omnibus, locis omnibus intererrat: cum nec singularis inservire possit per universa districtus, nec universis sufficere in singulis occupatus. Quid, quod toti orbi, & ipsi mundo cum sideribus suis minantur incendium, ruinam moliantur; quasi aut naturæ divinis legibus constitutus æternus ordo turbetur; aut rupto elementorum omnium foedere, & coelesti compage divisa, moles ista, qua continetur, & cingitur, subruatur. Nec hac furiosa opinione contenti aniles fabulas adstruunt & annectunt. renasci se ferunt post mortem, & cineres & favillas: & nescio qua fiducia mendaciis suis invicem credunt. putes eos jam revixisse. anceps malum, & gemina dementia: coelo & astris quæ sic relinquimus ut invenimus, interitum denuntiare: sibi mortuis, extinctis, qui sicut nascimur, & interimus, æternitatem repromittere. Inde videlicet & execrantur rogos, & damnant ignium sepulturas. quasi non omne corpus, etsi flammis subtrahatur,
annis

annis tamen & ætatibus in terram resolvatur; nec intersit, utrum feræ diripiant, an maria consumant: an humus contegat, an flamma subducatur: cum cadaveribus omnis sepultura, si sentiunt, poena sit: si non sentiunt, ipsa conficiendi celeritate medicina. Hoc errore decepti beatam sibi, ut bonis, & perpetuam vitam mortuis pollicentur; cæteris, ut injustis, poenam sempiternam. Multa ad hæc suppetunt, ni festinet oratio; injustos ipsos magis, nec labore, jam docui; quanquam etsi justos darem, culpam tamen, vel innocentiam fato tribui sententiis plurimorum & hæc vestra consensus est. Nam quidquid agimus, ut alii fato, ita vos Deo dicitis. sic sectæ vestræ non spontaneos cupere, sed electos. Igitur iniquum iudicem fingitis, qui sortem in hominibus puniat, non voluntatem. Vellem tamen sciscitari, utrumne cum corporibus, & corporibus quibus; ipsine, an innovatis resurgatur? sine corpore? sine corpore hoc, quod sciam, neque mens, neque anima, nec vita est. ipso corpore? sed jam ante dilapsum est. alio corpore? ergo homo novus nascitur, non prior ille reparatur. & tamen tanta ætas abiit, secula innumera fluxe-

fluxerunt, quis unus ullus ab inferis vel Protefilai sorte remeavit horarum saltem permissio comiteatu, vel ut exemplo crederemus? Omnia ista figmenta male sana opinionis, & inepta solaria à poetis fallacibus in dulcedine carminis lusa; à vobis nimirum credulis in Deum vestrum turpiter reformata sunt. Nec saltem de presentibus capitis experimentum, quam vos irritæ pollicitationis cassa vota decipiant: quid post mortem impendeat, miseri dum adhuc vivitis æstimare. Ecce pars vestrum & major, melior, ut dicitis, egeris, algeris, opere, fame, laboratis: & Deus patitur, dissimulat; non vult, aut non potest opitulari suis, ita aut invalidus, aut iniquus est. tu qui immortalitatem posthumanam somnas, cum periculo quæteris, cum febribus urens, cum dolore laceraris, non tam conditionem tuam sentis? non cum agnoscis fragilitatem? invitus miser infirmitatis argueris, nec fateris? Sed omitto communia, ecce vobis minæ, supplicia, tormenta, etiam non adoranda, sed subeunda cruces: ignes etiam, quos & prædicatis & timeatis: ubi Deus ille qui subvenire reviviscens potest, viventibus non potest? Nonne Romani sine vestro Deo imperant,

imperant, regnant, fruuntur orbe toto, vestrique dominantur? vos vero suspensi interim atque solliciti honestis voluptatibus abstinete; non spectacula visitis, non pompis interestis; convivia publica absque vobis; sacra certamina, præceptos cibos, & delibatos altaribus potus abhorretis. Sic reformidatis deos, quos negatis. non floribus caput nectitis, non corpus odoribus honestatis: reservatis unguenta funeribus: coronas etiam sepulchris denegatis, pallidi, trepidi, misericordia digni, sed nostrorum deorum. ita nec resurgitis miseri, nec interim vivitis. Proinde si quid sapientiæ vobis, aut verecundiæ est, definite coeli plagas, & mundi fata & secreta rimari. satis est pro pedibus aspicere, maxime indoctis, impolitissimis, rudibus, agrestibus: quibus non est datum intelligere civilia, multo magis denegatum est differere divina. Quanquam si philosophandi libido est, Socratem sapientiæ principem quisque vestrum tantus est si potuerit imitetur. Ejus viri, quoties de cœlestibus rogabatur, nota responsio est: Quod supra nos, nihil ad nos. Merito ergo de oraculo testimonium meruit prudentiæ singularis: quod oraculum idem ipse præsentis, idcirco

circo universis esse præpositum, non quod omnia comperisset, sed quod nihil se scire didicisset : ita confessæ imperitiæ summa prudentia est. Hoc fonte defluxit Arcesilæ, & multo post Carneadis & Academicorum plurimorum in summis quæstionibus tuta dubitatio ; quo genere philosophari & caute indocti possunt, & docti gloriose. Quid, Simonidis Melici nonne admiranda omnibus, & sectanda cunctatio ? qui Simonides cum de eo, quid, & quales arbitraretur deos ab Hierone tyranno quæreretur, primo deliberationi diem petiit, postridie biduum prorogavit, mox alterum tantum admonitus adjunxit ; postremo cum causas tantæ moræ tyrannus inquireret, respondit ille, quod sibi quanto inquisitio tardior pergeret, tanto veritas fieret obscurior. Mea quoque opinione, quæ sunt dubia, ut sunt, relinquenda sunt : nec tot, ac tantis viris deliberantibus temere & audaciter in alteram partem ferenda sententia est ; ne aut anilis inducatur superstitio, aut omnis religio destruat. Sic Cæcilius, & renidens (nam indignationis ejus tumorem effusæ orationis impetus relaxaverat :) Et quid ad hæc (ait) audeat Octavius homo Plautinæ prosapiæ, ut pistorum

pistorum præcipuus, ita postremus philosophorum ? Parce (inquam) in eum plaudere : neque enim prius exultare te dignum est concinnitate sermonis, quam utrinque plenius fuerit peroratum ; maxime cum non laudi, sed veritati disceptatio vestra nitatur. Et quanquam magnum in modum me subtili varietate tua delectarit oratio, tamen altius moveor, non de præsentī actione, sed de toto genere disputandi : quod plerunque pro differentium viribus, & eloquentiæ potestate, etiam perspicuæ veritatis conditio mutetur. Id accidere pernotum est auditorum facilitate, qui dum verborum lenocinio à rerum intentionibus avocantur, sine delectu assentiuntur dictis omnibus : nec à rectis falsa secernunt, nescientes inesse & in credibili verum, & in verisimili mendacium. Itaque quo sapius asseverationibus credunt, eo frequentius à periculis arguuntur : sic assidue temeritate decepti, culpam iudicis transferunt ad incerti querelam ut damnatis omnibus malint universa suspendere, quam de fallacibus judicare. Igitur nobis providendum est, ne odio identidem sermonum omnium laboremus ; ita ut in execrationem & odium hominum plerique

rique simplices efferantur. Nam incaute creduli circumveniuntur ab his, quos bonos putaverunt: mox errore consimili jam suspectis omnibus, ut improbos metuunt, etiam quos optimos sentire potuerunt. Nos proinde solliciti, quod utrinque omni negotio differatur & ex altera parte plerumque obscura sit veritas, ex altero latere mira subtilitas, quæ nonnumquam ubertate dicendi, fidem confessæ probationis imitetur: diligenter, quantum potest, singula ponderemus, ut argutias quidem laudare, ea vero quæ recta sunt, eligere, probare, suscipere possimus. Decedis (inquit Cæcilius) officio iudicis religiosi: nam perinjurium est, vires te actionis meæ intergressu gravissimæ disputationis infringere, cum Octavius integra & illibata habeat singula. Si potest reputari id quod criminarius (inquam) in commune nisi fallor, compendium protuli, ut examine scrupuloso nostram sententiam non eloquentiæ tumore, sed rerum ipsarum soliditate libremus: nec advocanda, quod queraris, diutius intentio, cum toto silentio liceat responsionem Januarii nostri jam gestientis audire. Et Octavius: Dicam equidem, ut potero, pro viribus.

& adnitendum tibi mecum est, ut conviciorum amarissimam labem verborum veracium in lumine diluamus, nec dissimulabo principio ita Natalis mei errantem, vagam, lubricam nutasse sententiam, ut sit nobis ambigendum, utrum tua eruditio turbata sit, an vacillaverit per errorem. nam interim deos credere, interim se deliberare variavit, ut propositionis incerto, certior responsionis nostræ intentio fundaretur. Sed in Natali meo versutiam nolo, non credo, procul est ab ejus subtilitate, simplicitate subtilis urbanitas. Quid igitur? ut qui rectam viam nescit, ubi, ut sit, in plures una diffunditur, qui viam nescit, hæret anxius, nec singulas audet eligere, nec universas probare: sic cui non est veri stabile iudicium, prout infida suspicio spargitur, ita ejus dubia opinio dissipatur. Nullum itaque miraculum est, si Cæcilius identidem in contrariis ac repugnantibus jactetur æstu & fluctuetur: quod ne fiat ulterius, convincam & redarguam: quamvis diversa, quæ dicta sunt, una veritate confirmata probataque sint; nec dubitandum ei de cætero est, nec vagandum. Et quoniam meus frater erupit agre se ferre, stomachari, indignari,

nari, dolere, illiteratos, pauperes, imperitos, de rebus coelestibus disputare: sciat omnes homines sine delectu ætatis, sexus, dignitatis, rationis & sensus capaces & habiles procreatos: nec fortuna nactos, sed natura infitos esse sapientiam: quin ipsos etiam philosophos, vel si qui alii artium repertores in memorias exierunt, priusquam sollertia mentis parerent nominis claritatem, habitos esse plebeios, indoctos, seminudos; adeo divites facultatibus suis illigatos, magis aurum suspicere consueisse, quam coelum: nostrates pauperes, & commentos esse prudentiam, & tradidisse cæteris disciplinam. Unde apparet ingenium non dari facultatibus; nec studio parari, sed cum ipsa mentis formatione generari. Nihil itaque indignandum, vel dolendum, si quicumque de divinis quærat, sentiat, proferat; cum non disputantis auctoritas, sed disputationis ipsius veritas requiratur: atque etiam, quo imperitior sermo, hoc illustrior ratio est: quoniam non fucatur pompa facundiae & gratiæ, sed, ut est, recti regula sustinetur. Nec recusato, quod Cæcilius asserere inter præcipua connisus est: hominem nosse se, & circumspicere debere, quid sit,

unde sit, quare sit, utrum elementis
 concretus, an concinnatus atomis, an
 potius à Deo factus, formatus, anima-
 tus. Quod ipsam explorare & eruere
 sine universitatis inquisitione non possu-
 mus, cum ita cohaerentia, connexa,
 concatenata sint, ut nisi divinitatis ra-
 tionem diligenter percusseris, nescias hu-
 manitatis: nec possis pulchre gerere
 rem civilem, nisi cognoveris hanc com-
 munem omnium mundi civitatem: prae-
 cipue cum à feris belluis hoc differa-
 mus, quod illa prona, in terramque
 vergentia, nihil nata sint prospicere,
 nisi pabulum: nos quibus vultus ere-
 ctus, quibus suspectus in coelum datus
 est, sermo, & ratio, per quæ Dominum
 agnoscimus, sentimus, imitamur, igno-
 rare nec fas, nec licet ingerentem sese
 oculis, & sensibus nostris coelestem cla-
 ritatem. Sacrilogii enim vel maximi
 instar est, humi querere, quod in sub-
 limi debeas invenire. Quo magis mi-
 hi videntur, qui hunc mundi totius or-
 natum non divina ratione perfectum
 volunt, sed frustis quibusdam temere
 cohaerentibus conglobatum, mentem,
 sensum, oculos denique ipsos non ha-
 bere. Quid enim potest esse tam aper-
 tum, tam confessum, tamque perspicu-
 um,

um, cum oculos in coelum sustuleris, & quæ sunt infra, circaque lustraveris, quam esse aliquod numen præstantissimæ mentis, quo omnis natura inspiretur, moveatur, alatur, gubernetur? Coelum ipsum vide quam late tenditur, quam rapide volvitur, vel quod in noctem astris distinguitur, vel quod in diem sole lustratur: jam scies quam sit in eo summi moderatoris mira & divina libratio. Vide & annum, ut solis ambitus faciat, & mensem vide ut luna auctu, senio, labore circumagat. Quid tenebrarum & luminis dicam recurrentes vices, ut sit nobis operis & quietis alterna reparatio? Relinquenda vero astrologis prolixior de sideribus oratio, vel quæ regant cursum navigandi, vel quæ arandi, metendique tempus inducant: quæ singula non modo ut crearentur, fierent, disponderentur, summi opificis, & perfectæ rationis e-guerunt, verum etiam sentiri, perspicui, intelligi, sine summa sollertia & ratione non possunt. Quid cum ordo temporum ac frugum stabili varietate distinguitur? nonne auctorem suum, parentemque testatur? Ver æque cum suis floribus, & æstas cum suis messibus, & autumnus maturitas grata, &

hiberna oliviras necessaria : qui ordo facile turbaretur, nisi maxima ratione consisteret. Jam providentiæ quantæ, ne hiems sola glacie ureret, aut sola æstas ardore torreret, autumnus & veris inferere medium temperamentum, ut per vestigia sua anni revertentis, occulti & innoxii transitus laberentur. Mari intende, lege littoris stringitur ; quidquid arborum est vide, quam è terræ visceribus animatur. Aspice Oceanum, refluit reciprocis æstibus : vide fontes, manant venis perennibus : fluvios intruere, eunt semper exercitis lapsibus. Quid loquar aptè disposita recta montium, collium flexa, porrecta camporum ? Quidve animantium loquar adversus seie tutelam multiformem ? alias armatas cornibus, alias dentibus septras, & fundatas ungulis, & spicatas aculeis ; aut pedum celeritate liberas, aut elatione pinnarum. Ipsa præcipue formæ nostræ pulchritudo Deum fatetur artificem, status rigidus, vultus erectus, oculi in summo velut in specula constituti, & omnes ceteri sensus velut in arce compositi. Longum est ire per singula : nihil in hominē membrorum est, quod non & necessitatis causa sit, & decoris : &, quod magis mirum est, eadem

dem figura omnibus, sed quædam uni-
 cuique lineamenta deflexa: sic & simi-
 les universi videmur, & inter se singu-
 li dissimiles invenimur. Quid nascendi
 ratio, quid cupido generandi? Nonne
 à Deo data est, & ut ubera partu ma-
 turescente lactescant, & ut tener fetus
 ubertate lactei roris adolescat? Nec u-
 niversitati solummodo Deus, sed & par-
 tibus consultit. Britannia sole deficitur,
 sed circumfluentis maris tepore recrea-
 tur. Ægypti siccitatem temperat Nilus
 annis: colit Euphrates Mesopotamiam,
 pro imbribus pensat: Indus flumen
 & ferere Orientem dicitur, & rigare.
 Quod si ingressus aliquam domum, or-
 nia exulta, disposita, ornata vidisses:
 utique præesse ei crederes Dominum,
 & illis bonis rebus multo esse melio-
 rem. Ita in hac mundi domo, cum coe-
 lum, terramque perspicias, providenti-
 am, ordinem, legem, crede esse univer-
 sitatis Dominum, parentemque, ipsis
 sideribus, & totius mundi partibus pul-
 chritorem. Ni forte, quoniam de pro-
 videnda nulla dubitatio est, inquiren-
 dum putas, utrum unius imperio, an
 arbitrio plurimorum coeleste regum
 gubernetur: quod ipsum non est multi
 laboris aperire cogitanti imperia terre-

na, quibus exempla utique de cœlo. Quando unquam regni societas aut cum fide coepit, aut sine cruore discessit? Omitto Persas de equorum hinnitu augurantes principatum: & Thebanorum permortuam fabulam transeo. Ob pastorum, & casæ regnum de geminis memoria notissima est: generi, & soceri, bella toto orbe diffusa sunt. & tam magni imperii duos fortuna non cepit. Vide cætera, rex unus apibus, dux unus in gregibus, in armentis rector unus; tu in cœlo summam potestatem dividi credas, & scindi veri illius ac divini imperii totam potestatem? cum palam sit parentem omnium Deum nec principium habere, nec terminum, qui aeternitatem omnibus præstet, sibi perpetuitatem; qui ante mundum fuerit sibi ipse, pro mundo; qui universa quæcumque sunt, verbo jubet, ratione dispensat, virtute consummat. Hic nec videri potest, visu clarior est; nec comprehendi potest, nec æstimari; sensibus major est, infinitus, immensus, & soli sibi tantus, quævis est, notus. nobis vero ad intellectum pectus angustum est: & ideo sic eum digne æstimamus, dum inæstimabilem dicimus. Eloquar quemadmodum sentio, magnitudinem Dei qui se purat nosse, minuit; qui non vult minui-

minuere, non novit: nec nomen Deo
quæras, Deus nomen est: illic vocabu-
lis opus est, cum per singulos propriis
appellationum insignibus multitudo di-
rimenda est: Deo, qui solus est, Dei
vocabulum totum est, quem si patrem
dixero, terrenum opineris; si regem,
carnalem suspiceris; si Dominum, in-
telliges utique mortalem. Aufer ad-
dicamenta nominum, & perspicies ejus
claritatem. Quid, quod omnium de i-
sto habeo consensum? Audio vulgus,
cum ad cœlum manus tendunt, nihil al-
iud quam Deum dicunt, & Deus mag-
nus est, & Deus verus est: & si Deus
dederit, vulgi iste naturalis sermo est,
an Christiani consentis oratio? & qui
Jovem principem volunt, falluntur in
nomine, sed de una potestate consenti-
unt. Audio poetas quoque unum patrem
divinum atque hominum prædicantes, &
talem esse mortalium mentem, qualem
parens omnium Deus induxerit. Quid
Mantuanus Maro; nonne apertius,
proximius, verius? Principio, ait, cœ-
lum & terras, & cætera mundi membra,
spiritus intus alit, & infusa mens agitat.
Inde hominum, pecudumque genus, &
quidquid aliud animalium. Idem a-
lio loco, mentem istam & spiritum

Deum nominat. hæc enim vera sunt :
 Deum namque ire per omnes terrasque
 tractusque maris, cœlumque profun-
 dum. Unde homines & pecudes, unde
 imber & ignes. Quid aliud & à no-
 bis Deus, quam mens, & ratio, & spi-
 ritus prædicatur ? Recenseamus, si pla-
 cet, disciplinam philosophorum, depre-
 hendes eos, etsi sermonibus variis, ip-
 sis tamen rebus in hanc unam coire &
 conspirare sententiam. Omitto illos
 rudes & veteres, qui de suis dictis sa-
 pientes esse meruerunt. Sit Thales Mi-
 lesius omnium primus, qui primus om-
 nium de cœlestibus disputavit. idem
 Milesius Thales rerum initium aquam
 dixit : Deum autem eam mentem, quæ
 ex aqua cuncta formaverit, & altior
 & sublimior aqua, & spiritus ratio,
 quam ut ab homine poterit inveniri, à
 Deo tradita. Vides philosophi princi-
 palis nobiscum penitus opinionem con-
 sonare. Anaximenes deinceps, & post
 Apolloniates Diogenes æra Deum sta-
 tuunt, infinitum, & immensum. Ho-
 rum quoque similis de divinitate con-
 sensio est. Anaxagoræ vero descriptio
 & modus infinite mentis Deus dicitur :
 & Pythagoræ Deus est animus, per u-
 niversam rerum naturam commeans, &
 in-

intencus; ex quo etiam animalium
 omnium vita capitur. Xenoplatnem no-
 tum est omne infinitum cum mente
 Deum tradere. & Antisthenem populi-
 res deos multos, sed naturalem unum
 precipiant. Speusippus vim naturalem,
 animalem, quae omnia regant, Deum
 nosse. Quid Democritus, quatuorvisu-
 tomorum primus inventor, nonne ple-
 rumque naturam, quae imagines fun-
 dat, & intelligentiam Deum loquuntur.
 Straton quoque & ipse naturam, & H
 am Epicurus ille, qui deos aut otiosos
 fingit, aut nullos, naturam tamen super-
 ponit. Aristoteles variat, & assignat eas-
 men unam potestatem, nam inter un mens-
 tem, mundum interim Deum dicit, in-
 terim mundo Deum praeficit. Aristot-
 teles Ponticus variat, alias mundi, alia
 as-menti divina tribuens principia.
 Heraclides Ponticus quoque Deo divi-
 nam mentem (quamvis varie) adscri-
 bit. Theophrastus, & Zenon, & Chry-
 sippus, & Cleanthes, sunt & ipsi multi-
 formes, sed ad unitatem providentiae
 omnes revolvuntur. Cleanthes enim
 mentem, modo animum, modo aethera,
 plerumque rationem Deum differuit.
 Zenon ejusdem magister naturalem le-
 gem atque divinam, & aethera interim,

incedamque rationem: vult omnium esse
 principium. idem interpretando Juno-
 nem aera, Jovem coelum, Neptunum
 mare, ignem esse Vulcanum, & ceteros
 similiter vulgi deos elementa esse mon-
 strando, publicum arguit graviter, &
 revincit carorum. Eadem fere Chry-
 sippus, vim divinam, rationalem natu-
 ram, & mundum interim, & fatalem
 necessitatem Deum credit. Zenonemque
 interpretatione physiologia in Hesiodi
 Homeri, Orpheique carminibus imita-
 rum, Babylonice etiam, Diogeni disci-
 plina est exponendi & differendi. Jovis
 patrum, & ortum Minervi, & hoc
 genus ceterarum rerum vocabula esse,
 non Deorum. Nam Socraticus Xeno-
 phon formam Dei veri negat videri pos-
 se, & ideo quærere non oportere. Aristo
 Chius comprehendere omnino non posse,
 interque maiestatem Dei intelligendi de-
 speratione senserunt. Platoni apertior
 de Deo, & rebus ipsis, & nominibus
 oratio est, & quæ tota esset celestis,
 nisi persuasionis civilis normamquam
 admixtione sordesceret. Platoni itaque
 in Timæo Deus est ipso suo nomine,
 mundi parens, artifex animæ, celesti-
 um terrenorumque fabricator: quem
 & invenire difficile pro nimia, & in-
 credi-

credibili potestate, & cum inveneris,
in publicum dicere impossibile praesentur.
Eadem fere & illa quae nostra
sunt; nam & Deum novimus, & parentem
omnium dicimus, & numquam
publice nisi interrogati praedicamus. Ex
positis opiniones omnium ferme philosophorum,
quibus illustrior gloria est,
Deum unum multis licet designasse nominibus;
ut quivis arbitretur aut nunc
Christianos philosophos esse, aut philosophos
fuisse jam tunc Christianos.
Quod si providentia mundus regitur,
& unius Dei nutu gubernatur, non nos
debet antiquitas imperitorum fabellis
suis delectata, vel capta, ad errorem
nutui rapere consensus; cum philosophorum
sutorum sententias refellatur,
quibus & rationis, & vetustatis auctoritas.
Majoribus enim nostris
tam facilis in mendacis fides fuit, ut temere
crediderint etiam alla monstruosa
miracula: Scyllam multiplicem, chimaeram
multiformem, & hydrum felle
cibus vulneribus renascentem, & Centauros
equos suis hominibus implexos;
& quidquid fama licet fingere, illis
erat libenter audire. Quid illas antea
fabulas de hominibus aves, & feras
homines, & de hominibus arbores
atque

atque flores : quæ si essent facta, fierent ; quia fieri non possunt, ideo nec facta sunt. Similiter ac verò erga deos quoque majores nostri improvidi, creduli, rudi simplicitate crediderunt : dum reges suos colunt religiose, dum defunctos eos desiderant in imaginibus videre, dum gestiunt eorum memorias, in statuis detinere, sacra facta sunt quæ fuerant assumpta solatia. Denique & antequam commerciis orbis pateret, & antequam gentes ritus suos moresque miscerent, unaquæque natio conditorem suum, aut ducem inclytum, aut reginam pudicam sexu suo fortiolem, aut alicujus muneris vel artis repertorem venerabatur, ut civem bonæ memoriæ. Sic & defunctis præmium, & futuris dabatur exemplum. Lege Stoicorum scripta, vel scripta sapientium, eadem mecum recognosces, ob merita virtutis, aut muneris deos habitos. Euhemerus exsequitur & eorum natales, patrias, sepulchra dinumerat, & per provincias monstrat : Dictæ Jovis, & Apollinis Delphici, & Phariæ Isis, & Cereris Eleusinae prodigiis assumptos in deos loquitur, qui errando inventis novis frugibus utilitati hominum profuerunt. In eandem sententiam & Perseus philo-

philosophatur, & annectit inventas fruges, & frugum ipsarum repertores, iisdem nominibus, ut Comicus sermo est. Venerem sine Libero & Cerere frigere. Alexander ille magnus Macedo insigni volumine ad matrem suam scripsit metu suae potestatis proditum sibi de diis hominibus à sacerdote secretum: ille Vulcanum facit omnium principem, & postea Jovis gentem; & dispicis Isidis ad hirundinem sistrum, & aspersis membris inanem tui Serapidis, sive Osiridis tumulum considera, denique sacra ipsa, & ipsa mysteria, invenies exilis tristes, fata, & funera, & luctus, atque planctus miserorum deorum. Isis perditum filium cum Cynocephalo suo & calvis sacerdotibus haeret, plangit, inquit: & Isiaci miseri cadunt pectora, & dolorem infelicissimae matris imitantur: mox invento parvulo gaudet Isis, exultant sacerdotes, Cynocephalus inventor gloriatur: nec desinunt armis omnibus, vel perdere quod inveniunt, vel invenire quod perdunt. Nonne ridiculum est, vel lugere quod colas, vel colere quod lugeas? Haec tamen Aegyptia quondam, nunc & sacra Romana sunt. Ceres facibus accensis, & serpente circumdata, errore subreptam & corruptam

tam Liberam anxia & sollicita vesti-
gat. Hæc sunt Eleusinia. & quæ Jovis
sacra sunt? Nutrix capella est, & avido
patri suberabitur infans, ne venerur,
& Corybantum cymbalis, ne pater au-
diat vagitus, tinnitus eliditur. Cybo-
le Dyndima pudet dicere, quæ adulte-
rum suum infelicitè placitum, quoni-
am & ipsa deformis & vetula, ut mul-
torum deorum mater, ad stuprum illi-
cere non poterat, exsecuit, ut Deum
scilicet faceret eunuchum. Propter hanc
fabulam Galli eam, & semiviri sui cor-
poris supplicio colunt. hæc jam non sunt
sacra, tormenta sunt. Quid formæ ip-
sæ, & habitus? nonne arguunt ludibria
& decora deorum vestrorum? Vulcanus
claudus deus, & debilis: Apollo
tot artibus levis: Esculapius beneban-
tulus, etsi semper adolescentis Apollinis
filius: Neptunus glaucis oculis. Miner-
va cæcis, bubulis Juno: pedibus Mer-
curius: atatis, Pan ungulatis, Saturnus
compeditis: Jahnus vero frontes duas
gestat, quæ ut aversus incedat. Dixi-
na interim est alto succinctu venatrix: &
Ephesia manibus multis, & vixibus ex-
structa: & Trivia trinis capitibus, &
multis manibus horrida. Quid ipse
Juppiter vester? modo imberbis statui-
tur,

um, modo barbarus locatur : & cum
Hammon dicitur, habet cornua ; &
cum Capitolinus, tunc gerit fulmina ;
& cum Latiaris, cruore perfunditur ; &
cum Feretrius, non audicitur. Et ne lon-
gius multos Joves obeam, tot sunt Jo-
vis monstra, quot nomina. Erigone
suspensa de laqueo est, ut virgo inter a-
stra ignita sit : Castores alternis mori-
untur, ut vivant : Aesculapius ut in de-
um surgat, fulminatur : Hercules ut ho-
minem exuat, Octavis ignibus concremat-
tur. Has fabulas & errores & ab impe-
riticis parentibus discimus, & (quod est
gravius) ipsis studiis & disciplinis elab-
oramus, carminibus præcipue poetarum,
qui permirum quantum veritati ipsa sua
auctoritate nocuere. Et Plauti ideo præ-
clare Homerum illum inclytum danda-
rum & coronatum de civitate quam in
sermone instruebat, eiecit. Hic enim
præcipuus bello Troico deos vestros, et
si ludos facit, tamen in hominum re-
bus & actibus misere, hic eorum pavida
composuit, fanciavit Menæon, Manteon
vixit, vulserat, fugavit. Jovemonari-
rat à Briareo liberatum, ne à diis cas-
teris ligaretur ; & Sarpedonem filium,
quoniam morti non poterat eripere,
cruentis imbribus flevit, & thoro Vo-
neris

neris illectum flagrantius quam in adul-
 teras soleat cum Junone uxore conuul-
 bere. alibi Hercules Ilereora egerit, &
 Apollo Admeto pecus pascit. Laome-
 donti vero muros Neptunus instituit,
 nec mercedem operis infelix structor ac-
 cepit, illic Jovis fulmen cum Ence-
 annis in incude fabricatur: cum coe-
 lum & fulmina & fulgura longe ante
 fuerint, quam Iuppiter in Creta nasce-
 retur, & flammam veri fulminis nec Cy-
 clope potuerit imitari, nec ipse Iuppiter
 non vereri. Quid loquar Martis & Ve-
 neris adulterium deprehensum, & in
 Ganymedem Jovis stuprum coelo conse-
 cratum. Quae omnia in hoc prodita, ut
 vitis hominum quaedam auctoritas pa-
 raretur. His atque huiusmodi figmentis,
 & mendaciis dulcoribus corumpuntur
 ingenia puerorum, & hisdem fabulis
 inhaerentibus, adusque summae aetatis ro-
 bur adolescant, & in iisdem opinionibus
 miseri confescent: cum sit veritas
 obvia, sed requirentibus. Saturnum
 omnium principem huius generis & exami-
 nis omnes scriptores vetustatis Graeci
 Romanique hominem prodiderunt. Sciri
 hoc Nepos, & Cassius in historia, &
 Thallus, ac Diodorus hoc loquuntur.
 Is itaque Saturnus Creta profugus, Ita-
 liam

liam metu filii scævientis accesserat, & Jani susceptus hospitio rudes illos homines & agrestes multa docuit, ut Graculus & politus litteras imprimere, nummos signare, instrumenta conficere. Itaque latebram suam, quod tuto latuisset, vocari maluit Latium; & urbem Saturniam dedit de suo nomine; & Janiculum Janus ad memoriam uterque posteritatis reliquerunt. Homo igitur utique, qui fugit, homo utique, qui latuit, & pater hominis, & natus ex homine: terræ enim & coeli filius, quod apud Italos esset ignotis parentibus proditus: ut in hodiernum inopinato visos, coelo missos; ignobiles & ignotos, terræ filios nominamus. Ejus filius Juppiter Creta, excluso parente regnavit, illic obiit, illic filios habuit; adhuc antrum Jovis visitur, & sepulchrum ejus ostenditur, & ipsis sacris suis humanitatis arguitur. Otiosum est ire per singulos, & totam seriem generis istius explicare; cum in primis parentibus probata mortalitas, in ceteros ipso ordine successionis influxerit. Nisi forte post mortem deos fingitis: & pejerante Proculo deus Romulus, & Juba Mauris volentibus deus est, & divi ceteri reges, qui consecrantur non ad finem

dem numinis, sed ad honorem emerita potestatis. Invitis his denique hoc nomen adscribitur; optant in homine perseverare, fieri se deos metuunt, & si jam senes nolunt. Ergo nec de mortuis dii, quoniam Deus mori non possit; nec de natis, quoniam moritur omne quod nascitur: divinum autem id est, quod nec ortum habet nec occasum. Cur enim si nati sunt, non hodieque nascuntur; nisi forte jam Juppiter senuit, & partus in Junone defecit: & Minerva canuit antequam peperit? An ideo cessavit ista generatio, quoniam nulla hujusmodi fabulis præbetur assensio? Ceterum si dii creare possent, interire non possent; plures totis hominibus deos haberemus, ut jam eos nec coelum contineret, nec aer caperet, nec terra gestaret. Unde manifestum est homines illos fuisse, quos & natos legimus, & mortuos scimus. Quis ergo dubitat horum imagines consecratas vulgus orare, & publice colere; dum opinio, & mens imperitorum aris concinnitate decipitur, auri fulgore præstringitur, argentei nitore, & candore eboris hebetatur? Quod si in animum quis inducat tormentis quibus, & quibus machinis simulacrum omne formetur, erubescet timere

mere se materiem, ab artifice, ut deum faceret, illufam. Deus enim ligneus rogi fortasse, vel infelicis fupitis portio, fufpeditur, cæditur, dolarur, runcinatur, & deus æreus, vel argenteus de immundo vafculo, ut fæpius factum Ægyptio regi, conflat, tunditur malleis, & incudibus figuratur: & lapideus cæditur, fcalpirur, & ab impurato homine levigatur: nec fentire fuæ nativitatis injuriam, ita ut nec pofttea de veftra veneratione culturam; nifi forte nondum deus faxum eft, vel lignum, vel argentum. Quando igitur hic nafcitur? ecce funditur, fabricatur, fcalpitur, nondum deus eft. Ecce plumbatur, conftruitur, erigitur, nec adhuc deus eft. Ecce ornatur, confecratur, oratur; tunc poftremo deus eft, cum homo illum voluit, & dedicavit. Quanta vero de diis veftris animalia muta naturaliter judicant, mures, hirundines, milvi, non fentire eos fciunt, norunt, inculcant, infident, ac nifi abigatis, in ipfo dei veftri oro nidificant. Aranea vero faciem ejus intexuat, & de ipfo capite fuæ fila fufpendunt: vos tergitis, mundatis, eradicatis, & illos, quos facitis, protegitis, & timetis. Dum unusquisque veftrum non cogitat, prius fe debere deum noffe, quam

quam colere : dum inconsulte gestiunt parentibus obedire : dum fieri malunt alieni erroris accessio, quam sibi credere : dum nihil ex his quæ timent, norunt : sic in auro & argento avaritia consecrata est ; sic statuarum inanum consignata forma ; sic nata Romana superstitio, quorum ritus, si percenseas, ridenda quam multa, multa etiam miseranda sunt. Nudi cruda hieme discurrunt, alii incedunt pileati, scuta vetera circumferunt, pelles cadunt, mendicantes viciatim deos ducunt. Quædam fana semel anno adire permittunt, quædam in totum nefas visere est, quædam viro non licet, & nonnulla absque feminis sacra sunt : etiam servo quibusdam cerimonis interesse piaculare flagitium est : alia sacra coronat univira, alia multivira, & magna religione conquiruntur, quæ plura possit adulteria numerare. Quid, qui sanguine suo libat, & vulneribus suis supplicat, non profanus melius esset, quam sic religiosus ? aut cui exta sunt obscena demessa, quomodo deam violat, qui hoc modo placat ? cum si eunuchos deus vellet, posset procreare, non facere. Quis non intelligat male sanos, & vanæ & perditæ mentis in ista desipere, & ipsam errantium

rantium turbam mutua sibi patrocina
præstare? Hic defensio communis furo-
ris est furentium multitudo. At tamen
ista ipsa superstitio Romanis dedit, auxit,
fundavit imperium; cum non tam vir-
tute, quam religione & pietate polle-
rent. nimirum insignis & nobilis justitia
Romana ab ipsis imperii nascentis incu-
nabulis auspicata est. Nonne in ortu
suo & scelere collecti, & muniti imma-
nitatis suæ terrore creverunt? Nam a-
sylo prima plebs congregata est: con-
fluxerant perditii, facinorosi, incesti, si-
earii, proditores. Et ut ipse Romulus
imperator & rector, populum suum fa-
cinore præcelleret, parricidium fecit.
Hæc prima sunt auspicia religiosæ civi-
tatis. mox alienas virgines jam despon-
satas, jam destinatas, & nonnullas de
matrimonio mulierculas sine more ra-
puit, violavit, illudit: & cum earum
parentibus, id est, cum soceris suis, bel-
lum miscuit, propinquum sanguinem
fudit. Quid irreligiosius, quid auda-
cius, quid ipsa sceleris confidentia tuti-
us? Jam finitimos agro pelleret, civi-
tates proximas evertere cum templis &
altaribus: captos cogere, damnis alie-
nis, & suis sceleribus adolescere cum
Romulo regibus cæteris, & postremis
ducibus

ducibus disciplina communis est. ita quidquid Romani tenent, colunt, possident, audaciæ præda est, templa omnia de manubiis, id est, de ruinis urbium, de spoliis deorum, de cædibus sacerdotum: hoc insultare & illudere est, victis religionibus servire, captivas eas post victorias adorare. Nam adorare quæ manu ceperis, sacrilegium est consecrare, non numina. Toties ergo Romanis impiatum est, quoties triumphatum: tot de diis spolia, quot de gentibus & trophæa. Igitur Romani non ideo tanti quod religiosi, sed quod impune sacrilegi. Neque enim potuerunt in ipsis bellis deos adjuutores habere, adversus quos arma rapuerunt: & quos postulaverant detriumphatos colere coeperunt. Quid autem isti dii pro Romanis possunt, qui nihil pro suis adversus eorum arma valuerunt? Romanorum enim vernaculos deos novimus, Romulus, Picus, Tiberinus, & Consus, & Pilumnus, ac Picumnus dii. Cloacina nam Tatiæ & invenit & coluit: Pavorem Hostilius atque Pallorem, mox a nescio quo Febris dedicata: hæc alumna urbis istius supersticio, morbi & malæ valetudines. Sane & Acca Laurentia, & Flora meretrices propudiosæ, inter morbos

bos Romanorum, & deos computanda, isti scilicet adversus ceteros qui in gentibus colebantur, Romanorum imperium protulerunt: neque enim eos adversum suos homines vel Mars Thracius, vel Juppiter Creticus, vel Juno nunc Argiva, nunc Samia, nunc Poena, nunc Diana Taurica, vel mater Idæa, vel Ægyptia illa non numina, sed portenta juverunt. Nisi forte apud istos major castitas virginum, aut religio sanctior sacerdotum: cum pæne in pluribus virginibus, & quæ inconsultius se viris miscuissent, Vesta sane nesciente sit incestum vindicatum: in residuis impunitatem fecerit, non castitas tutior, sed impudicitia felicior. Ubi autem magis à sacerdotibus, quam inter aras & delubra conducuntur stupra, tractantur lenocinia, adulteria meditantur? frequentius denique in ædituorum cellulis, quam in ipsis lupanaribus flagrans libido defungitur. & tamen ante eos Deo dispensante diu regna tenuerunt Assyrii, Medi, Persæ, Græci etiam, & Ægyptii, cum Pontifices & Arvales, & Salios, & Vestales, & Augures non haberent, nec pullos cavea reclusos, quorum cibo vel fastidio respublica summa regeretur. Jam enim venio ad illa auspicia & auguria

guria Romana, quæ summo labore collecta testatus est & poenitenter omiſſa, & obſervata feliciter. Clodius ſcilicet, & Flaminius, & Junius ideo exercitus perdiderunt, quod pullorum ſolemniffimum tripudium expectandum non putaverunt. Quid Regulus? nonne auguria ſervavit, & captus eſt? Mancipus religionem tenuit, & ſub jugum miſſus eſt, & deditus? Pullos edaces habuit & Paulus apud Cannas, tamen cum majore reipublicæ parte proſtratus eſt; Caius Cæſar, ne ante brumam in Africam navigia transmitteret, auguriis & auſpiciis renitentibus ſprevit: eo facilius & navigavit & vicit? Quæ vero & quanta de oraculis proſequar? Poſt mortem Amphiaræus ventura reſpondit, qui proditum iri ſe ob monile ab uxore nescivit. Tireſias cæcus futura videbat, qui præſentia non videbat. De Pyrrho Ennius Apollinis Pythii reſponſa confinxit, cum jam Apollo verſus facere deſiſſet: cujus tunc cautum illud & ambiguum deſecit oraculum, cum & politiores homines, & minus creduli eſſe coeperunt. Et Demotheſenes, quod ſciret reſponſa ſimulata, *φιλιππίζεν* Pythiam querebatur. At nonnunquam tamen veritatem vel auſpicia vel oracula tetigere.

tetigere. Quamquam inter multa mendacia videri possit industriam casus imitatus, aggrediar tamen fontem ipsum erroris & pravitatis, unde omnis caligo ista manavit, & altius eruere, & aperire manifestius. Spiritus sunt insinceri, vagi, à coelesti vigore terrenis labibus & cupiditatibus degravati. isti igitur spiritus, posteaquam simplicitatem substantiæ suæ, onusti & immersi vitiis perdiderunt, ad solatium calamitatis suæ non desinunt perditum jam perdere, & depravati errorem pravitatis infundere, & alienati à Deo, inductis pravis religionibus à Deo segregare. Eos spiritus dæmonas esse poetæ sciunt, philosophi differunt, Socrates novit qui ad nutum & arbitrium assidentis sibi dæmonis vel declinabat negotia, vel petebat. Magi quoque non tantum sciunt dæmonas, sed etiam quidquid miraculi ludunt, per dæmonas faciunt: illis aspirantibus & infundentibus præstigias edunt: vel quæ non sunt, videri, vel quæ sunt, non videri. Eorum & Magorum eloquio & negotio primus Sosthenes, & verum Deum merita maiestate prosequitur, & angelos, id est, ministros & nuntios Dei sed veri, ejusque venerationi novit assistere: ut & nutu ipso & vultu domini

territi contremiscant. Idem etiam dæmonas prodidit terrenos, vagos, humilitatis inimicos. Quid Plato, qui invenire Deum negotium credidit, nonne & angelos sine negotio narrat & dæmonas? & in Symposio etiam suo naturam dæmonum exprimere conatur, vult enim esse substantiam inter mortalem immortalemque, id est, inter corpus & spiritum, mediam, terreni ponderis & coelestis levitatis admixtione concretam, ex qua manare in nos procupidinem amoris, & dicit informari, & labi pectoribus humanis, & sensum movere, & affectus fingere, & ardorem cupiditatis infundere. Isti igitur impuri spiritus, dæmones. (ut ostensum à Magis, à philosophis, & à Platone.) sub statu is & imaginibus consecrati delitescunt, & afflatu suo auctoritatem quasi presentis numinis consequuntur, dum inspirantur interim vatibus, dum fanis immorantur, dum nonnunquam extorum fibras animant, avium volatus gubernant, sortes regunt, oracula efficiunt fallis pluribus involuta: nam & falluntur, & fallunt, ut & nescientes sinceram veritatem, & quam sciunt, in perditionem sui non consentientes. Sic à coelo deorsum gravant, & à Deo vero
ad

ad materias avocant, vitam turbant, omnes inquietant, irrepentes etiam corporibus occulte, ut spiritus tenues, morbos fingunt, terrent mentes, membra distorquent, ut ad cultum sui cogant, ut nidore altarium, vel hostiis pecudum saginati remissius quæ constrinxerant, curasse videantur. Hi sunt & furentes, quos in publicum videtis excurrere: vates & ipsi absque templo sic insaniunt, sic bacchantur, sic rotantur, par & in illis instigatio dæmonis, sed argumentum dispar furoris. De ipsis etiam illa quæ paulo ante tibi dicta sunt, ut Juppiter ludos repeteret ex somnio, ut cum equis Castores viderentur, ut cingulum matronæ navicula sequeretur. Hæc omnia sciunt plerique vestrum ipsos dæmonas de semetipsis confiteri, quoties à nobis tormentis verborum, & orationis incendiis de corporibus exiguntur. Ipse Saturnus, & Serapis, & Juppiter, & quidquid dæmonum colitis, victi dolore, quod sunt eloquuntur: nec utique in turpitudinem sui, nonnullis præsertim vestrum assistentibus, mentiuntur. Iphis testibus esse eos dæmonas de se verum confitentibus credite: adjurationi enim per Deum verum & solum, invicti miseri corporibus inhorrescunt; & vel

exiliunt statim, vel evanescunt gradatim, prout fides patientis adjuvat, aut gratia curantis aspirat. Sic Christianos de proximo fugitant, quos longe in coetibus per vos laceſſebant. Ideo inferti mentibus imperitorum, odium noſtri ſerunt occulte per timorem. Naturale eſt enim & odiſſe quem times, & quem metueris, infeſtare ſi poſſis. Sic occupant animos, & obſtruunt peſtora, ut ante nos incipiant homines odiſſe, quam noſſe : ne cognitos aut imitari poſſint, aut damnare non poſſint. Quam autem iniquum ſit, incognitis & inexploratis iudicare, quod facitis, nobis ipſis poenitentibus credite : & nos enim idem fuimus, & eadem vobiſcum quondam adhuc cæci & hebetes ſentiebamus : quaſi Chriſtiani monſtra colerent, infantes vorarent, convivia inceſta miſcerent : nec intelligebamus ab his fabulas iſtas ſemper ventilari, & numquam vel inveſtigari, vel probari, nec tanto tempore aliquem exiſtere, qui proderet, non tantum facti veniam, verum etiam indicii gratiam conſecuturum. Malum autem adeo non eſſe, ut Chriſtianus reus nec erubereſceret, nec timeret, & unum ſolummodo quod non ante fuerit, poeniteret. Nos tamen

men cum sacrilegos aliquos, & incestos, parricidas etiam defendendos & tuendos suscipiebamus, hos nec audiendos in totum putabamus: nonnumquam etiam miserantes eorum, crudelius faviebamus, ut torqueremus confitentes ad negandum, videlicet ne perirent, exercentes in his perversam quaestionem, non quæ verum erueret, sed quæ mendacium cogeret. Et si quis infirmior malo pressus & victus Christianum se negasset, favebamus ei, quasi ejerato nomine jam omnia tacta sua illa negatione purgaret. Agnoscitisne eadem nos sensisse & egisse, quæ sentitis & geritis? Cum, si ratio, non instigatio dæmonis judicaret, urgendi magis, non ut diffiterentur se Christianos, sed ut de incestis, stupris, de impietatis sacris, de infantibus immolatis faterentur. His enim & hujusmodi fabulis iidem dæmones ad execrationis horrorem imperitorum aures adversus nos referferunt: nec tamen mirum, cum omnium fama, quæ semper insparfis mendaciis alitur, ostensa veritate consumitur. Sic est negotium dæmonum: ab ipsis enim rumor falsus & feritur, & fovetur. Inde est quod audire te dicis caput asinirem nobis esse divinam. Quis tam stultus

tus ut hoc colat? quis stultior ut hoc coli credat? nisi quod vos & rotos asinos in stabulis cum vestra vel Hippo-
na consecratis, & eosdem asinos cum Iside religiose devoratis: item boum
capita, & capita vervecum, & immo-
latis, & colitis: de capro etiam & ho-
mine mixtos deos, & leonum & canum
vultus deos dedicatis. Nonne & Apim
bovem cum Ægyptiis adoratis, & pasci-
tis? nec eorum sacra damnatis instituta
serpentibus, crocodilis, belluis cæteris,
& avibus, & piscibus, quorum aliquem
deum si quis occiderit, etiam capite pu-
nitur. Idem Ægyptii cum plerisque
vobiscum non magis Isidem, quam ce-
parum acrimonias metuant: nec Sera-
pidem magis, quam strepitus per pu-
benda corporis expressos extremiscent.
Etiam ille qui de adoratis sacerdotis vi-
ribus adversum nos fabulatur, tentat
in nos conferre quæ sua sunt. Ita e-
nim impudiciæ eorum forsitan sacra
sunt, apud quos sexus omnis membris
omnibus prostat, apud quos tota impu-
diciæ vocatur urbanitas: qui scorto-
rum licentiæ invident, qui medios vi-
ros lambunt, libidinoso ore inguinibus
inhærescunt; homines malæ linguæ eti-
am si tacerent: quos prius tadescit
impu-

impudicitiae suae, quam pudefeit. Proh nefas, id in se pessimi facinoris admittunt, quod nec aetas potest pati mollior, nec aegi servitus aurius. Hæc & huiusmodi propudia nobis non licet nec audire, etiam pluribus turpe defendere est. Ea enim de castis fingitis & pudicis, quæ fieri non crederemus, nisi de vobis probaretis. Nam quod religioni nostræ hominem noxium, & crucem ejus adscribitis, longe de vicinia veritatis erratis, qui putatis Deum credi, aut meruisse noxium, aut potuisse retinere, ne ille miserabilis, cuius in homine mortali spes omnis innititur, totum enim ejus auxilium cum extincto homine finitur. Aegyptii sane hominem sibi quem colant, eligunt, illum unum propitiant, illum de omnibus consulunt, illi victimas credunt, & ille qui cæteris deus, sibi certe homo est, velit nolit: nec enim conscientiam suam decipit, si fallit alienam. Etiam principibus & regibus, non ut magnis & electis viris, sicut fas est, sed ut deis turpiter adulatio falsa blanditur, cum & præclaro viro honor verius, & optimo amor dulcius præbeat. Sic eorum numen vocant, ad imagines supplicant, genium, id est demonem ejus, implorant; & est eis

tutius per Jovis genium pejerare, quam regis. Cruces etiam nec colimus, nec optamus, vos plane qui ligneos deos consecratis, cruces ligneas, ut deorum vestrorum partes, forsitan adoratis. Nam & signa ipsa, & cantabra, & vexilla castrorum; quid aliud quam inauratae cruces sunt & ornatae? tropæa vestra vietricia non tantum simplicis crucis faciem, verum & affixi hominis imitantur. Signum sane crucis naturaliter visimus in navi, cum velis tumentibus vehitur, cum expansis palmulis labitur, & cum erigitur jugum, crucis signum est, & cum homo porrectis manibus Deum pura mente veneratur: ita signo crucis aut ratio naturalis innititur, aut vestra religio formatur. Illum jam velim convenire, qui initiari nos dicit aut credit de cæde infantis & sanguine. Putas posse fieri, ut tam molle, tam parvulum corpus fata vulnerum capiat, ut quisquam illum rudem sanguinem novelli, & vix dum hominis cædat, fundat, exhauriat? Nemo hoc potest credere, nisi qui possit audere. Vos enim video procreatos filios nunc feris & avibus exponere, nunc adstrangulatos misero mortis genere elidere: sunt quæ in ipsis visceribus medicaminibus epotis originem

riginem futuri hominis extinguant, & parricidium faciant antequam pariant. Et hæc utique de deorum vestrorum disciplina descendunt. Nam Saturnus filios suos non exposuit, sed voravit. Merito ei in nonnullis Africæ partibus à parentibus infantes immolabantur, blanditiis & osculo comprimente vagitum, ne flebilis hostia immoletur. Tauris etiam Pontificis, & Ægyptio Busiridi ritus fuit hospites immolare: & Mercurio Gallos humanas, vel inhumanas victimas cædere. Romani Græcum & Græcam, Gallum & Gallam sacrifici viventes obruere: hodieque ab ipsis Latiaris Juppiter homicidio colitur; & quod Saturni filio dignum est, mali & noxii hominis sanguine saginatur. Ipsum credo docuisse sanguinis foedere conjurare Catilinam: & Bellonam servum suum haustu humani cruoris imbuiere: & comitalem morbum hominis sanguine, id est morbo graviore, sanare. Non dissimiles & qui de arena feras devorant illitas & infectas cruore, vel membris hominis & viscere saginatas. Nobis homicidium nec videre fas, nec audire: tantumque ab humano sanguine cavemus, ut nec edulium pecorum in cibis sanguinem noverimus.

Et de incesto convivio fabulam grandem adversum nos dæmonum concio mentita est, ut gloriam pudicitiae deformis infamiae aversione macularet; ut ante exploratam veritatem homines à nobis terrore infandæ opinionis averteret. Sic de isto & tuus Fronto, non ut affirmator testimonium fecit, sed convitium ut orator asperxit. Hæc enim potius de vestris gentibus nata sunt. Jus est apud Persas misceri cum matribus: Ægyptiis, & Athenis cum sororibus legitima connubia. Memoriz, & tragœdiæ vestræ incestis gloriantur, quas vos libenter & legitis & auditis: sic & deos colitis incestos, cum matre, cum filia, cum sorore conjunctos. Merito igitur incestum penes vos sæpe deprehenditur, semper admittitur: etiam nescientes miseri potestis in illicita prornere; dum Venerem promiscue spargitis, dum passim liberos seritis, dum etiam dominatos alienæ misericordiæ frequenter exponitis, necesse est in vestros recurrere, in filios inerrare. Sic incesti fabulam nectitis, etiam cum conscientiam non habetis. At nos pudorem non facie, sed mente præstamus: unius matrimonii vinculo libenter inhæremus: cupiditate procreandi aut unam scimus,
aut

aut nullam. convivium non tantum pudica
colimus, sed & sobria. nec enim in-
dulgemus epulis, aut convivium mero
ducimus, sed gravitate hilaritatem tem-
peramus. casto sermone, corpore casti-
ore, plerique inviolati corporis virgi-
nitate perpetua fruuntur potius quam
gloriantur. Tantum denique abest in-
cesti cupido, ut nonnullis rubori sit e-
tiam pudica conjunctio. Nec de ultima
statim plebe consistimus, si honores ve-
stros & purpuras recusamus: nec fasti-
diosi sumus, si omnes unum bonum sa-
pimus eadem congregati quiete, qui
singuli. nec in angulis garruli, si audire
nos publice aut erubescitis, aut timetis.
Et quod in dies nostri numerus auge-
tur, non est crimen erroris, sed testimo-
nium laudis. nam in pulchro genere vi-
vendi & perstat & perseverat suus, &
aaccrescit alienus. Sic nos denique non
notaculo corporis, ut putatis, sed in-
nocentiae ac modestiae signo facile dig-
noscimus. Sic mutuo, quod doletis, a-
more diligimus, quoniam odisse non no-
vimus: sic nos, quod invidetis, fratres
vocamus, ut unius Dei parentis homi-
nes, ut consortes fidei, ut spei cohere-
des. Vos enim nec invicem agnoscitis,
& in mutua odia servitis: nec fratres
vos,

vos, nisi sane ad parricidium recognoscitis. Putatis autem nos occultare quod colimus, si delubra & aras non habemus? Quod enim simulacrum Deo fingam, cum si recte existimes, sit Dei homo ipse simulacrum? templum quod ei extruam, cum totus hic mundus ejus opere fabricatus eum capere non possit; & cum homo latius maneam, intra unam ædiculam vim tantæ majestatis includam? Nonne melius in nostra dedicandus est mente? in nostro imo consecrandus est pectore. Hostias & victimas Domino offeram, quas in usum mei protulit, ut rejiciam ei suum munus? ingratum est; cum sit litabilis hostia, bonus animus, & pura mens, & sincera sententia. Igitur qui innocentiam colit, Domino supplicat: qui justitiam, Deo libat: qui fraudibus abstinet, propitiatur Deum: qui hominem periculo surripit, optimam victimam cædit. Hæc nostra sacrificia, hæc Dei sacra sunt: sic apud nos religiosior est ille, qui justior. At enim quem colimus Deum, nec ostendimus, nec videmus: imo ex hoc Deum credimus, quod eum sentire possumus, videre non possumus. In operibus enim ejus, & in mundi omnibus motibus virtutem ejus semper præ-

præsentem aspicimus, cum tonat, fulgurat, fulminat, cum serenat. Nec mireris si Deum non vides: vento & flatibus omnia impelluntur, vibrantur, agitantur, & sub oculis tamen non venit ventus, & flatus. In sole adeo, qui videndi omnibus causa est, videre non possumus; radiis acies submouetur, obtutus intuentis hebetatur: & si diutius inspicias, omnis visus extinguatur. Quid ipsum solis artificem, illum luminis fontem possis sustinere, cum te ab ejus fulgoribus avertas, à fulminibus abscondas? Deum oculis carnalibus vis videre, cum ipsam animam tuam, qua vivificaris & loqueris, nec aspicere possis, nec tenere? Sed enim Deus ætæ hominis ignorat; & in cœlo constitutus non potest aut omnes obire, aut singulos nosse. Erras ô homo, & falleris: unde enim Deus longe est, cum omnia cœlestia, terrenaque, & quæ extra istam orbis provinciam sunt, Deo cognita plena sint? ubique non tantum nobis proximus, sed infusus est. In sole adeo rursus intende, cœlo affixus, sed terris omnibus sparsus est: pariter præsens ubique interest, & miscetur omnibus: nusquam enim claritudo violatur: quanto magis Deus auctor omnium, ac specu-

speculator omnium, à quo nullum potest esse secretum, tenebris interest, interest cogitationibus nostris, quasi alteris tenebris? Non tantum sub illo agimus, sed & cum illo (ut prope dixerim) vivimus. Nec nobis de nostra frequentia blandiamur: multi nobis videmur, sed Deo admodum pauci sumus. Nos gentes, nationesque distinguimus: Deo una domus est mundus hic totus. Reges tantum regni sui per officia ministrorum universa novere: Deo iudiciis opus non est. Non solum in oculis ejus, sed & in sinu vivimus. Sed Judæis nihil profuit, quod unum & ipsi Deum aris atque templis maxima superstitione coluerunt. Ignorantia laboris, si priorum aut oblitus, aut inscius, posteriorum recordaris. Nam & ipsi Deum nostrum (idem enim omnium Deus est) quamdiu enim eum caste, innoxie, religioseque coluerunt, quamdiu præceptis salubribus obtemperaverunt, de paucis innumeri facti, de egentibus divites, de servientibus reges; modici multos, interni armatos dum fugiunt insequentes, Dei jussu, & elementis adnitentibus obruerunt. Scripta eorum relege, vel si Romanis magis gaudes, ut transeamus veteres, Flavii Josephi, vel Antonii Juliani,

liani, de Judæis require; jam scies nequitia sua hanc eos meruisse fortunam: nec quidquam accidisse, quod non sit his, si in contumacia perseverarent, ante prædictum. Ita prius eos deseruisse comprehendens, quam esse desertos: nec ut impie loqueris, cum Deo suo esse captos, sed à Deo ut disciplinæ transfugas, deditos. Cæterum de incendio mundi, aut improvisum ignem cadere, aut difficile, non credere, vulgaris erroris est. Quis enim sapientium dubitat, quis ignorat, omnia quæ orta sunt occidere, quæ facta sunt interire? Cœlum quoque cum omnibus, quæ cœlo continentur, ita ut cepisse, desinere? Fontium dulci aqua, marisve nutrir, in vim ignis abiturum, Stoicis constans opinio est: quod consumpto humore mundus hic omnis ignescat; & Epicureis de elementorum conflagratione, & mundi ruina eadem ipsa sententia est. Loquitur Plato partes orbis nunc inundare; dicit, nunc alternis vicibus ardescere: & cum ipsum mundum perpetuum & insolubilem diceret esse fabricatum, addit tamen, ipsi artifici Deo soli & solubilem, & esse mortalem. Ita nihil mirum est, si ista moles ab eo, quo exstructa est, destruat. Animadvertis philosophos eadem disputare

tare quæ dicimus, non quod nos simus eorum vestigia subsecuti, sed quod illi de divinis prædicationibus prophetarum umbram interpolatæ veritatis imitati sint. Sic etiam conditionem renascendi sapientium clariores, Pythagoras primus, & præcipuus Plato corrupta & dimidiata fide tradiderunt: nam corporibus dissolutis solas animas volunt & perpetuo manere, & in alia nova corpora sæpius commeari. Addunt istis & illa ad retorquendam veritatem, in pecudes, aves, belluas, hominum animas redire. Non philosophi sane studio, sed mimico vitio digna ista sententia est. Sed ad propositum satis est, etiam in hoc sapientes vestros in aliquem modum nobiscum consonare. Cæterum quis tam stultus, aut brutus est, ut audeat repugnare hominem à Deo ut primum potuisse fingi, ita posse denuo reformari? nihil esse post obitum, & ante ortum nihil fuisse: sicut de nihilo nasci licuit, ita de nihilo licere reparari? Porro difficilius est id quod non sit incipere, quam id quod fuerit iterare. Tu perire & Deo credis, si quid oculis nostris hebetibus subtrahitur? Corpus omne sive arefcit in pulverem, sive in humorem solvitur, vel in cinerem comprimitur, vel in nidorem tenuatur;

nuatur; subducitur nobis, sed Deo elementorum custodia reservatur. Nec (ut creditis) ullum damnum sepulturæ timeamus, sed veterem & meliorem consuetudinem humandi frequentamus. Vide adeo quam in solatium nostri resurrectionem futuram omnis natura meditetur: sol demergit, & nascitur; astra labuntur, & redeunt; flores occidunt, & reviviscunt; post senium arbuta frondescent; semina non nisi corrupta reviviscunt: ita corpus in sæculo, ut arbores in hiberno, occultant virorem ariditate mentita. Quid festinas ut cruda adhuc hieme reviviscat, & redeat? expectandum nobis etiam corporis ver est. Nec ignoro plerosque conscientia meritorum nihil se esse post mortem magis optare, quam credere: malunt enim extinguere penitus, quam ad supplicia reparari. Quorum error augetur, & in sæculo libertate remissa, & Dei patientia maxima, cujus quanto judicium tardum, tanto magis justum est. Et tamen admonentur homines doctissimorum libris, & carminibus poetarum, illius ignei fluminis, & de Stygia palude sæpius ambientis ardoris, quæ cruciatibus æternis præparata, & dæmonum indiciis, & de oraculis prophetarum cognita tradiderunt.

diderunt. Et ideo apud eos etiam ipse rex Juppiter per torrentes ripas, & atram voraginem jurat religiose: destinata enim sibi cum suis cultoribus poenam præscius perhorrescit, nec tormentis aut modus ullus, aut terminus. Illic sapiens ignis membra urit, & reficit; carpit & nutrit: sicut ignes fulminum corpora tangunt, nec absumunt: sicut ignes Ætnæ, & Vesuvii montis, & ardentium ubique terrarum flagent, nec erogantur: ita poenale illud incendium non damnis ardentium pascitur, sed inextensa corporum laceratione nutritur: eos autem merito torqueri, qui Deum nesciunt, aut impios, ut injustos, nisi profanus nemo deliberat: cum parentem omnium, & omnium Dominum non minoris sceleris sit ignorare, quam ledere. Et quamquam imperitia Dei sufficiat ad poenam, ita ut notitia profit ad veniam; tamen si vobiscum Christiani comparemur, quamvis in nonnullis disciplina nostra minor est, multo tamen vobis meliores deprehendemur. Vos enim adulteria prohibetis, & facitis; nos uxoribus nostris solummodo vari nascimur: vos scelera admissa punitis; apud nos & cogitare peccare est: vos conscios timetis; nos etiam conscientiam solam, sine qua
esse

esse non possumus. Denique de vestro numero carcer exæstuat, Christianus ibi nullus, nisi aut reus suæ religionis, aut profugus. Nec de fato quisquam aut solatium capiet, aut excuset, eventum sit sortis, fortunæ, mens tamen libera est; & ideo actus hominis, non dignitas judicatur. Quid enim aliud est fatum, quam quod de unoquoque nostrum Deus fatus est? qui cum possit præscire materiam, pro meritis & qualitatibus singulorum etiam fata determinat. Ita in nobis non genitura plectitur, sed ingenii natura punitur. Ac de fato satis, vel si pauca, pro tempore disputaturi alias & verius & plenius. Cæterum quod plerique pauperes dicimur, non est infamia nostra, sed gloria. animus enim ut luxu solvitur, ita frugalitate firmatur. & tamen quis potest pauper esse, qui non eget, qui non inhiat alieno, qui Deo dives est? magis pauper ille est, qui cum multa habeat, plura desiderat. Dicam tandem quemadmodum sentio: nemo tam pauper potest esse, quam natus est. Aves sine patrimonio vivunt, & in diem pascula pascuntur: & hæc nobis tamen nata sunt: quæ omnia si non concupiscimus, possidemus. Igitur ut qui viam terit, eo felicior, quo levior incedit: ita beator

in

in hoc itinere vivendi qui paupertate se sublevat, non sub divitiarum onere suspirat. & tamen facultates, si utiles putaremus, à Deo posceremus. utique indulgere posset aliquantum; cujus est totum. Sed nos contemnere malumus opes, quam continere: innocentiam magis cupimus, magis patientiam flagitamus: malumus nos bonos esse quam prodigos: & quod corporis humana vitia sentimus & patimur, non est poena, militia est. fortitudo enim infirmitatibus roboratur: & calamitas sæpius disciplina virtutis est: vires denique & mentis & corporis sine laboris exercitatione torpescunt. omnes adeo vestri viri fortes, quos in exemplum prædicatis, ærumnis suis inclyti floruerunt. Itaque & nobis Deus nec non potest subvenire, nec despicit; cum sit & omnium rector, & amator suorum; sed in adversis unumquemque explorat & examinat, ingenium singulorum periculis pensat, usque ad extremam mortem voluntatem hominis sciscitatur, nihil sibi posse perire securus. Itaque ut aurum ignibus, sic nos discriminibus arguimur. Quam pulchrum spectaculum Deo, cum Christianus cum dolore congregatur,

ditur, cum adversum minas & suppli-
cia & tormenta componitur, cum stre-
pitum mortis & horrorem carnificis
irripiens inculcat, cum libertatem su-
am adversus reges & principes erigit;
soli Deo, cujus est, cedit; cum tri-
umphator & victor, ipsi qui adver-
sum se sententiam dixit, insultat. Vi-
cit enim, qui quod contendit, obti-
nuit. Quis non miles sub oculis im-
peratoris audacius periculum provo-
cet? nemo enim præmium percipit
ante experimentum: & imperator ta-
men quod non habet non dat: non
potest propagare vitam, potest honesta-
re militiam. At enim Dei miles nec
in dolore deseritur, nec morte fini-
tur. Sic Christianus miser videri po-
test, non potest inveniri. Vos ipsi
calamitosos viros fertis ad coelum,
Mucium Scævola, qui cum errasset
in regem, perisset in hostibus, nisi
dexteram perdidisset. Et quot ex no-
stris non dexteram solum, sed totum
corpus uri, cremari sine ullis ejula-
tibus pertulerunt, cum dimitti præ-
sertim haberent in sua potestate? Vi-
ros cum Mucio, vel cum Aquilio
aut Regulo comparo. Pueri & muli-
erculæ nostræ cruces & tormenta, fe-
ras,

ras, & omnes suppliciorum terriculas
inspirata patientia doloris illudunt.
Nec intelligitis ô miseri, neminem esse
qui aut sine ratione velit poenam sub-
ire, aut tormenta sine Deo possit su-
stinere. Nisi forte vos decipit, quod
Deum nescientes divitis affluant, ho-
noribus floreat, polleant potestati-
bus. Miseri in hoc altius tolluntur,
ut decendant altius. Hi enim ut victi-
mæ ad supplicium saginantur, ut ho-
stia ad poenam coronantur. In hoc
adeo quidam imperiis ac dominationi-
bus eriguntur, ut ingenium eorum
perditæ mentis licentiæ potestatis libe-
re nundinentur. Absque enim notitia
Dei, quæ potest esse solida felicitas,
cum mors sit somnio similis? Ante-
quam tenetur, elabitur. Rex es: tam
times, quam timeris: & quamlibet
sis multo comitatu stipatus, ad peri-
culum tamen solus es. Dives es:
sed fortunæ male creditur, & magno
viatico breve vitæ iter non instruitur,
sed oneratur. Fascibus & purpuris
gloriaris: vanus error hominis, &
inanis cultus dignitatis, fulgere
purpura, mente sordescere. Nobili-
tate generosus es, parentes tuos lau-
das: omnes tamen pari sorte nasci-
mur,

mur, sola virtute distinguimur. Nos igitur qui moribus & pudore censemur, merito malis voluptatibus & pompis vestris & spectaculis abstinemus, quorum & de sacris originem novimus, & noxia blandimenta damnamus. Nam in ludis Currulibus quis non horreat populi in se rixantis insaniam? in gladiatoriiis, homicidii disciplinam? in scenicis etiam non minor furor, turpitudine prolixior. Nunc enim mimus vel exponit adulteria, vel monstrat. Nunc enervis histrio amorem dum fingit, infligit. Idem deos vestros induendo stupra, suspiria, odia, dedecorat. Idem simulatis doloribus lacrymas vestras vanis gestibus & nutibus provocat. Sic homicidium in vero flagitatis, in mendacio fletis. Quod vero sacrificiorum reliquias, & pocula delibata contemnimus: non confessio timoris est, sed veræ libertatis assertio. Nam etsi omne quod nascitur, ut inviolabile Dei munus nullo opere corrumpitur; abstinemus tamen, ne quis existimet aut dæmoniis, quibus libatum est, cedere, aut nostræ religionis pudere. Quis autem ille qui dubitat vernis indulgere nos floribus, cum capiamus
&

& rosam veris & lilium, & quid-
quid aliud in floribus blandi coloris
& odoris est? his enim & sparsis u-
timur mollibus ac solutis, & fertis
colla complectimur. Sane quod caput
non coronamus, ignoscite. Auram
boni floris naribus ducere, non occi-
pitio capillisve solemus haurire. Nec
mortuos coronamus. Ego vos in
hoc magis miror, quemadmodum tri-
buatis exanimi, aut non sentienti fa-
cem, aut non sentienti coronam :
cum & beatus non egeat, & miser
non gaudeat floribus. At enim nos
exequias adornamus eadem tranquilli-
tate qua vivimus, nec adnectimus a-
rescentem coronam, sed à Deo æter-
nis floribus vividam sustinemus : qui,
& modesti Dei nostri liberalitate, se-
curi spe futuræ felicitatis, fide præ-
sentis ejus majestatis animamur. Sic
& beati resurgimus, & futuri con-
templatione jam vivimus. Proinde So-
crates scurra Atticus viderit nihil se
scire confessus, testimonio licet falla-
cissimi dæmonis gloriosus : Arcesi-
las quoque, & Carneades, & Pyr-
rho, & omnis Academicorum multi-
tudo deliberet, Simonides etiam in
perpetuum comperendinet : philoso-
phorum

phorum supercilia contemnimus, quos corruptores & adulteros novimus & tyrannos, & semper adversus sua vitia facundos. Nos non habitu sapientiam, sed mente præferimus: non eloquimur magna, sed vivimus: gloriamur nos consecutos, quod illi summa intentione quæsierunt, nec invenire potuerunt. Quid ingrati sumus? quid nobis invidemus, si veritas divinitatis nostri temporis ætate maturuit? Fruamur bono nostro, & recti sententiam temperemus, cohibeatur superstitio, impietas expietur, vera religio reserveatur. Cum Octavius perorasset, aliquamdiu nos ad silentium stupefacti, intenti vultus tenebamus: & quod ad me est, magnitudine admirationis evanui, quod ea quæ facilius est sentire, quam dicere, & argumentis, & exemplis, & lectionum auctoritatibus adornasset: & quod malevolos iisdem illis quibus armantur, philosophorum telis retudisset: ostendisset etiam veritatem non tantummodo facilem; sed & favorabilem. Dum istæc igitur apud me tacitus revolve, Cæcilius sic erupit: Ego Octavio meo plurimum quantum eadem tranquillitate, qua vivimus: sed & mihi gratulor, nec expecto sententiam: vi-

N

cimus,

timus, & ita, ut improbus, usurpo vi-
ctoriam: nam ut ille mei victor est,
ita ego triumphator erroris. Itaque
quod pertineat ad summam quæstionis,
& de providentia fateor, & Deo cedo,
& de lectæ jam nostræ sinceritate con-
sentio. Etiam nunc tamen aliqua con-
subsidunt, non obstreperantia veritati, sed
perfectæ institutioni necessaria, de qui-
bus crastino (quod jam sol occasui de-
clivis est) ut de toto congruentius,
promptius requiremus. At ego (inquam)
prolixius omnium nostrum vice gaudeo,
quod etiam Octavius mihi vicerit, cum
maxima judicandi mihi invidia detracta
sit. Nec tamen possum meritum ejus
verborum laudibus repensare: testimo-
nium & hominis, & unius infirmum est.
Habet Dei munus eximium, à quo &
inspiratus oravit, & obtinuit adjutus.
Post hæc læti, hilaresque discessimus:
Cæcilius quod crediderit: Octavius gau-
dere quod vicerit: ego & quod hic cre-
diderit, & hic vicerit.

M. Minucii Felicis Octavii Finis.

Books Printed for, and sold
by R. Green.

- A** Myrædus Treatise of Religion. 8°.
A Galtrucii Mathematicæ Institutio. 8°.
Sherringham de Anglorum Gentis Origine Disceptatio. 8°.
Logica sive *Ars Cogitandi*. 8°.
Annotationes in *Vetus Testamentum*. 8°.
Gassendi *Astronomia*. 8°.
Anacreon Gr. Lat. 12.
Casimiri Opera. 24.
Anthologia sive *Poemata Italorum*. 12.
Brigg's *Ophthalmographia*. 8°.
Bythner's *Institutio Linguae Sanctæ*. 12.
Terentius Not. *Joh. Minellii*. 12.
D^r Barne's Discourse concerning the Nature of Christs Kingdom. 4°.
----Sermon on the 9th of *September*. 4°.
----Sermon at *Hertsford Assize*. 4°.
----Authority of Church Guides. 4°.
Neoporti *Votum Candidum*. 8°.
Statii Sylvarum Lib. 5. & *Achilleidos* Lib. 2. Not. *Steph.* 8°.
Duport in *Jobum* Gr. Lat. 8°.
Mercurius Rusticus. 8°.
Wiseman Law of Laws. 8°.
Whear *Relectiones Hyemales*: accessit *Gab. Naudæi Bibliographia Politica*. 8°.
Digby

- Digby's Treatise of Bodies.* 4°.
Golii Epitome Doctrinæ Moralis, 8°.
Lactii Cælii-Lactantii Opera quæ extant
 omnia. 8°.
Fournier Euclidis Sex primi Elemento-
 rum Geometricorum Libri commodi-
 us demonstrati. 24.
Fiennius de Cometa. 8°.
Gregorii Optica promota. 4°.
Morton de Merito. 4°.
Herbæius Rerum Quotidianarum Lib. 12.
Pembles Works. Fol.
Bisterfieldi Opera Omnia. 12.
Spencer Dissertatio Urim & Thum-
 mim. 8°.
Canones Pœnitentiæ. 4°.
Nupera Homeri. 8°.
The Second Lash of Alazonomastix. 8°.
Kemp's Reason for the Common Pray-
 er. 4°.
 ---Sermon preached at St *Maries* in
Cambr. 4°.
Paw de Offibus Humani Corporis. 4°.
Sherringham of Kings Supremacy. 4°.
Calvert *Napthali.* 4°.
Vossii Elementa Rhetoricæ. 8°.
Raii Appendix ad Catalog. Plantar.
Cantab. 8°.
Statuta quædam *Academiæ Cantab.* 8°.
Lessus Discourse of Preserving Health. 24.

F I N I S.

